

drs. Hasan Alwi
Jl. H. Mahmud 1/5
Perdatam, Pancoran
Jakarta

Kaba Minangkabau

2

13

Bantuan Pembinaan dan Pengembangan Bahasa
Departemen Pendidikan dan Kebudayaan



9109

MILIK PERPUSTAKAAN
BALAI BAHASA PADANG

Kaba Minangkabau

MILIK PERPUSTAKAAN BALAI BAHASA PADANG

DITERIMATGL : 12 MEI 2001

SUMBER/HARGA : 4.

KOLEKSI :

No. INVENTARIS : 9109 JN 10001 12 : 1 (3)

KLASIFIKASI :

M A D I A H

FEST PERPUSTAKAAN PADANG BAHASA

1957. 10. 25.

105

1957. 10. 25.

Kaba Minangkabau

2

Jamil Bakar dkk.



Pusat Pembinaan dan Pengembangan Bahasa
Departemen Pendidikan dan Kebudayaan
Jakarta
1979

Hak Cipta pada Departemen Pendidikan dan Kebudayaan

Redaksi

**S. Effendi (Ketua)
Julius Habib, Edwar Djamaris,
Farid Hadi, Zulkarnain**

Seri Bs 30

Naskah buku ini semula merupakan salah satu naskah hasil Proyek Penelitian Bahasa dan Sastra Indonesia dan Daerah 1975/1976.

Staf inti Proyek: S. Effendi (Pemimpin), Zulkarnain (Bendaharawan), Farid Hadi (Sekretaris), Basuki Suhardi, Muhamdir, Lukman Ali, Djajanto Supraba, Sri sukesi Adiwimarta (Para Asisten). Dr. Amran Halim dan Dr. Muliando Sumardi (Konsultan).

Sebagian atau seluruh isi buku ini dilarang digunakan atau diperbanyak dalam bentuk apa pun tanpa izin tertulis dari penerbit kecuali dalam hal pengutipan untuk keperluan penulisan artikel atau karangan ilmiah. Alamat penerbit: Pusat Pembinaan dan Pengembangan Bahasa, Jalan Diponegoro 82, Jakarta Pusat.

Jilid 1**Daftar isi***Prakata**Kata Pengantar***DAFTAR ISI**

1.	Pendahuluan	1
1.1	Latar Belakang dan Masalah	1
1.2	Populasi dan Sampel	2
1.3	Metode dan Teknik	2
1.4	Hambatan	4
2.	Keunikan Kaba.	6
2.1	Kaba sebagai Sastra Lisan	6
2.2	Gaya Bahasa Kaba	8
2.3	Sistem Penyampaian Kaba	9
2.4	Hubungan Kaba dengan Masyarakat	11
3.	Ringkasan Cerita dan Transkripsi	34
3.1	Puti Jailan	34
3.2	Puti Sari Banilai	65
3.3	Lareh Situjuh	101
3.4	Jumbang Muhammad	203
Jilid 2		
3.5	Bujang Pajudi	265
3.6	Urang Silaiang	335
3.7	Gadih Basani	428
<i>Daftar Pustaka</i>		489

3. RINGKASAN CERITA DAN TRANSKRIPSI

Kabupaten Solok, Minangkabau

3.5 Bujang Pajudi

Ringkasan Cerita

Di sebuah negari di Kabupaten Solok yaitu di Negari Koto Anau ada sebuah keluarga yang terdiri dari tiga bersaudara, masing-masingnya bernama Haji Karim yang tertua, Sutan Mudo yang menengah dan Upik Bungsu yang bungsu. Tiga bersaudara ini terkenal di negarinya sebagai keluarga yang kaya dengan sawah ladang. Mereka tidak lagi mempunyai ibu dan bapak.

Haji Karim adalah seseorang yang dalam pengetahuannya di bidang Agama Islam. Kerjanya sehari-hari adalah memberikan pelajaran agama bertempat di suraunya. Di samping itu dia juga seorang yang pandai dalam ilmu-ilmu batin lainnya serta pandai dalam ilmu silat atau bela diri. Di suraunya dia tinggal bersama isterinya yang bernama Rapiah.

Pada suatu hari Haji Karim pergi mengunjungi rumah adiknya Upik Bungsu. Kepada adiknya dia mengatakan bahwa rumah tersebut sudah tua dan perlu diganti. Dalam bercerita-cerita dengan Haji Karim, Upik Bungsu menceritakan tentang mimpiya dan menanyakan apa maksud mimpi tersebut kepada Haji Karim. Sepulangnya dari rumah Upik Bungsu, Haji Karim mengingat-ingat kembali takwil mimpi adiknya yaitu bahwa akan terjadi bencana di lingkungan keluarganya yang dia sendiri juga meninggal.

Berlainan dengan Haji Karim, maka adiknya yang laki-laki yaitu Sutan Mudo adalah seorang pejudi, suka berlagak tiap hari dan sompong karena dia orang kaya di negarinya. Pada suatu hari Sutan Mudo pergi berjudi ke sebuah tempat di kampung Padang Dama. Dalam berjudi di Padang Dama, Sutan Mudo kalah terus menerus walau sudah ditukarnya permainan-permainannya. Akhirnya dia mempunyai hutang yang besar sekali kepada seseorang kawannya berjudi. Sutan Mudo tidak sanggup lagi membayarnya dan terjadilah perkelahian. Pemimpin tempat perjudian tersebut dalam menyelesaikan perkelahian Sutan Mudo, membayarkan utang Sutan Mudo lebih dahulu kepada kawannya itu, sedangkan Sutan Mudo akan membayarnya kepada pemimpin tempat perjudian tersebut. Dalam berhutang kepada pemimpin perjudian tersebut Sutan Mudo menjaminkan sawah luas yaitu sawah adiknya Upik Bungsu.

Sewaktu Sutan Mudo meminta kepada adiknya agar sawah adiknya tersebut digadaikan untuk pembayar hutangnya di tempat perjudian, adiknya menolak. Kemudian Sutan Mudo pergi ke rumah kakaknya Haji Karim, untuk maksud yang sama. Haji Karim sangat marah kepadanya dan mengemukakan tiga syarat dalam Adat Minangkabau untuk dapat menggadaikan sawah. Setelah menceritakan semuanya itu Haji Karim menjadi sangat marah, karena Sutan Mudo minta juga agar dapat menggadaikan sawah untuk membayar hutang-hutangnya. Sutan Mudo ditampar oleh Haji Karim beberapa kali.

Karena perlakuan Haji Karim tersebut Sutan Mudo timbul sakit hatinya dan bermaksud akan membunuh Haji Karim agar maksudnya terlaksana. Hari itu juga Sutan Mudo mencari kawan-kawan berjumlah 4 orang dengan dia sendiri untuk membunuh Haji Karim. Dalam perkelahian satu lawan empat tersebut, Haji Karim mati terbunuh, akibat tusukan-tusukan pisau. Akibat surat pengaduan dari isteri Haji Karim kepada polisi, polisi dapat menangkap pembunuh-pembunuhnya yaitu Sutan Mudo dan tiga orang kawannya.

Oleh Pengadilan Negeri yang mengadili perkara pembunuhan tersebut Sutan Mudo bersama kawan-kawannya dijatuhi hukuman buang ke Cilacap. Menjelang akan berangkat ke Cilacap, dalam percakapan dengan adiknya Upik Bungsu timbul pernyesalannya dan menasehati adiknya serta orang kampung. Sutan

Mudo menyerukan agar judi dihentikan, karena akan merusak kehidupan.

Setelah beberapa tahun di penjara Cilacap, Sutan Mudo dan kawannya dibebaskan. Mereka langsung pulang ke Padang dengan kapal yang berlabuh di Teluk Bayur. Dari Teluk Bayur mereka terus ke Padang dan dari Padang terus ke Solok. Setibanya di Solok mereka pulang ke rumah masing-masing dan Sutan Mudo pergi ke rumah adiknya Upik Bungsu. Tetapi karena sudah terlalu lama dalam penjara, Sutan Mudo sudah tua dan wajahnya sudah berubah sehingga banyak orang yang tidak kenal lagi. Begitu juga adiknya Upik Bungsu terheran-heran. Setelah dijelaskan oleh Sutan Mudo barulah Upik Bungsu sadar sehingga keduanya saling bertangisan.

Sejak itu Sutan Mudo menetap di kampungnya dan perangai jauh berubah. Kerjanya sehari-hari mengaji saja di surau dan sembahyang tidak dilupakannya. Ia sudah insaf dan mengerjakan segala suruhan agama. Tetapi sayangnya usianya sudah lanjut dan waktu mudanya sudah habis untuk bermain-main judi.

Demikianlah cerita seorang pejudi yang sadar kemudian.

Transkripsi

Limau puruik tapi jalan
ditabang anak urang Muaro
Lah laruik ari rembang malam
sidang pandanga to ansua pulo curito

Ka Padang anak Tanjuang Alai
Ari manjalang sanjo
Nan sajaknyo dendang ka dimulai
pamintak ampun ka sudaro

Buruang murai tabang malayang
babulu rampak di dadonyo
Rewak jo rewaiuntuak dibuang
diambiak sado nan paguno

Anak alang tabang malayang
ditangkok anak kamulau
Mulo curito kami kambang
nak sanang ati mandanga

Lah rami pasa Padang
rami manjalang sanjo rayo
Aluran curito kami kambang
kajadian dalam daerah kito

Kaditabang talang rang bubuih
nyo saka dama di subarang
Ado bulan ado taun tak tasabuik
isinyo sajo kito pagang

Nan kambang abih bubuih si kamulau
tenggeran anak buruang alang
Dalam daerah Koto Anau
ka sinan mah pai mangarang

Ka ditabang talang di parak
nyo saka batang limau lunggo
Yo rang hatigo badunsanak
lai banamo katigonyo

Buah pulo lah asam camin
ditabang anak sawah lurah
maraok jatuah ateh munggu
Nan batuo banamo Aji Karim
Tan Mudo gala nan tangah
gadih banamo upiak bonsu

Ka parak buruang alang
tenggeran anak buruang bondo
Anak rang sumarak Koto Piliang
pamenan Bodiganiago

Nan barabah jo asam camin
ditabang talang ateh munggu

Aluran kakak Aji Karim
disuruh duduak maso itu

Ka pakan ka Panjalinan
ari manjalang sanjo rayo
Gilo jo kaji siang malam
nau jo pekah jo kaji jo

Buruang nuri tabanglah ka rimbo
nyo saka batang limau lunggo
Bukan to Aji di surau sajo
laia jo batin nan nyo pakayo

Asam camin di dalam padi
tenggeran anak buruang bondo
Lai jo batin kato kami
capek kaki ringan tangan pandai pulo

Ka rimbo batanam palam
ari menjalang pukua satu
Bara ka sanang peratian
Awak kan kayo maso itu

Anak alang tabang melayang
inggok di rantiang limau puruik
Sawah jo ladang tak tabilang
Kabau jo bantiang tak tasabuik

Buah palo di tapi alaman
nan ditabang sawah lurah
Bi usak rang adu jo parampuan
Upiak banmo si Rapih

Ka rimbo batanam tabu
ari manjalang tangah ari
Lamo jo lambek ndeh maso itu
ado wakatu alang ari

Ka ditabang talang jo asam camin
nyo saka dama jo ka cubuang
Tasirok darah Aji Karim
badan taragak jo adiak kanduang

Buruang alang tabang ka munggu
inggok di rantang limau puruik
Lah takana jo adiak nan bonsu
lah lamo bana ndak bacaliak

Rang karek talang ateh munggu
inggok di rantang limau puruik
Lah takana jo adiak nan

Rang karek talang ateh munggu
nyo saka dama dalam padi
sicerek tumbuhan di alaman
alang tabang ka munggu
maraok sikua jo kamulau
Lah kareh niak dalam ati
takilan bana di kiro-kiro
kok bulek dapek digolongkan
pipiah lah buliah dilayangkan
lah nyo mintak izin maso itu

Sinan padusinyo nyo imbaunyo;
Nan barabah tabang ka rimbo
inggok di rantiang tapi lubuak
ditangkok anak Paninggahan
Oi mano Rapiyah kato inyo
agak ka mari kau duduak
ado nak barang ambo katokan

Lah ka banda tabang buruang balam
inggok di tatiang limau antu
ditangkok anak rang gubalo
sikua maraok ka tapian
Tadanga imbau dari junjuang
datang Rapiyah maso itu

sato duduak Upik bakato
oi junjuangan ka awak ambo apo baimbaukan

Lah sicerek dikarok ampok
ditabang anak rang Maninjau
nyo saksa talang di parak
dama tajelo di darek mudiak
Jawek Aji Karim lembek-lambek
basabab kan ka ambo imbau
pihak kapado adiak bonsu awak Ndeh Piah oi
lah lamo bana tak baliek

Ka ditabang talang di munggu
nyo sakah dara tangah laman
nak borak tabang malayang
sikua maraok ka muaro
Kini baitu Piah lah dek kau
lapeh baelok ambo pai ambo taragak nak ka kian
ka sumarak koto piliang
lapeh lah izin ambo dek kau

Lah rami pasa Ampek Angkek
rami menjalang patang-patang
babaliak pulang sanjo rayo
Jaweklah Rapiyah lambek-lambek
ka pai ndak ka bataghah
tapi sugirolah malah awak pulang
jan pulo sanjo awak tibo
tagamang ambo tingga siko

Rami pasanyo Koto Baru
rami manjalang sanjo rayo
Lah bulek mupakaik maso itu
turun Aji Karim dari suraunyo

Nan buah palo tapi jalan
dama tajelo dalam parak
Lah tibo cando di alaman
capek dituju pintu parak

Nan ampaleh tumbuah Pasa Bateh lah tapi jalan
dama tajelo dalam padi
Lapeh di sanak lah pakarangan
marantau panjang anyo lai

Tabang malayang buruang alang
sikua maraok ateh munggu
Lahnyo iliakan labuah nan panjang
labuah panjang siku lah basiku

Ka tabiang tabang buruang balam
dama tajelo batang sukuun
Pidiang ameh batimba jalan
pudiang nan bendi rumpun nan barumpuik

Buah palo tapi laman
ditabang anak Pasa Baru
Lamo jo lambek tangah jalan
tibo di laman maso itu

Nan tambola duduak mancigin
ka mano konon lah kiro-kiro
tibo di laman Aji Karim
sinan adiak kandungnyo imbaunyo

Talang tatega ateh munggu
dama tajelo dalam lurah
Ondeh diak kanduang lah upiah bonsu
lai bagadiah ateh rumah

Buruang alang tabang jo bubuih
inggok di rantiang dalam lurah
Bakato bonsu lunak lambuik
naiak ka tua juu ka teh rumah

Buah palolah di ateh munggu
tabang lah batang buah pala
Lah tadanga imbau adiak bonsu
lah capek naik kakak tuo

Buruang borak inggok di rantiang limau antu
nyo susun dama batang piladang
tenggeran anak buruang balam
Naiak Aji Karim maso itu
kato si bonsu o lambek-lambek
lah gak jarang kak tuo datang
apo mukasuik ka bakatokan
katokan capek ka wak ambo

Siburuang kurak tabangnyo bubuih
inggok di rantiang di dalam padi
nyo susun batang nak limau lunggo
Jawab kak tuo lunak lambuik
makonyo datang-datang ka mari
adok ka badan kau juo

Buruang alang tabang malayang
dama tajelo ateh munggu
tenggeran anak buruang bondo
Cubolah danga dek wak kau bonsu
bapandang rumah batambah tuo
dipandang atok lah ancua
janjang bak cando lapuak pulo

Limau puruik tumbuhan di rimbo
ditabang anak pasa baru
dadok tatuga di Muaro
Apo pikiran adiak kanduang, diak oi
ka dituka kasadonyo
elok dipabarui rumah nangko

Lah nak urang du Ampek Angkek
ka pasa sadang pukua duo
Jawek nan bonsu lambek-lambek
kok baitu kato kak tuo
pucuak dicinto ulam tibo
sasuai bana jo awak ambo

Lah ka parak batanam tabu
ari manjalang sanjo rayo
Bakato nan bonsu maso itu
denga dek kakak kato inyo

Buruang nori tabang.ka parak
ditangkok anak rang gubalo
Ambo bamimpi malam Kamih
apo takwil mimpi ambo.

Nan ka Padang ka Kampuang Jao
babaliak pulang nak pukua satu
Datang aia gadang manangah koto
anyuik sagalo rumah awak nangko

Asam camin tubuah di ladang
tenggeran anak buruang bondo
Kok mimpi sampai ka ari banderang
ambo bamanuang ka barando

Lah sipasan baranak ampek
jatuah ka lapiak duo tigo
Jawek Aji Karim lambek-lambek
itu tak ado ciek juo

Ka ditabang dadok di parak
tenggeran anak buruang nori
nyo saka batang karakok
dama maleo di Muaro
Nan bak pitua urang awak
bakacimpuang pamenan mandi
rasian ka pamenan lalok
setan jo ibilih nan mandayo

Layang-layang tabang ka munggu
ditangkok anak Pasa Baru
Sanang sajo upiak oi
ambo ka surau kini juo

Ka ditabang dadok di Munggu
tenggeran anak buruang bondo
Bajalan Aji maso itu
ati di dalam samak bedo

(mimpi diak kanduang buruak takwilnyo)

Ka ditutuah talang di ladang
tenggeran anak buruang bondo
Aji bapikia samo sorang
ka singkek kolah pintak ambo

Talang tajelo di tapi jalan
tenggeran anak buruang antu
maraok sikua ka Muaro
Lamo jo lambek tangah jalan
tibò di dusun inyo lai
sanan nyo imbau padusinyo

Nan ka pakan Panjalinan
ari manjalang pukua duo
Lah pulang ambo dari sanan
dari rumah adiak bonsu kito

Ka ditabang batang limau puruik
sagagang jatuah ka Muaro
Jawek Rapiyah lunak lambuik
lah pulang awak kato inyo

Apo barito nan dibao lai indak apo-apo adiak kito,
cubo tarangkan dek junjuangan ka wak ambo.

Kan pakan ka Ampek Angkek
babaliak pulang patang-patang
lah rami sorai jo sorak
Jawek Aji lambek-lambek
ati awak diak lai ka sanang
lai segeh-segeh adiak awak

Nan ka pakan ka Panjalinan
nyo tabang batang limau puruik
Tadanga kato dari junjuangan
Piah nyo bae galak sisuruik

Ramo-ramo tabang ka munggu
inggok di rantiang limau lunggo
disakah batang buah palo
Aji maaja maso itu

kok pueh maaja kaji ateh surau
ka bawah maaja silek pandai pulo

Ka parak ka pasa baru
baranti tantang sawah lurah
ari manjalang sanjo rayo
Dilatak Aji tantang itu
tacaliak Pak adiak nan tangah
bagala pulo lah Sutan Mudo

Ka parak nak ka rimbo rayo
baranti tantang tanjuang bingkuang
ari manjalang tangah ari
Pihak kapado Sutan Mudo
urang nan congkak dalam kampuang
acang-acang dalam nagari

Ka rimbo ka tapi parak
ari manjalang sanjo rayo
Karajo ka sawah ka ladang indak
rintang bauru-bauru sajo

Buruang alang tabang jo bondo
inggok di rantiang di tapi ladang
diseka dama jo kamuniang
Maklum awak anak rang kayo
sawah jo ladang tak babilang
padi nan usang alun abih
baru batimbun pulo
rintang jo reli patang pagi

Buruang alang tabang jo nuri
nyo susun dama dalam rimbo
sicerek tumbuah di tabiang
anak alang tabang ka rimbo
Kok lah karuan sanjo rayo
nyo pakai sagalo tigo
kupiah tukiak ka kaniang
salendang kain bugih lamo

Nan ka rimbo batanam padi
dama tajelo dalam padi
nyo saka batang marapalam
dama tajelo nan di muaro
Ka dietong karajo sanak Sutan Mudo
bia to bilang lambek-lambek
gilo basionjak tiok ari
kok malam rintang bapokok rintang bakoa nan jo badadu
gilo di galanggang karajonyo

Lah ka rimbo batanam padi
ari menjalang patang-patang
tatuga dama dalam padi
dama tajelo ndak di tapi

Ado wakatu alang ari
tadanga kaba dari kawan samo gadang
Tuan Mudo indak pai ka galanggang
Galanggang sangik rami kini
indak ko mukasuik ka pai kian

Nan nak alang tabang jo bubu
ditangkok anak rang Sumani
dama tajelo nak rangkaik
Lah menjawab lambek Sutan Mudo
di ma bana galanggang rami
gelanggang siapo nan membuek
lah manjawek kawan lambek-lambek

Layang-layang dalam padi
nyo susun dama tapi ladang
sicerek tumbuah tapi jalan
tenggeran anak buruang nuri
Jawek dek kawan samo gadang
ka galanggang rami malam kini
antaro cupak jo talang di Padang Dama
marilah awak kian kini

Lah ka pakan membaloi bawang
ari manjalang pukua satu
Tadanga ota kawan samo gadang
gadang atinyo maso itu

Ka ilia ka Padang Panjang
ari manjalang pukua satu
Tan Mudo indak bapikia panjang
taruih barangkek maso itu

Ka pakan ka Padang Panjang
ari manjalang sanjo rayo
Di jalan indak kita bilang
sampai saukua sajangkonyo

Buah palo di ateh munggu
tabang anak rang Subaka
Ilah tibo maso itu ,
iyo di ranah Padang Dama

Biriak-biriak tabang jo nori
tabang malayang ateh munggu
Caliak galanggang sangaik rami
Taruih sakali maso itu

Buruang banamo burauang kekek
inggok di rantiang dalam padi
Kato Tan Mudo lambek-lambek
mano Juaro Pendeka kaki
tolong sarahkan kepeang ambo

Talang tajelo ateh munggu
ditabang anak urang Majolelo
Tadanga kato Sutan Mudo
rang balai anok kasadonyo
rang kayo bana komah nan lah tibo

Lah barabah tabang ka munggu
tabang malayang tapi ladang
tangkok anak rang sumbaka
Taruah rang tampil maso itu
dek malang ratak Sutan Mudo
tiok lah dikiak gundu mati juo

Buruang borak tabang malayang
inggok di rantiang limau lunggo
tabang melayang ka muaro
Malang rataknyo Sutan Mudo
gundu diambung mati juo
dadunyo kaca kalah jua

Nak alang tabang ka munggu
inggok di rantiang asam camin
tatuga talang tapi aia
dama maleto dalam padi
Lah tiok nyo kocok kalah juo
lah tumbuah utang di galanggang
tasalang kepeang samo pamain
dek utangnyo Tan Mudo ndak tabaia
lah tumbuah bantah jo kalahi

Lah kalua tabang buruang nori
nyo susun dama tangah alaman
tenggeran anak buruang murai
Lah tibo bantah jo kalahi
sampai bacakak adu tangan
sadang manyalasai Tuobalai

Layang-layang tabang jo murai
nyo sakah dama dalam padi

nak alang tabang ka laman
sicerek tumbuah di tapian
layang-layang tabang malayang
ditangkok anak buruang kekeh
sikua maraok dalam rimbo
Malompek kalua Tuo balai
mano kalian sabalainyo
lah tigo bulan galanggang den rami
keok ayam bak dibandakan
bulu ayam menjadi ramo-ramo
ringgik menjadi kapeh tabang
siriah menjadi sarok halai

Gambia menjadi tanah liek
alun basuo nan bak nanko
Ntahkusuk ndak salasai
apoko sabab karanonyo

Layang tabang jo kekek
disakah dama dalam rimbo
sicerek tumbuah dalam padi
dama maleto di muaro
Manjawek janang lambek-lembek
mano tuo balai kato inyo
mangko tajadi bantah jo kalahi
danga Tuan ambo katokan
lah parangai Sutan Mudo

Lah sipasan di tapi ladang
ditabang batang limau lunggo
sicerek tumbuah tapi aia
tenggeran anak buruang bondo
Lah abih kepeang di pinggang
taruh urangnyo tampin juo
tampek utang tak tabaia
itulah sabab alah karanonyo, ka tarang jo tuan oi

Layang-layang tabang buruang murai
nyo seka dama di tapian

tenggeran anek buruang bondo
Jo lambek bakato tuo balai
mano Tan Mudo kato inyo
utang Tan Mudo babayiakan
apo runguahan bakeh ambo

Ka ditabang batang limau puruik
sagagang jatuah ateh ngarai
alang tabang malayang
ditangkok anak murai batu
maraok sikuanyo ka muaro
Tan Mudo manjawek lambek-lembek
kok baitu kato tuo balai
pambaia kepeang tuo balai
ambo runguahkan sawah nan gadang
sawah nan gadang di baliak munggu
sawah adiak kanduang

Nan ka lurah batanam tabu
ari manjalang sanjo rayo
tibo di rumah tangah malam
Lah nyo buekan utang maso itu
ari patang galanggang usai
nan pang manang pulang bagalak ati
nana kalah babaliak baibo ati
Tan Mudo pulang jo ati ibo

Malayang tabang buruang alang
inggok di rantiang limau lunggo
Nan Tan Mudo babaliak pulang
ati nan samak-samak bedo

Nan baringin di tapi laman
ditabang anak rang gubalo
Lamo jo lambek di tangah jalan
sampai saukua sajangkonyo

Limbubu angin nan mangananduang
mamatah batang ateh munggu

Nyo tuju rumah adiak kanduang
mako lah tibo di halaman maso itu

Nan kamulau di tepi rimbo
ditabang anak sawah lua
jatuah maraok ka tapian
Lah maimbau Sutan maso itu
diak kanduang, lai ba kau ateh rumah diak oi
ambo maimbau di halaman

Nan ka surau ka Pariaman
ari manjalang pukua satu
Tadanga imbau di halaman
maninjau bonsu maso itu

Nan si cerek dikarek anak urang Nareh
ditabang anak Sari Lamak
Maimbau bonsu lambek-lambek
naiklah kak angah ka ateh rumah

Anak bakiak di tapi rimbo,
ditangkok anak Panyabungan
Satu naiak Sutan bakato
danga dek kau ambo katokan.

Nan ka Padang ka Kampuang Jao
ari manjalang patang-patang
Lah malang untuang badan ambo
lah alah diri di galanggang

Ka Padang anak rang subbarang
duduak baranti ka Pariangan
malayang nori tapi sungai
lah tumbuah utang di galanggang
utang tak buliah mintak janji
barisuak juo babaia

Limau antu di dalam ladang
ditabang anak Pasa Baru

Karungguahan hutang di galanggang
lah den rungguhan sawah gadang kau itu

Limpapeh di ateh munggu
ditangkok anak rang gubalo
Ka baa jawek dikau bonsu
cubo tarangkan ka wak ambo

Ka pakan ka kampuang jao
ari manjalang patang-patang
nyo susun-susun batang rambutan
ditarbang anak rang Malalo
Manjawek bonsu jo aia mato
mano kak tangah badan ambo
anggak tapancuang lai putuih
sadatiak tak aka nyo ka ilang
nan bana adiak sabuik juo nyo

Ka parak batanam lado
nyo tanam pulo batang kundua
Kok lai buliah pintak jo pinto
mamintak ambo jo sungguah-sungguah

Anak nori tabang la sikua
ditangkok anak rang Sumania
Antikan juo malah ampok
antikan juo main judi

Ditarbang batang karakok
tenggeran anak buruang nori
Ndak urang kayo jo ampok
ndak ado urang sanang jo judi

Nak nori tabang jo kekek
nyo saka dama dalam rimbo
Lah banyak rang kayo jatuah bansaik
lah banyak aji nan malesek
dek ulah jodi nan ko juo

Ka ditutuah talang jo kacubuang
nyo susun dama ateh munggu
Tadanga jawek adiak kanduang
memberang Sutan maso itu

Ditabang talang di ladang
tenggeran buruang antu
nyo sakah dama di ladang
Jawek Tan Mudo jo garentang
lah cadiak malah kau kini
cadiak ka sia kau baguru, bijak ka siapo kau baraja

Diguguah talang di rimbo
tenggeran anak buruang kekek
nyo susun dama di tapian
Salaruik Diak salamo nanko
alunlah kato nan kau jawek, alunlah gayuang nan kau sambuik
baru sekarang iko kini

Ka Padang ka Kampuang Jao
baranti tantang ujuang Simpang
Kok kandak ambo sakali nanko
kandak tak daepek kau tumbang

Ka ditabang talang di ladang
nyo sakah dama di tapian
Tan Mudo riponyo sangaik berang
timba baliak tampa makan

Batang manggih di tapi laman
ditabang anak Pasa Baru
Jo tangih bonsu sadu sadan
bakato gaduh maso itu

Lah ditutuah talang di rimbo
disaka batang marapalam
Co iko baru gadang badan ambo
marassiambo kanai tangan

Ka Padang ka Pariaman
ari manjalang sanjo rayo
Kato bana nan ambo katokan
jawek di Kakan salah juo

Lah ramai pasa Padang Panjang
rami menjalang sajo rayo
Kalau tak ibo diambo surang
Kisai lah arato nan banyak nanko
bialah badan nani sansai jo untuangnyo

Nak nori tabang ka rimbo
ditangkok pandang ate
sicerek dikarek ampek
Tapi kok buliah pintak jo pinto
pintak kok lai ka buliah
ambo manyaro ka tampek nan kiramaik

ka parak ka Sumaniai ari manjalang sanjo rayo
nyo saka dama di Muaro
Ambo mintak jo ati ibo
kok lai kiramaik ayah jo bapak
nan ka manompang kapa tak batekek
maunyi rumah tak badapun
panjeklah kayu tak bapucuak ndeh kak angah

Ditabang talang jo kacubuang
nyo sakah dama di subbarang
Tadanga sumpah adiak kanduang
Mudo malompekk turun janjang

Ka pakan ka Padang Panjang
ari manjalang sanjo rayo
Di laman Sutan bakato sorang
bia den cobo mengecek jo kak tuo

Ka ditutuah talang di munggu
nyo susun batang limau manih
Bajalan Tan Mudo maso itu
surau Aji Karim nan nyo tuju

Ditabang talang ampaleh
malayang jatuah saleronyo
Nan bajalan bagageh-gageh
sampai saukua sajangkonyo

Lah ka rimbo batanam bayam
ari manjalang sanjo rayo
Ari nan sadang tangah malam
Tan Mudo tibo di surau kak kandungnyo

Lah ramai pasa rang Singkarak
rami manjalang pukua satu
Aji Karim sadang tidua lamak
maimbau adiak maso itu

Ka parak ka Kampuang Jao
ari manjalang pukua satu
nyo sakah batang marapalam
Mano kak tuo kato inyo
ndeh kak tolong bukak pintu
ambo maimbau di alaman

Malayang tabang buruang antu
nyo sakah dama jo asam camin
dadok tajelo jo kamulai
tadanga imbau dek Aji Karim
Bakato Aji maso itu
Rapiyah tolong bukak pintu
manga kolah inyo datang malam
sakik kolah si upiak oi takajuik sinan Aji Karim

Ka parak ka Koto Baru
ari manjalang pukua ampek
dama tajelo di alamam
Lah salasai nyo bukak pintu
lah naiak Tan Mudo lambek-lambek
Dek Piah lapiak bakambangkan

Ke ditarah talang di ladang
dama maleto dalam rimbo
sicerek tumbuhan di tapian
dadok tatuga ateh munggu
Salapeh lapiak tabantang
Aji bakato ka Rapiyah
capek ka dapua badan kau
mungkin kok auih adiak ambo

Barabah tabang ka laman
ditangkok anak Koto Baru
dituga talang di parak
sicerek tumbuhan di munggu
dama maleto di tapian
Rapiyah kan patuah ka junjuangan
capek ka dapua maso itu
nasi masak samba lah masak
salasai sadonyo nyo edangkan
di sinan wak inyo lai samo makan

Nan barabah tabang jo galah
inggok di rantiang tangah ladang
tatuga dadak di nan kareh
Baru sudah minum makan
salasai maisok rokok sabatang
tanyo Aji Karim lambek-lambek

Ka den tabang talang di laman
nyo sakah batang limau lunggo
tenggeran anak buruang balam
Sangaik takajuik waang datang malam
apo ko kaba Mudo nan waang bao
tolonglah ka ambo diak tarangkan

Lai ditabang talang di munggu
ka disakah batang marapalam
sicerek tumbuhan di parak
dama maleto ateh munggu
Jawek Tan Mudo maso itu

ondéh kak Tuo kato inyo
sabalun kaba ambo bukak
kato bana ka ambo banakan
bari ampun juo ambo dahulu

Lah ka parak batanam bayam
ari manjalang sanjo rayo
tatuga talang tapi parak
kato bana kak ka ambo banakan
Mako ambo datang malam
malu kakak malu ambo juo
utang kakak utang ambo pulo
ondéh kak kanduang danga dek kak Tuo ambo katokan

Buruang Nuri tabang malayang
nyo sakah dama dalam padi
tenggeran anak buruang alang
Didiri takacak di nan malang
di hari nan sahari kapatang
lah kalah ambo di galanggang
lah tumbuhan utang kak di galanggang

Nan ka Padang anak urang Sumaní
dama tajelo tapi aia
tatuga talang di Muaro
pandan maleto nan di ladang
tenggeran anak buruang Merak
Utang indak dapek mintak janji
berisuk juo kak ka den baia
iyolah malang malah badan ambo
lah ambo rungguhkan sawan nan gadang
sawan nan gadang di baruah munggu
sawah adiak kanduang awak

Rami pasa rang Singkarak
rami menjalang pukua duo
dama tajelo tangah ladang
Manjawek Ji Karim sambia galak
ondéh diak kanduang kato inyo

balahan nyawa badan ambo
balaian pula tibonyo di waang nyo buyuang
ambo ko dulu pareman pulo
tapi tak sarupo buyuang nangko

Ditabang talang di laman
nyo sakah dama dalam turiah
tenggeran anak buruang alang
alang tabang ka subarang
tatuga batang dalam padang
Sajak Talakek kupiah putiah
dahulu ambo lai pareman
tapi tak sarupo buyuang nangko
diambo kok abih di galanggang dapek di galanggang
hilang di galanggang tumbuhan di galanggang
indak mengaduah pai pulang
indak manyeso sawah ladang

Anak barabah tabang malayang
inggok di rantiang dulang-dulang
disakah dama dalam rimbo
Kalah di galanggang ang bao pulang
di siko untuang mangko malang
ka salumbuang padi tak ka sadang
ka tandeh kito ka talelang
ka taniayo adiak bonsu kito

Ka ditabang talang di laman
nyo saka dama jo kamulau
sicerek tumbuhan di ateh ngarai
pandan meleto di tapian
Kalah di galanggang diak sawah nan ang gadaikan
tak adaik yuang di Minangkabau
Kok di alam Minangkabau nanko
tampek rang manggadai ko tigo parkaro
danga dek buyuang ambo katokan
O Tan Mudo dangalah dek Sutan diak ambo katokan

Ka dikarek batang kamulau
nyo saka daok ateh munggu
talang tatuga nyo Muaro
Kok nyo di adaik alam Minangkabau, ndeh diak kanduang
tampek rang manggadaiko tigo parkaro
dangkan dek Sutan nak ambo bacokan

Nan ka rimbo batanan lado
nyo sakah dama tangah laman
dama tatuga dalam padi
tenggeran anak buruang barabah
sikua maraok ateh ngarai
Tampek rang manggadai buyuang oi
Paratamo rumah gadang katirisan
kaduo rende gadang tak balaki
katigo maik tabuju tangah rumah, oi diak kanduang
matonya adaik tak dipakai.

Ka pakan ka ateh ngarai
hari manjalang patang-patang
nyo susun dama di Muaro
Di sinan yuang tampek rang manggadai
sinan ko tandeh ka tabang lelang
tak ado rang nan ka malarang
tapi kok kalah di galanggang ka dibao pulang yuang oi
sagadang benggo ambo tak suko

Tajelo talang ka subbarang
dama tatuga dalam rimbo
tenggeran anak buruang antu
sikua maraok ka Muaro
Jawek Tan Mudo jo garetang
kok baitu kakak tuo tak ibo di diri ambo
ndak ibo di ambo ka taniayo
indak ko awak saibu sabapa kak oi
mangko baitu ka tibonyo

Nan alang tabang malayang
Anggok di rantiang dalam padi
nyo sakah dama ateh munggu
Maariak kak tuo jo garetang
ruponyo pajako tak babanak
ndak mangarati di kilek Minangkabau
tarabo Aji maso itu
nyo lapuak lapak adiak nyo kanai tangan

Ka den tutuah talang di ladang
dana manjelo ateh bukik
sicerek juo ateh tapian
Bakato Tan Mudo turun janjang
tak lalu dadang di lauik
di darek juo ambo rangkakkan

Nak alang tabang ka kamulau
disaka dama di subarang
Jawek Aji ateh surau
pai cari tiak kawan di aang,
kok baitu pulo Diak nan ka sanang

Ka pakan ka Pasar Baru
ari manjalang sanjo rayo
Dek malam Piak samalam itu
ati murung pikiran ibo
lah takana jo kawan lamo

Sicerek tumbuah di tapi jalan
disakah batang limau lunggo
tenggeran anak buruang alang
Kato serang Tan Mudo tangah jalan
bia den bunuh kak tuo ko
hendak nak jan tabalintang

Rami Pasa nyo Kota Baru
rami manjalang sanjo rayo
tetuga dama di Kayu Kalek
Barangkek nyo malam itu
pai mencari kongsi lamo
nan bagala Pandeka Kilek

Pai ka rimba batanam bayam
ari manjalang pukua satu
Lama jo lambek tangah jalan
tibo ka tampek nan nyo tuju

Ka ditabang talang di parak
nyo susun dama dalam bareh
Antaro Bukik Kili jo Kampuang Cupak
di sinan rumah Pandeka Kilek

Nan kamulau di tapi laman
ditabang anak Pasar Baru
Maimbau Sutan di halaman
Pendeka tolonglah bukak pintu

Lah sicerek dikarek ampek
nyo sakah batang marapalam
tenggeran anak buruang bubiuk
Jo lambek jawek Pandeka Kilek
sia lo ko nan maimbau matam
cubolah gala jo namo ka disabuik
nak tantu pintu ambo singkokkan

Lah barabah tabang ka parak
ditangkok anak rang gubalo
Jawek Tan Mudo sambia galak
lupokah ang di suaro ambo
kan ambo nan kongsi lamo
ndeh pandeka iko nan bagala Sutan Mudo.

Limau puruik pake di tapi jalan
nyo sakah daun marapalam
Disabuik gala Sutan Mudo
dek Pandeka pintu nyo singkokkan

Buruang merak tabang jo bakiak
inggok di rantiang tangah padang
Pintu tabukak Tan Mudo naik
lah basamo jo kancio lamo

'Tabang malayang buruang bubiuk
ditangkok anak panjalinan
'Tanyo pandeka lunak lambuik
gak cameh ati den takuik
mangko waang datang malam

Dikarek talang di parak
disakah batang marapalam
Jawek Tan Mudo sambia galak
mako ambo Pandeka datang malam
rasaki komah nan ambo imbaukan

Anak alang tabang malayang
nyo saka dama dalam padi
sicerek tumbuah di Muaro
tatuga dadok di tapian
Diambo takacak Pandeka di nan malang
lah kalah ambo di galanggang
utang indak dapek mintak janji
barisuak juo ka dibaja
dirungguahan sawah adiak kanduang
dek kak Tuo ambonyo larang
lapuak lapak ambo kanai tangan

Ka Padang ka Koto Sani
ari manjalang sanjo rayo
tatuga dama di Muaro
Itu mangko ambo datang ka mari

Di Pandeka lai takana kaji lamo Pandeka Kilek,
dibunuah kakak tuo ambo
alah ka sanang Pendeka kiro-kiro
Kareklah batang limau purik
nyo sakah dama dalam camin
anak alang tabang ka rimbo
nyo tangkok anak rang subbarang
Jo lambek jawek Pandeka Kilek
kok dibunuah Aji Karim Tan Mudo
ndak talok doh kito baduo
baliau kan capek kaki Tan Mudo
kito tambah kawan sorang lai

Nan ka ladang batanam padi
dama maleto dalam parak
sicerek tumbuah ateh munggu
Katambah kawan Tan Mudo surang lai
diambo lai tampak kongsi lamo kongsi arek kito juo
kito cari Pandeka Urek Kanduang oi
jo inyo kito membunuahnyo

Ka dikarek talang di munggu
sicerek dikarek ampek
tatuga talang di laman
dama maleto di Muaro

Barangkeklah urang nan baduo
ndak lamo di tangah jalan
tibo di rumah Pandeka Urek
di sinan Tan Mudo naik pulo

Malayang tabang buruang bundo
nyo sakah batang di laman
tenggeran anak buruang antu
Tadanga imbau di alaman
dek Pandeka pintu nyo singkokkan
naik urang maso itu
bakato Tan Mudo kan awak inyo

Lah ka Padang ka simpang Jati
ari manjalang sanjo rayo
nyo sakah talang di ladang
nak balam tabang ka alaman
ditabang dadok di Muaro
Mako datang malam kini Pandeka
gadang mukasuik nan ambo jalang
diari nan saari ka mari
ambo dapek malu di galanggang
utang lah tumbuah masa itu
utang ndak dapek mintak janji
di rungguahkan sawah nan gadang
di kakak kandak nyo tolak ndeh Pendeka oi
dibunuah juo kakak kanduang oi

Buruang babuih tabang jo kekek
ditangkok anak rang subarang
nyo sakah batang asam camin
dama tajelo di dalam padi
Jo galak jawek Pendeka Urek
kok dibunuah Aji Karim
jikok batigo alunlah talok
tambahlah kawan ndeh sorang lai

Malayang tabang buruang bubuih
inggok di rantiang dalam padi
nyo susun dama ateh munggu
dituga dadok di subarang
Kato Pandeka Urek lunak lambuik
kawan lamo kan kito cari
nan santiang tahan tapo tahan ilmu
bak garagaji indak talok dimakan basi

Tabang malayang buruang antu
inggok di rantiang si karakok
dama manjelo dalam karek
O nan santiang pulo kawan oi
duo pasu duo kunci santiang dek inyo
kok pintu indak nan takunci pintu tabukak kasadonya.

Nan barabah tabang jo nuri
dama tajelo di tapian
nyo susun dadok ateh ngarai
Marilah kito ndeh kawan o kian kini
mungkin lai inyo di rumah
kito turuik o Gaek Kulai.

Tabang malayang si buruang bondo
inggok di rantiang di tapi parak
Bajalan o Pak nan batigo
manuju nak kanduang oi Batu Banyak

Ka Pakan anak yo Pa oi Padang Panjang
ari manjalang pukua satu
Di jalan indak doh kak ka kito bilang
alah tibo pulo di maso itu

Barabah tabang di ateh ngarai
dama tajelo di tapian
alah diariak yo Pak oi Gaek Kulai
katigonyo samo maariak
urang tuo lah mulai pakak
ariak nan indak yo kak oi kadangaran

Dama tatuga di ateh munggu
sicerek tumbuah ateh munggu
Kato rang maimbau bukakan pintu
jawek gek Kulai lai den santuang jo alu

Barabah tabang ka kamulau
dama maleto di Muaro
Dek barakaik yakin nyo maimbau
akianyo Gaek o nak oi tau juo

Takalok kawan di kurisi
ka mano kolah pangananyo
Pintu tabukak Gaek main kaki
takajuik tuan nan batigo

Rami pasanyo Koto Baru
rami manjalang pukua duo
Tanyo dek Kulai maso itu
apo mukasuik datang malam ko

Buruang morak tabang ka parak
Maraok sikua ka tapian
Dek Gaek Kulai sangaik pakak
nyo paratikan sajo ndeh garik tangan

Buruang banamo buruang nori
dama tajelo jo asam camin
Akainyo Gaek sampai mengarati
ka kito bunuah ndeh Aji Karini

Barabah tabang jo nori
dadok tatuga jo ampaleh
Lah jaleh ambo ka payah mauji
ambuih maambuih kunci mangunci bukak mambukak

Kareklah dadok dalam rimbo
talang tataga di Muaro
saketek pintak kawan e ndeh dari ambo
karen o barek tugas ka ambo
pambagian banyak untuak ambo

Marancu ambiak lah labu
balaik pulang patang-patang
jawek Tan Mudo maso itu
nan bak pitua urang kito juo

Kareklah batang marapalam
dama tajelo di subarang
Nan kaciak kayu tantu ketek dahannyo
nan gadang kayu tupangnyo gadang

Buruang murai tabang ka munggu
inggok di rantiang kayu pulai
Sasuai rundiangan sanak maso itu
urang nan barampek bajalan pulo

Lah ka rimbo batanam padi
ari manjalang pukua satu
Ari sanjo mulai bajalan
ka Koto Anau ka inyo tuju

Lah ka rimbo tabang buruang balam
inggok di rantiang limau lunggo
Baru ari nan laruik malam
tibo di surau kakak kanduang nyo

Ka rimbo tabang buruang murai
inggok di rantiang dalam rimbo
Kolah karajo kawan oi Gaek Kulai
ambuih maambuih unta maanta
tabuka pintu ndeh kasodonya

Lah ka parak batanam taleh
ari manjalang pukua satu
Lah mupakaik urang nan barampek
siapo pula nan ka naik dahulu

Buruang nori tabang ka ateh munggu
inggok di rantiang si ampaleh
Lah gantiang juo gasiang tu
karena Aji Karim tabik manggarik

Ka ilia tabang buruang kekek
ditangkok anak kamudian
Akianyo maambua Pandeka Urek
bialah ambo pai mambunuah

Buruang alang tabang jo buruang antu
dama tajelo ateh munggu
Dipandang Aji Karim ndeh sanak sadang takalok
pisau tasentak dek Pandeta Urek.

Karakok tumbuah nak o jo karakok
talang tatuga jo langkueh
Ka dirosok mariah elok-elok
mukasuik Pandeka ndeh ka badabiah

Talang tatuga ndeh tuan di tapi tabiang
buah palo dikarek ampek
nyo susun dama nan di Muaro
Maklum Aji Karim oi tuak oi sangaik santiang
tangan taraso parangin tibo
kakinyo lakek maraung Pandeka mintak tolong

Lah ka pakan anak Ampek Angkek
ari manjalang sanjo ari
Malompekaik naik Pandeka Kilek
songkok di pintu ondeh manjago

Tabang malayang buruang kekek
inggok di rantiang dalam lurah
Lah naik pulo Pandeka Kilek
lah batigo lago di rumah

Tabang lah batang asam camin
dama maleto dalam rimbo
Dek santiang bana Aji Karim
maambua turun nyo lari nan baduo

Lah ditabang talang di lurah
dama maleto ateh munggu
Balari pambunuah tajun ka bawah
di sinan bakato Aji Karim maso itu
Mano Rapiyah katonya diak kanduang oi....

Nan barabah tabang ka laman
ditangkok anak urang Muaro
Pambunuah bapakek ndeh di halaman
yo capek bana makan kakinyo

Ka ditabang nyo asam camin
malayang jatuah ndeh saleronyo
Pak kapado ndeh Aji Karim
dirosok rusuak alahlah luko

Ka dikarek dama di munggu
talang tatuga ateh munggu
Wanyo bakato ka padusinyo
lah kanai ambo mah kironyo
tanguang barutang den turuik turun

Nan barabah tabang ka munggu
damu tajelo di subbarang
Kato Rapiyah ndeh junjuangan maso itu
ndeh angku Aji sio-sio manuruik surang
inyo barampek nan manantikan

Raminyo pasanyo Ampek Angkek
rami manjalang tangah ari
Jawek Aji Karim lambek-lambek
ondeh Piah oi kok ndak aja bapantang mati

Ka dikarek talang di ladang
dama maleto di alaman
Aji malompek turun janjang
pandeka di alaman manantikan

Lah ka rimbo tabang buruang balam
inggok di rantiang dalam padi
Satu tibo di alaman
dek Pandeka nyo lapai sakali

Ka ditabang talang di rimbo
dama maleto di muaro
Gaek Kulai baitu pulo
runciang bibia dek maambuih
mambasuah kunci kato inyo

Tabanglah batang asam camin
dama maleto di subbarang
tatuga dadok dalam ladang
tenggeran buruang bundo
Tapi dek santiang Aji Karim
saketek aram nan bagaruuh
walaupun satu lawan ampek
namun ampek payah juo

Tabanglah talang di subbarang
dama maleto ateh munggu
tatuga talang di Muaro
Rupanyo nasib Aji jatuah malang
kaki tasorong masuak lubang
awak taantak inyo tibo
barempuk inyo mangabeknyo

Ka dikarek batang sicerek
tenggeran anak burang antu
dama maleto di alaman
Kabek lakek pisau pun lakek
salasai gadang maso itu
mati badan bagulimang darah

Ka ditabang talang di ladang
dama maleto daerah mudiak
Sinan Aji lah sudah gadang
urang barampek ariak maariak

Ka ditutuah talang di rimbo
dama maleto di tapian
Baganti ariak maariak namo
padusi Aki kadangaran

Nan barabah tabang jo kekek
inggok di rantiang limau lunggo
Lah tadanga kato urang nan barampek
tasabuik namo kaamppeknyo
Rapiyah sadonyo disureknyo

Nan ka Padang ka Simpang Ampek
ari manjalang tangah ari
Ari badarang lari urang nan barampek
dek Rapiyah Aji nyo tangisi

Ka pakan ka Pariaman
urang bakadai lado mudo
Sajak ka turun den kanakan ndeh junjungan
awak bakareh ati juo-ongku oi

Ka dikarek talang di ladang
dama maleto di Muaro
Urang barampek awak surang ndeh Angku Aji
kini lah sansai macam iko ndeh junjungan

Talang tatuga ateh laman
padi manjelo dalam parak
Ambo jo siapo ditinggakan ndeh Angku Aji
Ka luluih lah badan awak ndeh junjuangan

Lah sipasan dalam padi
dama maleto di Muaro
Sansai ati Angku Aji
angku nyato bakalang tanah
ambo nan tingga siko juo

O ditabang talang di parak
dama maleto jo kamulau
Lah takajuik urang banyak
maik urang tanai ka ateh surau

Talang tajelo nan di alaman
tatuga dadok jo kacubuang
Rapiah manangiah sadu sadan
Aji dibunuah adiak kanduang

Ka lurah batanam bayam
ditanam Tanjuang Bingkuang
Dek ulah kalah di galanggang
namuah mambunuah kakak kanduang

Karakok lah di rimbo
dama maleto ateh munggu
Tan Mudo arok ka kayo
awak lah nyato ka bakuaso
tapi garak Allah tak nyo tau

Padang Panjang tadanga langang
ari manjalang sanjo rayo
Ari siang Tan Mudo datang
nyo bak cando rusuah pulo

Ka parak bataman bayam
dama tajelo dalam rimbo
nyo paguik maik kakak sadu sadan
kak siapo goh urang nan maaniayo

Ka ditutuah talang di lurah
talang tajelo nan rang karek
Kakak ka hancua dalam tanah
buli nan ambo mambalehkan

Buruang banmo buruang bondo
dama tajelo dalam padi
Nyo bakato kapado padusi-kakaknyo
ndeh kak jan kakak manangih juo kak
nan mati indak ka iduik lai

Buruang banamo buruang antu
dama maleto di alaman
Rapiah turun jo ati kusuik
Ka polisi surek nyo kirimkan

Anak bondo tabang jo nuri
talang tutuga jo kalapo
pangaduan dari Aji karim
sinan Tan Mudo nyo kabeknyo

Lah barabah tabang ka laman
inggok di rantiang nan rang karek
sambah Tan Mudo sadu sadan
kumandan manga ambo ka dikabek

Lah rang tabang talang di laman
dama tajelo tangah ladang
Ambo lah nyato kamatian komah Kumandan
basua bana pituah urang
jatuah diimpok janjang pulo

Buruang nori tabang jo kekek
inggok di rantiang limau antu
Jo polisi kato tak nyo jawek
palanggu lakek maso itu

Lah ka parak ka tapi sumua
dama maleto dalam padi
Kakak kanduang alun bakubua
awak bagaluang masuak tangsi

Ka ditabang dadok di munggu
dama maleto di alaman
Tadanga kabə nan dek bonsu
baso nan kak tuo nan lah mati
kak tangah masuak tangsi pulo
inyo balari sadu sadan

Buruang kekek tabang ka rimbo
ditangkok anak Paninggahan
Baikolah alamaik mimpi ambo
kakak indak basibana adiak kanduang hatinggakan

Lah ka rimbo ka tapi sawah
talang tajelo dalam padi
tenggeran anak buruang balam
Dek kak tuo bakalang tanah
kak tangah ka masuak tangsi
adiak kanduang ditinggakan

Lah baringin di tapi munggu
di tabang talang tapi rimbo
Adiak ka tibo tak kak tunggu
kini lah tingga ambo surang sajo

Lah ka lurah tabang buruang balam
inggok di rantiang limau antu
Nyo paluak kak tuo sadu sadan
tapek mimpi adiak daulu
kakak lah mati cando iko
kama lah ambo ka mangadu

Layang-layang di tapi laman
ditangkok anak rang gubalo
Oi salang tak ado doh kak oi pagantuangan
adiak jo siapo ka baio

Ka pasa o anak Kampuang Jao
ari manjalang tangah hari
babelok jalan ka lautan
Manggapai bonsu jo aia mato
baa tenggang adiak lai ko
nan surang ka hancua dalam tanah
nan sorang sansai dalam tangsi
ndak ado sawang pagantuangan

Ari manjalang tangah ari
baselo duduak dalam rimbo
Ai ka sansai bonsu sorang diri
rang kampuang ka ditompang alun tantu

Anak alang tabang ka lurah
ditangkok anak rang Singkarak
Lah pueh ati kak angah
namuah mambunuah kakak awak

O karakok jo batang padi
disakah dama jo kacubuang
Dek ulah kalah ampek nan jo judi
namuah mambunuah kakak kanduang

Ka pakan ka kampuang jao
ari manjalang patang-patang
Kinilah sansai macam iko
la luluah adiak tingga sorang

Buruang banamo buruang antu
tabang malayang ka tapian
Ka ma bonsu mangadu
indak basawang pagantuangan

Buruang borak tabang ka lubuak
ditangkok anak rang sumbaka
Lai den katokan kak e mimpi buruak
tagah dek kakak indak basibana

Barabah tabang ka munggu
maraok-raok ka tapian
Pueh jo tangih maso itu
salasai Aji rang kubukan

Barabah tabang jo nuri
maraok siku a ka tapian
Kakak takubua oi nan bonsu lari
ka tangsi tangih nyo tujukan

Kacubung di tapi jalan
ditabang anak rang Malalo
Jo raung bonsu di jalan
antah ka ma untuang ka dibao

Barabah tabang malayang
babulu rampai di dadonyo
O kakak angah manuruukkan ati gadang
komah bonsu taniayo

Buruang alang tabang jo nuri
nyo sakah dama di tapian
tenggeran anak buruang bondo
Alah tibo di pintu tangsi
manakua nyo jo sadu sadan ndeh Pak Komandan
kok salah lai dapek ditabuuh
lapehkan kakak kanduang ambo
ndak ado lai tampek bagantuang
lain nan sorang iko pulo

Tabang talang di nan karek
nya sakah dama di tapian
Jawek komandan lambek-lambek
basaba niang daulu buliah nap kami pareongan

Buruang banamo buraung antu
malayang-layang ka tapian
Bakato adiak maso itu
oi Apak Komandan lapehkan juo kakan kanduang ambo

Barabah tabang malayang
nya sakah dama tapi aia
Kok salah buliah ka ambo timbang
bara utang nak ambo baia

Ka ditutuah talang di munggu
disakah dama di ilian
dama tajelo ka kamulau
Jawek komandan jo lamah lambuik
utang iko tak dapek dibaia doh piak oi
dangakan sajo di meja ijau

Buruang banamo buruang bakiak
inggok di rantiang limau lunggo
Kato sampai bonsu tapakiak
Ondeh kak puehkan bana hati cilako
nan bonsu juo ka tiniayo

Buruang alang tabang ka munggu
nyo sakah dama dalam parak
Tapisan gaduh maso itu
nyo tunai pulang dek rang banyak

Barabah tabang ka lurah
inggok di rantiang limau lunggo
Di latak bonsu tatap di rumah
dicaliak kakak tangah inyo

Ka ditabang talang di rimbo
disakah dama ateh munggu
Dokumen di Polisi langkok sadonyo
Bandaro ndak paralu mudo nyo tanyo
dijapuik sajo namo nan nyo tuju

Ka ditabang talang dikarek
nyo sakah dama di muaro
lah rang japuik Pandeka Kilek
ka tangsi pulo nyo banamnyo

Ditabang batang sicerek
nyo sakah dama dalam padi
Lah rang japuik lo Pandeka urek
barandam keduonyo dalam tangsi

Ditabang talang di ngarai
disakah dama di Muaro
Pangabisan diambiak Gaek Kulai
di sinan lain dari nan biaso

Ditabang talang dalam padi
disakah dama di Muaro
Lah nyato Gaek Kulai nan nyo cari dek polisi
ka inyo pulo nan batanyo

Ka ditabang talang nan bakarek
nyo saka dama ateh ngarai
Tanya Polisi lembek-lambek Nyik
lai kok tampak Gaek Kulai.

Ka ngarai tabang buruang kekek
inggok di rantiang dalam rimbo
Jawek Gaek Kulai lambek-lambek
sabanta ko sinan nyo bagubalo

Ampaleh tumbuah jo ampaleh
nyo saka dama ateh munggu
Bajaln polisi bagagch-gageh
batamu urang maso itu

Ka ditutuah talang di ngarai
disakah dama dalam rimbo
Lai batamu Gaek Kulai
kabanyo siko bagubalo

Sicerek urang karek ampek
ditabang talang di rimbo
tenggeran anak buruang murai
Jawek urang lambek-lambek

Komandan kok Gaek Kulai nan batanyokan
tapi ka inyo tadi Komandan batanyo
manga kok inyo dilapehkan

Ka Padang ka Pasa Mudiak
Tenggeran anak buruang morak
Jo berang Polisi babaliak
Jajak Gaek Kulai nan nyo tapakai

Ka ditabang talang di ladang
disakah batang marapalam
Lah tampak pulo urang sadang sumbayang
dek polisi inyo dinantikan

Barabah tabang malayang
sicerek dikarek ampek
Lah sudah rang gaek sumbayang
batanyo polisi lambek-lambek

Ditabang talang di ladang
Nyo sakah dama di munggu
Sajak tadi apak sumbayang
lai tampak Gaek Kulai lalu di siko

Disusun talang dibubuik
tenggeran anak buruang antu
Jawek rang sumbayang lunak lambuik
oi komandan baru sabanta ko liau lalu

Ditabang talang di rimbo
disakah dama dalam padi
Barang kali alun sampai di kelok di bawah ko
di sinan polisi lalu balari

Ditabang talang dalam karek
disakah dama ateh ngarai
Di ma lo dek polisi ka ka dapaek
nyo batanyo tumah ka Gaek Kulai

Ka rimbo tabang buruang antu
inggok di rantiang dalam padi
Kahilangan aka polisi maso itu
dituka anak buah tiok ari

Ka pakan ka Koto Sani
ari manjalang pukua duo
Lah sapakan lamo mancari
namun Gaek tak nyo dapek

Lah ka rimbo batanam padi
lah nyo sakah dalam bubiuk
Ado wakatu alang ari
lah nampak urang majunjuang rumpuik

Ditabang talang di rimbo
tenggeran anak buruang nuri
Dek polisi batanyo juo
lai koh nampak Gaek Kulai

Baringin di tapi banda
nyo sakah tapi lubuak
Jawek rang tukang rumpuik lambek-lambek
baru sahantako siko nyo duduak

Malayang tabang buruang bondo
nyo sakah dama di tapian
Polisi lah batanyo pulo
pado nan majunjuang rumpuik ko
Gaek Kulai nan nyo tanyokan

Lah barabah tabang jo nuri
maraok sikua dalam rimbo
Lah ditahan lo parangkok dek rang nagari
Namun Gaek Kulai tak lo tampak muko

Malayang tabang buruang antu
inggok di rantiang limau lunggo
Ado pado suatu wakatu
nampak pulo rang sadang gubalo

Ditabang talang ateh ngarai
nyo sakah dama di tapian
Sabananyo itu nan Inyiek Kulai
tampak polisi mancari aka buruang nyo alaukan

Ditabang talang dalam rimbo
tenggeran anak buruang nuri
Polisi lah batanyo pulo
Pak lai nampak Gaek Kulai

Malayang tabang buruang bubuih
inggok di rantiang limau antu
Jawek rang gubalo lamah lambuik
o Komandan oi sabanta ko bana liau lalu

Sicerek tumbuhan di padi
nyo susun dama dalam rimbo
Lah maupek polisi mancari
kok dapek Gaek ko kito tapuak sampai mati kato inyo

Barabah tabang jo nuri
sicerek tumbuhan rang karek
Lah payah urang dek mancari
namun Gaek Kulai tak nyo dapek

Ka Padang ka koto Baru
ari manjalang sanjo rayo
Dapek pangana maso itu
kok ka dicari tak ka dapek
jo umbuak umbi lah nyo jalankan

Ramo-ramo tabang jo nuri
maraok sikua ateh munggu
Aoo wakatu alang ari
datang rang pareman maso itu

Sicerek tumbuhan ateh ngarai
disakah dama dalam padi
nyo tuju rumah Gaek Kulai
pado nan datang tu anggota polisi

Barabah tabang jo bubuik
inggok di rantiang ateh ngarai
Kato Polisi lunak lambuik
lai ko bagaek ateh rumah

Ka ditutuah talang dibubuik
sakah dama di Muaro
Sinan Gaek Kulai lah takajuik
capek maninjau ka alaman
ruponyo lai surang pareman

Ditutuah talang ateh munggu
disakah dama di muaro
Jawab Gaek Kulai maso itu
apo mukasuik urang mudo

Ka parak tabang buruang nuri
inggok di rantiang limau antu
Gadang mukasuik datang ka mari
dek Gaek mukasuik ambo ndak baguru

Ka ditabang talang di rimbo
disakah dama ateh munggu
Rupanyo Gaek kareh ka ambo
nyo tarimonyo anak murik maso itu

Ka Padang anak Singkarak
nyo saka dama di Muaro
Kan iyo juo basuo bak pitua urang awak
duo pakaro nan maniayo badan kato inyo

Disakah dama di rimbo
sicerek tumbuhan di ladang
sicerek tumbuhan di rimbo
Mano nan duo pakaro
paratamu mato uang
nan kaduo batino

Disakah talang di parak
nyo sakah batang marapalam
Dek anggota polisi ka nyo umbuak jo pitiah banyak-banyak
dek Gaek kaji bacurahkan

Ditabang talang dalam padi
nyo sakah dama di munggu
Sadang asyik Pak mangaji-ngaji
rang kapuang rumah maso itu

Anak bondo tabang malayang
nyo susun bungo karakok
sicerek tumbuhan di subbarang
Tapi indak ka manangkok mukasuik urang nan ka datang
lah rang umbuak jo umbuak umbi
ka mari Gaek ah kami datang ka mari
bukan mukasuik ka manangkok
gadang mukasuik kami jalang

Sicerek tumbuhan di ladang
nyo susun dama dalam rimbo
Angku Jasa di Solok ka baralek gadang
urang ka manyarang ari balun ado

Sicerek tumbuhan dalam padi
disusun dama di subbarang
itu mangko kami nyo suruah ka mari mah Gaek e
dek Gaek tolonglah sarang
bara ongkos tak kami tulak

Ka ditutuah talang ateh ladang
nyo sakah dama di muaro
Dek Gaek ari nyo sarang
baru tigo arinyo sudah baralek lah tibo urang manjapuiknyo

Ditabang batang karakok
nyo susun dama dalam padi
Angku Jasa Gaek suruah datang ka Solok
gadang oleh-oleh ka liau bari

Disusun talang di rimbo
sicerek tumbuhan ateh munggu
Kato Gaek Kulai iyo pulo
nyo turuik capek maso itu

Ka rimbo tabang buruang alang
ditangkok anak Pasa Baru
Alun takao panjang-panjang
bialah pose ambo daulu

Ka pakan ka Koto Gadang
ari manjalang sanjo rayo
Nan cako mah nak kito ulang
ari nan hampia subuah pulo

Nan nak urang di pakan satu
barulang mandi ka muaro
Lah disidang maso itu
hukuman buang ndeh ka ampeknyo

Nan ka rimbo ka Pakan Akaik
ari manjalang tangah malam
Tan Mudo nan paliang barek
karano inyo nan maupah kan

Lah barabah tabang malayang
tabang maraok dalam rimbo
Sajak nan Tan Mudo ka tabuang
sinan diak kanduangnyo nan diimbaukanyo

Nan ka pakan batanam lado
ari manjalang patang-patang
pimpiang di lereng ondeh kanduang oi
Kato Tan Mudo ka diak kanduang
danga dek kau kato inyo
ondéh nan bonsu e lah ko kanduang oi

Lah ka pakan ka Kampuang Jao
ari manjalang tangah ari

Kakak bajalan Diak sakali nanko
indak mungkin babaliak lai

Karakok tumbuah tapi parak
dama manjelo dalam sungai
Ondek diak kanduang oi tolong patenggangkan
elok-elok diak sapaningga kakak
kito bamandeh bapapak tidak
ndeh Diak kanduang oi nan bonsu oi

Lah barabah tabang ka munggu
dama manjelo tangah laman
Paciak iman dek diwak kau
karano kau parampuan

Barabah tabang ateh munggu
dama tajelo dalam rimbo
Nyo imbau adiak maso itu
sarato juo rang sumando

Tabang malayang buruang borak
sikua maraok ka kamulau
ditangkok alang dalam rimbo
Mano diak bonsu kato inyo
kito niak di alam Minangkahau Diak
batino tigo pakaro

Nan karimbo batanam lado
ari manjalang tangah malam
Mano nan tigo pakaro
danga dek gadih ambo tarangkan

Buah palo dalam lurah
dama tatuga tangah alaman
batang tajelo di Muaro
Patamo batino sumpah Allah
kaduo batino dunia setan
bato nan sabananyo rang batino

Lah ka rimbo ka sawah lurah
ka parak anak urang Kinari
Jokok batino sumpah Allah
rintang malala nak gadih tiok ari

Ka dikarek dadok di parak
talang tatuga di subarang
Asa lai dapek pai malagak diak oi
indak paduui ka junjungan pulang

Lah ka pakan ka Singkarak
ari manjalang pukua satu
Kalaualah inyo diak ka malagak
barakah patuik di muko camin batu

Lah nyo sakah talang di tabiang
sicerek tumbuah dalam rimbo
Nyo oyak sanggua roda gandiang
lieklah pucek bibia nyo coloknyo

Buruang borak tabang ka ngarai
ditangkok anak Koto Baru
Barapo badak jo bakasai
baralah ka jujuik tapi baju

Ditabang talang di parak
tenggeran anak buruang balam
sikua maraok dalam rimbo
Bialah inyo Tuak sadang batanak
kok tampak urang lalu tangah jalan
bara kuleknyo ka barando

Birik-birik tabang jo borak
sikua maraok tangah alaman
Kok tak mancaliak urang ka awak
barapi batuak jo mandaham

Ka rimbo ka sawah lurah
ari manjalang pukua satu

itulah batino sumpah Allah
itu jan kau tiru

Ka ditutuah talang di alaman
nyo saka dama dalam padi
Kok nan batino setan
rintang baranjua gadih ditiock ari

Ka ditabang talang di Muaro
anak alang tabang malayang
maraok sikua ka tapian
Tiok ari Diak oi rintang baganjua
dek lamak otanyo samo gadang
nan indak bagai nyo iokan

Karakok tabang di subbarang
ditabang anak Pasa Baru
Buruak jo elok bantuak urang diak indak nyo pandang
dek nyo ameh jo perak nan paralu

Ditabang talang di munggu
nyo sakah dama ateh munggu
anak alang tabang malayang
inggok di rantiang asam camin
Katu lai barisi oi saku-saku
nyo tanai bagai minyak panuah
barulah kariang kabek pinggang
caliaknya aliah ndeh bonsu ka nan lain

Nak alang tabang jo sikok
nyo saka dama tangah alaman
sicerek tumbuh di parak
ka tu elok sajo nyo diak urang ka nyo tanai
barulah bansaik nyo campakkan
baitulah paham batino dunia setan Diak

Ka parak anak Panjalinan
ari manjalang pukua satu
Itu batino dunia setan

itu jan kau tiru ndeh diak
barisuak kok sansai badan kau

Ramo-ramo tabang ka rimbo
inggok di rantiang tapi labuah
nyo saka dama tapi tabiang
sicerek tumbuah dalam rimbo
Kalau sabananyo paham urang batino
itu nan batino batungku sapo
tau di dahan ka manimpo, ingek di tunggu ka manaruang
ereng jo gendeng nyo pakainyo ka dirinyo

Buruang banamo buruang antu
ditangkok anak Ampek Angkek
sikua maraok dalam rimbo
Kok banyak junjuangan mambaok tamu
nyo kacau di galeh ketek-ketek
gulo saketek sampai juo

Lah anak alang tabang ka rimbo
nyo saka dama tangah alaman
anak alang tabang malayang
ditangkok anak pasar baru
maraok sikua ateh munggu
Gak sarik tampak duduak di barando
di tangah rumah nak jo jahitan
babagai karajo ka nyo kakok
soka jo bansaik ndak nyo pantang
di nyo sasuai nyo nan paralu
itulah paham rang batino
itu nan buliah kau tiru
kok untuang salamaik diak oi untuang kau

Ditabang talang dalam padi
sicerek dikarek ampek
tatuga dama tangah alaman
tenggeran anak buruang antu
maraok sikua dalam padi
tatuga dadok di Muaro

Jan kau tiru gadih paham rang kini
dek kayo urang sajo ka diarokkan
pangkek rang sajo ka dinanti
di awak ndak baitu
jiko bansaik diak ka baa juo
saba saba malañi mananti
hujan jo paneh babalasa.nyo Diak
salamo bansaik ka elok juo

Barabah tabang jo nori
disaka dama di Muaro
sicerek tumbuah tapi aia
anjalai tumbuah tapi ngarai
tatuga talang di alaman
dama maleto di Muaro
Sasudah adiak nyo ajari
ka Muk Datuak nyo madok pulo
ka rang sumando dek waang baitu pulo
kok lamo iduik di dunia
ilmu karambia jan dipakai
dangalah dek ambo aja ilmu karambia

Ka ilia tabang anak balam
inggok di dahan limau lunggo
Sajak karambia ndeh ka rang tanam
rang cari pandan pamaganyo

Rami pasanyo ndeh Paninggaan
rami manjalang tangah ari
baselo duduak ndeh di Muaro
Kok tak cipaga ndeh Diak nan jo pandan
lah galak jawi mancaliaknyo
tampan tapuntuang ndeh dimakannya

Karakok tumbuah di tangah alaman
ditabang anak Padang Panjang
Dek ulah elok komah tuan guno pandan
salamaik sajo karambia gadang

Nan balibiah tabang jo kekek
inggok di rantiang limau lunggo
malayang tabang ka tapian
Awak tinggi daun rimbun
buah lah labek guno pandan lah ilang sajo
tiok jatuah pandan diimpoknyo
padan lah cido dek mananggungkan

Rami pakan nyo Sulik Aia
rami manjalang pukua satu
urang bakadai ndeh kacang panjang
Baitu bana curang ilimu karambia
pantang lah tibo ndeh di nan tinggi
guno pambimbing lupo sajo

Nan barabah tabang jo nori
inggok di rantiang ateh munggu
Dangakan juo sabuah lai buyuang oi
ilimu tupai jan ang tiru

Ka ditabang talang teh ngarai
tenggeran anak buruang balam
sikua maraok ka Muaro
Caliak dek buyuang ilimu tupai
karambia darek nan nyo tandehkan
karambia pulau tampak pulo

Ka ditabang batang kamulau
dama maleto tapi tabiang
tenggeran anak buruang alang
Tampak mudo karambia pulau
tagak dek lauik bakuliling
baa nyo tupai barang, duduak bamanuang ateh karang

Ditabang talang di ladang
ayo sakah di Muaro
tenggeran anak buruang Murai
baok sikua di tapian
ai bamanuang ateh karang

linteh tabang alang bondo
ang batanyo bakeh tupai
tupai apo bamanuangkan

Buruang murai tabang jo kekek
inggok di rantiang tangah alaman
dama maleto di Muaro
Jawek tupai ateh karang
danga dek alang kato inyo
karambia darek ambo tandehkan, tampak mudo karambia pulau

Ditabang batang kamulau
dama maleto tapi tabiang
tenggeran anak buruang alang
Baa jua ambo ka ka pulau
balauik sajo bakuliling
ko den bamanuang ateh karang

Malayang buruang hubuik
inggok di rantiang limau lunggo
maraok sikua ka tapian
Manjawek alang lunak lambuik
naiklah ka punggung ambo nan ko
tupai nak ambo tolong maantakan

Barabah tanga jo kekek
inggok di rantiang limau manih
sato sampai tupai malompek
Dek alang nyo bao tabang tinggi

Ka dikarek talang di rimbo
tenggeran anak burauang halam
Jaek akanyo alang bondo
indak ka pulau karambia tupai nyo bao
ka pulau Karakatau nyo rimbekan

Anak alang o tabang malayang
ditangkok anak Panjalinan
Tupai arok ka makan kanyang
akia nyo mati kalaparan

Baringin tumbuhan ateh ngarai
ditabang anak Padang Panjang
Jan ang tiru parangai tupai
isuak kok sansai uantuang Buyuang

Barabah tabang jo nori
inggok di rantiang ateh munggu
nyo sakah dama tangah alaman
sudah adiak jo mande diajari
palanggu lakek maso itu
Mudo lah turuik ka buangan

Dikarek si limau manih
ditabang anak Paninggahan
Motor barangkek bonsu manangih
Jo siapo ambo ka batinggakan

Ka rimbo tabang barabah
inggok di rantiang limau lunggo
O kak tuo lah nyato dalam tanah
bato kakak ka tabuang pulo

Lah rabah batang marapalam
tenggeran anak buruang bondo
Jawek Tan Mudo sadu-sadan
sudahlah Diak baa juo kandak ati mambao sansaro

Barabah tabang jo nori
inggok di rantiang limau lunggo
Ulah manuruik kareh ati
asuang kawan nyo turuikkan, kini lah sansai macam iko
jo akau ambo ka bacarai

Rang tabang talang jo kacubuang
nyo sakah dama di muaro
Mano sagalo sanak dalam kampuang
jan ditiru macam laku ambo

Layang-layang tabang malayang
disakah dama dalam padi
tenggeran anak buruang bondo

Ka Padang Ka Padang Panjang
ari manjalang patang-patang
Indak ka talok tingga surang
lah ilang kakak nan baduo
bonsu ka tingga ondeh badan den ilang

Layang tabang malayang
nyo sakah dama di subarang
Pado adiak tingga sorang
ilah kan amdeh badan den ilang

Lah barabah tabang jo balam
nyo sakah dama ateh munggu
Sadang tangih batangisan
palanggu lakek maso itu

Nyo tabang talang di parak
disakah batang limau junggo
Lah bagayuik bonsu ka rumpuik
nyo tangkok kaki kakak kanduangnyo
namun urang maelo juo

Dikarek batang marapalam
nyo saka dama di lurah
Kakak barangkek adiak pansan
urang tanai ka ateh rumah

Ka labuah tabang anak alang
nyo sakah dama di subarang
Iruak pikuak urang ateh rumah
nan kontan sajo nan alah ilang

Rami pasanyo Padang Panjang
rami manjalang tangah ari
Ayam panaik komah nan lah ilang
bandua indak baluluik lai

Barabah tabang jo galah
nyo sakah dama di Muaro

Dilatak bonsu sadu-sadan
jo caliak kakak kanduangnyo

Dalam motor batutuik urang dibao,
adok nantampak, suok kida kalam sajo pamandangan.

Ditabang talang di banda
disakah dama tapi sumua
Lah baranti sajo motor kok rang ka lua
kironyo lah tibo di Taluak Bayua

Ditabang talang tapangka
disakah batang marapalam
Lah rang rantaikan ka ateh kapa
manangiah sadonyo sadu sadan

Ka Padang ka Koto sani
ari manjalang sanjo rayo
Lah marawang kito dek kandak ati
lah sansai komah dek salero

Ka ditabang talang di banda
nyo sakah dama dalam padi
Gaek Kulai manangiah sadu sadan
dek Padang salamaik tingga tuo macam iko
tak awak batamu lai

Nyo tabang talang di sumua
nyo susun dama di tapian
Barangkek kapa di Taluak Bayua
tageleng-geleng di lautan

Barabah tabang jo balam
nyo sakah dama di rimbo
tatuga talang di tapian
Sadang tangah-tangah lautan
lah mupakaik urang nan batigo
nan Gaek ko tak mungkin sampai
elok ka lauik kito campakkan

Bialah nak ambo tangguang sorang
jan kalian main judi
akia kalaknyo sansai macam ambo

Anak nori tabang jo sikok
maraok sikua ka jalan
Elok antikan judi jo ampok
salamaik awak dunia akirat o kawan

Layang-layang tabang jo balam
maraok sikua ateh munggu
Nyo paluak adiak sadu sadan
ondeh adiak bonsu tingga daulu
sarahkan untuang ka nan satu

Anak alang tabang malayang
maraok-raok dalam rimbo
Mintakan umua samo panjang
kudian awak batamu juo

Ka Pakan anak rang Singkarak
ari manjalang tangah malam
Pintakan ampun ambo ka kubua kakak
salamaik sajo ambo di lautan

Ka rimbo tabangnyo borak
disakah batang kacubuang
Sadang maso dek bakawan
apo ko laku ka den tanggung

Karakok tapi ladang
nyo sakah dalam rimbo
Kakak diarok ka kayo sorang
jo iko kutuak nan den tanggung

Barabah tabang malayang
nyo sakah talang di tapian
dama maleto dalam rimbo

Ulah kalah di galanggang
kakak kanduang den bunuah den dabiah pulo
aden talelang caro iko, bataun ndak basuo

Nyo tabang talang tapangka
nyo sakah dama di parak
Ka sia ambo ka baraka
karano lain laku kakak

Balibiah tabang jo bakiak
inggok di rantiang dalam padi
Sadang managih urang lah maariak
awak kini barangkek lai

Rang tabang talang di laman
sicerek tumbuah jo kacubuang
tenggeran anak buruang bondo
Nyo siram adiak jo aia mato
pandai batenggang dalam kampuang
rang kampuang ka ganti mandeh bapak
jan sansaro diri kau
dimintakan umua awak samo panjang

Ka rimbo batanam lado
nyo sakah batang marapalam
Indak kakak aso ka macam iko
kama uantuang den gantuangkan

Barabah tabang malayang
ditangkok anak rang gubalo
Tinggalah kampuang tinggalah sayang
alun tantu awak ka basuo

Ka pakan ka Panjalinan
ari manjalang sanjo rayo
Adiak manungkuik ka pangkuan
ondeh kak baolah badan ambo
nak samo ilang awak baduo

kapado rang Minang nan batigo
apo kandak nyo baturuik sajo

Ka rimbo batanam tabu
ari manjalang pukua duo
tatuga dama ateh munggu
Lamo jo lambek maso itu
ari jo bulan tak dibilang,
disabuik taun ndak nyo
bilangan sampai rundiangan cukuik
lah lapeh urang nan batigo
bilangan sampai rundiangan cukuik
lah lapeh urang nan batigo

Ka ditabang batang limau lunggo
nyo sakah dama ateh munggu
tenggeran anak buruang alang
Lah lapeh urang katigonyo
buek maupakaik maso itu
manuju sajo tanah Minang

Barabah tabang ka Munggu
inggok di rantiang dalam padi
nyo sakah di Muaro
Bulek mupakaik maso itu
ndak nyo bapikia panjang
kapa ka Padang nyo tompangnyo

Ka lubuak tabang buruang alang
nyo saka batang si Cerek
tenggeran anak buruang bondo
Wakatu subuah hampia datang
ndak tokak batang gadang
ndak tutuah dahan ketek
baialah tatabang batang sajo

,Ka rimbo tabang buruang balam
babulu . rampak di dadonyo
ditangkok anak Pasa Baru

Lamo jo lambek di lautan
sampai saukua sajangkonyo
lah masuak Taluak maso itu

Ka dikarek talang di sumua
disakah dama tangah ladang
tenggeran anak buruang bondo
Lah turun urang di Taluak Bayua
ditompang motor ka Padang
lah tibo di Kota Padang
oto ka Solok ditompang pulo
di jalan indak doh nak kito bilang

Lah ka rimbo batanam bawang
ari manjalang sanjo rajo
Di jalan mak indak kito bilang
kok digandiang mak kito jo dendang
sampai saukua sajangkonyo o nak oi
tibo di Solok maso itu

Ka ditabang talang di ladang
nyo sakah jo kamulau
sicerek tumbuah di alaman
tenggeran anak buruang alang
Lah tibo mah di kota Solok
lah nyo tuju kampuang sorang-sorang
nan sorang manuju Cupak, nan sorang manuju Kota Anau
o kanduang maraso gak sanang paratian

Rami pasanyo Kampuang Jao
rami manjalang tangah malam
tatuga talang di ladang
tenggeran anak buruang bondo
Kito caliak jalan Sutan Mudo
lamo jo lambek tangah jalan
sampai saukua sajangkonyo
lah masuak kampuang alaman
tibo di ranah Koto Piliang
pamenan Bodi Caniago

Lah rami pasa Padang Panjang
nyo saka dama ateh bukiak
Gaek Kulai sangaik malang
rang tajunkan ka dalam lauik

Nak tiuang tabang ka bukik
nyo tiuang tabang ka bukik
nyo tangkok anak Kampuang Jao
Lah tarapung Gaek dalam lauik
lah tabanam di Kataun

Dikarek talang ateh ngarai
nyo sakah batang limau lunggo
Tamaik riwayaik Gaek Kulai
Kito caliak nasib nan batigo

Mambumbuang tabang buruang bondo
nyo sakah dama di tapian
Dicaliak nasib nan batigo
lamo jo lambek maso itu
sampai ka tampek nan dituju

Ka ditutuah talang di rimbo
disakah dama di muaro
Di siko atinyo mako mabuak
ka Cilacap pulo rang bao

Ditabang batang kayu jarak
nyo sakah batang limau lunggo
Lah masuak tangsi badan di Cilacap
di siko ati tambah bedo

Baringin ateh munggu
nyo sakah batang limau lunggo
Lamo lambek maso itu
samo takuruang katigonyo

Nyo turiah talang di parak
nyo sakah dama di Muaro

Ado rang Bugih komah sangaik bagak
pambagian nasi urang nyo rampoknyo

Ditabang talang di ladang
nyo sakah batang limau lunggo
Lah tasorong ka anak Minang
Pandeka Urek nyo rampok pulo

Ditabang talang dikarek
disakah dama di tapian
Ruponyo santiang Pandeka Urek
timba jo baliak kaki makan

Ditabang talang dikarek
disakah dama dalam padi
Capek kaki Pandeka Urek
malungguak-lungguak kanai kaki

Ditabang talang di ladang
nyo susun dama dalam rimbo
Iyo santiang bana anak Minang
sujuik urang nyo patahan tigo

Lah ka lurah batanam tabu
ari manjalang pukua duo.
Indak doh lamo sudah itu
dek santiang urang nan batigo
diangkek jadi mandua katigonyo

Lah ditabang talang di munggu
nyo sakah batang marapalam
dama tajelo di Muaro
Lamo lambek maso itu
barulah barajo dalam tangsi
kok makan mesti bapunyo

Ka ditabang talang di ladang
nyo sakah batang limau lunggo
Sapia jo jasa sangaik sayang

Nan lah sanang tuak e iduik di kampuang
kalam patah dawek tatunggang
tak dapek kito karang lai

Ramo-ramo tabang ke pantai
hingga ka rantiang si galabuak
Lapeh sanjo dendang dimulai
sambia parintang-rintang duduak

Limau puruik di tapi pantai
tenggeran buruang Reno Ali
Tapi jo patuik kito mulai
hari gak malam dipandangi

Dibali buah limau puruik
ka ubeak anak rang subarang
tidua bagalunag ateh langkan
Lah habih anak-anak manyangkuik
tanah licin tanah nan mangalang
di ansua juo nan bak bajalan

Mudo daun jariangan
dibaliak batang tapak leman
dibao masuak ka Minangkabau
Kok tungku kan io tigo sajarangan
di dendang ciek tak talangga
di Minang dendang ka pamenan

Hari majalang patang-patang
banjinjiang kerang tak berisi
palatak buah limau kapeh
Disorak raso tak talarang
kok adat indak manyalahi
wakatu Isa dek lah lapeh

Di ladang buah pauah janggi
tenggeran anak buruang gagak
hingga di ateh tapak leman
Tantangan dendang malam kini

alek indak kanduri indak
sambia malapeh kacak inan
malam batamu kito lai

Di karek sarai tapi lubuak
panggulai anak si baledang
hari manjalang pukua anam
Sungguah kawek kito bantuak
Ikan di lawik kito adang
ka ganti camin pabandiangan

Buruang nori tabang ka rimbo
inggok di rantiang dulang-dulang
Tibo di rumah adiak kanduangnyo
heran tacangang kasadonyo
babaliak juo ndeh nan tabuang.

O anak urang di Padang Panjang
babaliak pulang pukua satu
Tapi lah agak tuo babaliak pulang
lah banyak urang nan bi ragu

Barabah tabang-tabang jo balam
inggok di dahan limau lunggo
Baru nyo naik ka rumah adiak kanduang
lah samo ragu kaduonyo

O nan ka parak nak e lah batanam tabu
ari manjalang patang-patang
Sadang bonsu bimbang ragu
kato Tan Mudo maso itu
ondeh diak ko kakak lah pulang dibuangan

Buruang murai tabang ka ngarai
tabang maleo dalam rimbo
Kato sampai bonsu manggapai
ndeh Kak kanduang lai mah kakak pulang juo

Ka ditutuah talang di ladang
dama maleto di alaman
Salamo Kakak di rantau urang
wak ambo diarak parasaian

Nyo tutuah batang anak limau antu
dama manjelo di Muaro
Kato Diak kanduang maso itu
untuang umua awak samo panjang
dapek batamu macam iko

Lah ka lurah batanam bayam
ari manjalang pukua satu
Salapeh tangiah batangisan
bakato Tan Mudo maso itu

Ka ditabang batang ampaleh
dama maleto dalam padi
Mulai dari kini sampai ka teh
kakak ka di surau basamadi

Tajelo talang ateh munggu
dama tatuga di tapian
Sajak samulai maso itu
sembayang aram nyo tinggakan
kakak di suaru siang malam

Di bubiuk talang nak rang bunguih
dama manjelo di muaro
Arilah malam sinan nyo kakak sabanonyo sujuik
wakatu indak padia babungo

Barabah tabang ateh munggu
dadok tajelo di muara
Lah sanang ati maso itu
tagahnyo badan lah tuo-tuo

Talang tajelo asam camin
tatuga dadok di muaro
Baitu nasib urang pamain
akia kalaknyo badan binaso

Ka ditabang talang tapangka
tenggeran anak buruang bondo
Allah ka sanang ati rang nan banyak
tamaik riwayat Sutan Mudo

Anak alang tabang jo tiung
barabah tabang malayang
inggok dirantiang dalam padi

langsung menuju ke Kantor Polisi. Ia meminta kepada polisi di sana agar jawi Sitti Darama dilepaskan saja. Polisi menjadi marah dan menyeretnya ke dalam sebuah kamar. Setelah ia menjelaskan idenditasnya, polisi itu pun lalu hormat kepadanya

Mendengar kabar tersebut, ibunya dan kakaknya Syamsuddin menyesal atas sikap dan perlakuannya kepada si As. Namun bagi si As tidak ada rasa dendam di hatinya.

Setelah mengawirkan Sitti Darama, si As kembali ke Pekalongan.

Dandayu buruang si dandayu
hingga ka ateh padi muo
sikua di ateh padi mudo
sikua di ateh batang jambak
Manyasok minum masuak padi
Tapi sasungguah pun baitu
bialah ba awak samo awak
kan adat indak ambo lupoan
bialah juo mako banyanyi

Hari manjalang tangah hari
tagak di simpang jalan Lolo
Babali lauak ambu-ambu
mamotong lalu masuak sawah

Mako barila ka banyanyi
sisiak ayam dapek di etong
Sifat manusia sia tahu
antah di muko

Ditabang batang kaladi
di karek anak rang koto
Maklun dendang ka banyanyi
kok salah mintak maaf juo

Bagaluang paku dalam parak
digatia urang Koto
Nitiak indak babarih indak
tibo di dalam hati sajo

Kok nyampang sakah kayu jati
tolong runtuakan asam sewa
dari rumpuik sampai ka padi
bago ka panjang balah ampek
tenggeran buruang katitiran
sikua di ateh tapak leman
nyo tangkok urang sambia lalu
mati manangkuik dalam ladang
nyo semba kuciang sambia lari
Kok malang salah susun nyanyi
samo maalih ka nan bana
dari muluik sampai ka hati
ka ambo ganggam bapaciak harek
satitiak io balawikan
sabingkah io bagunuangan
kok gawa kami tantang itu
buliah diubah nan ka datang
indak dibuek-buek lai

Panjang jambatan Panjalinan
tonggak tembo tarali basi
Tabiak yo indak angkek tangan
suaro sae nan babuni

Kapeh di baliak batang jambak
sakah manjulai ka pagaran
luruik salaro masuak sawah
Sangkek bandera tigo curak
di sinan tabik bajongkokan
padek jo saluak nan randah

Kabupaten Padang Pariaman, Minangkabau

3.6 Urang Silaiang

Ringkasan Cerita

Cerita "Silaiang" terkenal juga sebagai cerita seorang ibu yang kejam terhadap anaknya, yang terjadi dalam daerah Silaiang, Padang Panjang. Cerita ini mengisahkan tentang satu keluarga yang mempunyai tiga orang anak, masing-masing bernama: Syamsuddin yang sulung, si As dan yang bungsu bernama Sitti Darama.

Orang tua mereka menyerahkan ketiga anaknya itu bersekolah di Sekolah Desa di Padang Panjang. Mereka tidak pernah tinggal kelas, Karena ayah mereka termasuk orang yang disegani, mereka dapat meneruskan pelajaran ke Sekolah Sambungan dan akhirnya ke Normal.

Waktu anak-anak tersebut belajar di Normal, ayah mereka jatuh sakit. Walaupun Sitti Darama dengan susah payah telah mencarikan obat, namun akhirnya si ayah menghembuskan nafasnya yang terakhir di hadapan ketiga anaknya.

Sejak kematian ayahnya, si As dan Syamsuddin tidak bersekolah lagi. Dengan uang peninggalan ayahnya, mereka berdua menjadi pedagang (berkedai) di pasar Padang Panjang. Karena kepintarannya, dagang dapat berkembang dengan baik.

Namun malang bagi si As yang terpengaruh oleh teman-temannya, ia terseret ke meja judi, sehingga ia jatuh bangkrut dan mempunyai hutang yang cukup banyak kepada seorang pedagang Cina. Untuk itu ia meminta bantuan kepada kakaknya

Syamsuddin dan kepada ibunya sendiri.

Tapi jangankan bantuan yang akan diterimanya, malah ia dicaci maki oleh ibu dan kakaknya.

Si As yang pandai bergaul dengan orang tua-tua, mempelajari ilmu silat, sehingga ia menjadi seorang pendekar yang kenamaan dan dipercayai untuk menjadi guru silat.

Pada suatu hari ia ditangkap oleh polisi karena pengaduan dari Cina, bahwa ia tidak melunasi hutang-hutangnya. Setelah ditahan di penjara Padang Panjang, ia diadili oleh Pengadilan Negeri di Padang dan dijatuhi hukuman tiga bulan penjara.

Di penjara ia menjadi orang yang ditakuti, karena satu persatu jagoan penjara itu ditaklukkannya. Pada waktu bertugas di luar penjara ia menemukan sebuah kalung di muka rumah seorang Nyai yang berasal dari Pekalongan. Kalung itu kepunyaan puteri Nyai tersebut yang bernama si Tin. Karena kebaikan hati si As, Nyai berniat untuk mengawinkan si Tin dengan si As, setelah si As keluar dari penjara nantinya.

Niat Nyai itu akhirnya menjadi kenyataan, namun kebahagiaan si As dan si Tin tidak dapat diikuti Nyai dalam waktu yang lama, karena ia meninggal dunia, tidak lama setelah perkawinan anaknya.

Si Tin menjual rumahnya dan mengajak suaminya untuk pindah ke kampungnya Pekalongan. Waktu itu di Pekalongan sedang banyak terjadi perampokan-perampokan. Pemerintah mengumumkan akan memberi hadiah kepada siapa yang dapat menangkap kepala perampok tersebut. Kesempatan itu dimanfaatkan oleh pendekar dari Padang Panjang ini, yang tak ayal lagi berhasil menangkap kepala perampok. Si As mendapat hadiah yang dijanjikan dan ia pun diangkat menjadi polisi. Karena kebolehannya dalam membongkar penyelundupan candu di Batawi, maka ia diangkat menjadi Komisaris Besar Polisi.

Suatu ketika ia sangat rindu untuk melihat kampung halaman serta sanak keluarganya. Dengan menyamar dan berpakaian compang-camping, ia tiba di Silaian Padang Panjang. Ternyata sikap ibu dan kakaknya Syamsuddin masih belum berubah kepada nya. Waktu ia sedang duduk-duduk di kedai memikirkan nasibnya yang tidak diterima oleh ibu dan kakaknya, ia mendengar orang membicarakan tentang adiknya Sitti Darama sedang berurusan dengan polisi karena jawinya memakan tanaman orang lain. Ia

Hari manjalang patang-patang
bajinjiang kerang tak barisi
palatak gagang daun siriah
Nan tigo corak kanlah hilang
datang cap bulan malindungi
kinilah jaya merah putiah

Kayu kalek jo balai Duku
ka ilia ganggam asam sewa
ka ubek urang Koto Tangah
tidua bagaluang di barando
hari manjalang tangah hari
Di merah putiah tak co itu
nagara awak lah mardeka
singkok daun di ambiak buah
elok bataruih tarang juo
jentelman kato mudo kini

Dibali niru ka tampian
paangin padi rang Kalumbuak
hari manjalang pukua duo
Mako talabiah bahanakan
alah basalo nan biduduak
bacampua tuo jo nan mudo

Mambubuang tabang Reno Ali
hinggok di ateh asam sewa
Asiang dahulu lain kini
sisomba indak panjang bana

Hari manjalang patang-patang
tagak di simpang jalan Kandih
kamudian jalan ka jambatan
rami dek anak rang Nanggalo
Kana sisomba dipapandang
bialah gunuang naknyo tinggih

sasumua bancah lurah dalam
kan dasar samo tanah juo

Limau puruik di dalam ladang
kaubek urang aia dingin
nyo juluak urang tinggih hari
Ambo sabuik kapeh pokok banang
kan dek pandai tanun jadi kain
calok kudian nan maragi

Panjang di karek tapak leman
pamindang lauak sitanggeri
nyo pukek urang dari pulau
hari menjalang pukua ampek
Ka Pak Wali lai ambo bayangkan
kito samisa sapu lidih
lidih karambia lidih anau
dek simpai rotan mako harek

Tabang mambabuang katitiran
kok ka tabang hari gak tinggih
Kok baserak lidih tangah jalan
galak se sarok mamandangi

Tagak ka simpang pasa Alai
mamandang juo sanjo rayo
Dek alah bulek masuak simpai
dek angin sarok takuik

Lah ingek rampak batang pauah
nyo karek anak rang Kalumbuak
campua jo urang Gunuang Sariak
Lai meh tinggih saro buluah
rumpun gadang rumpun marukuak
dijago rabuang kok tumbuhan

Maleo-leo limau kapeh
ka ubek urang Panjalinan
Dek anam rupo kurang jaleh
beko jo limo ambo sampaian

Tagak ka simpang panjalinan
ka pulang hari tangah hari
Aturan tanah alun dikaka
beko ka ujung ambo halusi

Dari Alai mudiak ka Ampang
masuak ka kampuang Caniago
Pabia mulai balun panjang
beko jo limo kito helo

Buruang sikok tabang sajoli
tabang menyisi-nyisi ladang
babungo putiak lado mudo
Pokok carito ka tajadi
dalam daerah Padang Panjang
Silaiang korong kampuang inyo

Dari Guguak ka pasa Talam
tatompang oto tapi jalan
Urang badua bakadorang
dietetong untuang jo bagian

Di kabun batang galugua
tenggeran anak buruang gagak
tabang ka pantai duo-duo
Bapaluah tahun dek babaua
gak sarik selang jo sisalah
baio-io keduonyo

Salasa pasa rang Solok
mambali cita tarang bulan
Saio juo pokok elok
dek lai turuik paturuikan

Malenggok masuak pakadaian
tagak di simpang balai solok
Dek lai turuik paturuikan
saio juo mako elok

Marimbo sarai di ladang
panggulai lauak ambu-ambu
Awak saio untuang gadang
batigo anak susun paku

Sanayan balai Kuraitaji
jalan nak urang Pariaman
Baduo jantan laki-laki
nan bunsu gadih parampuan

Di ladang padi rabah mudo
di makan anak buruang balam
Anak banamo katigonyo
dangalah dek pandanga den curaikan

Marimbo sarai rang gunuang
di baliak batang jambak masak
Situo jolong badukuang
bujang Samsuddin tuo awak

Gunung Sariak jalan ka Lelo
ka suok jalan lapau munggu
padi manguniang dalam sawah
Rupo kakak e dek nan bonsu
si As namo e anak tangah

Rumpuik saruik di tapi kolam
tenggeran anak buruang gagak
Nan bonsu gadih parampuan
Sitti Darama anak amak

Kayu kalek jo balai Duku
rak ateh Lubuak Buayo
Batigo anak susun paku
mande di kampuang kayo rayo

Sajoli tabang layang-layang
inggok di ateh batang rotan
Kok sawah janjang bajanjang
duo lumbuang e di halaman

Tagak di simpang Gunuang Sariak
Mamandang juo pai Kalumbuak
Padi masak jaguang maupih
kacang mamanjek junjuang juo

Silasiah di dalam ladang
paubek anak rang koto
Abak kasih amak e sayang
samo manjago kaduonyo

Dari Ampang mudiak Kalumbuak
ka ilia jalan pasa Alai
Gadang anak e bak dilambuak
rupo mantimun ganai juo

Limau puruik di tapi pulau
paubek anak rang koto
Bapak jo mandeh maabehan
anak batambah gadang juo

Balaigadang jo aia dingin
ka ilia jalan ka banda
tantangan si As jo Samsuddin
Gadanglah patuik basikola

Ka pakan anak rang Jati
Ka pulang hari pukua duo

Adoh wakatu alang hari
barundiang amak jo abaknyo

Salasa balai Bandabuek
urang bakadai-kadai jambak
Dibali urang pakadaian
Kato nde kanduang lambek-lambek
abak Darama kato amak
duduaklah awak ambo katoan

Dari Guguak ka balai Cupak
pulang manjalang pukua anam
Sato duduak kato babuek
apo ka ambo baimbauan

Marimbo-rimbo daun baringin
tenggeran anak buruang nuri
sikua di ateh tapak leman
Tantangan si As jo Samsuddin
inyolah gadang dipandangi
patuik sikola dimasukkan

Anjalai di dalam parak
di balik batang limau puruik
ruruik silaro ka pagaran
Kato sampai abak e galak
untuang lai lakeh wakkau sabuik
camih ambo mangatoan

Layang-layang tabang malayang
tabang ka sanggai duo-duo
sabab dek itu untuang kito gadang
saniaik kau jo awak ambo

Lah masak padi rang koto
disabik anak rang Alai

Carai pangali untuang kito
di pintu kubua kito carai

Galabuak di tapi rimbo
ambiak pamaga pasumayan
Anak duduak induak bakato
namuah sikolah nak oi den masukkan

Diruruik asam sewa
malayang jatuah silaronyo
Tasabuik awak ka sikolah
anak e galak kacang bogo

Tagak ka kelok Tanjuang saba
mamandang juo ka hilaman
Antah raso e rak sikola
kami gak takuik mangatoan

Kapai ka pasi Dania
ka pulang ganggam asam sewa
Kok io kami ka sikola
buekkan pintalon jo kameja

Marapati tabang sajoli
tabang ka pantai duo-duo
Anak bakandak kanan lai
abak e galak Kararanggo

Ka pakan urang Tanjuang saba
malenggok masuak pakadaian
Kato putuih abak ka pasa
sakayu keparnyo balian

Anjalai di ateh parik
di baliak batang rigo-rigo
Dibao ka tampek tukang jaik
baduo tukang bakarajo

Karamuntiang di ateh parik
tenggeran buruang Reno Ali
Sudah baguntiang lah bajaik
bajujuik banang jo sikoci

Ka balai anak rang Duku
mamandang tagak ka hilaman
mamotong lalu pai ka sawah
Io samalam-malam itu
sapiciang haram balalokan
tauah balambin baju sudah

Karanggantiang jo Lubuaklingah
masuak ka kampuang Caniago
Lah duo pasang baju sudah
den pandang anak lalok juo

Saruyan di ujuang tabek
paubek urang Tanjuang Saba
dukun e anak rang subbarang
Kato amak e lambek-lambek
kok io kalian ka sikola
mandilah nak ai ka balakang

Parapati tabang sajoli
inggok di ateh batang pandan
Baduo anak ka kamandi
anduak jo sabun nyo ambiakan

Karatak di tapi banda
nyo karek anak rang Solok
male-leo tantang padi
Anduak nyo sandang jo nan kida
sabun nyo ganggam jo nan suok
melenggok masuak kamar mandi

Dikarek batang sikuja
ka ubek anak rang Lolong
tidua bagaluang di barando
Mandi jo aia batanjua
babeleng lot jo kapetol
lah heboh abak dek baunyyo

Sudah padi turun ka ladang
batanam kacang jo pitulo
Sudah mandi anak e pulang
amak e galak Naoi sajo

Layang-layang tabang malayang
manyasok minum ka tapian
Tagak di muko camin gadang
sikek dek anak diasiangan

Ka pakan urang aia dingin
ka pulang balilah jambak
dibali anak rang subarang
Dasikek abuak licin-licin
abuak licin sikek talatak
abuak e lalok ka balakang

Maruyan di ujuang tabek
ambiak pamaga pasumayan
Lah lakek pintalon pendek
tangan kameja nyo sensengan

Basimpang jalan nak rang Tabiang
ka mudiak jalan Panyalinan
Lakek Robinson karah kuniang
langan kamejanyo sensengan

Tagak ka simpang jalan Alai
ka pulang lalu ka Jambak
Anak pandai manalen
sarupo taruang dalam parak

Gadang-gadang rumah rang Balantuang
kantua Gubernur rang di Padang
rak niak sender radio
Bantuak anak e tak jo tangguang
jangek kuniang abuak gak pirang
dan lagi porom gagah pulo

Dibali lauak di pasa
mambali lauak pandan-pandan
Baduo kakak ka sikola
nan bunsu gadih maabehan

Anjalai di ujuang kabun
nyo gatia urang ka pamenan
Sudah minum jo abak turun
sikola abak manyarahan

Ramo-ramo tabang sajoli
hinggok di ateh batang rotan
Satu tibo masuak sakali
guru jo abak basaganan

Kapeh di baliak Bungo Tanjuang
paalau jawi balang duo
Abak e taga tulang pungguang
jo galak guru manarimo

Tapantai daun sitawa
paubek urang Panjalinan
Mulainyo anak basikola
ka desa anak bamasuakan

Baranang-ranang ka subbarang
mandi basauak pai ka banda
Dek abak kandak indaknyo tumang
bajuuk utak basikola

Salasa balai Bandabuek
rami manjalang tangah hari
Duo diaja tigo dapek
manggeleang guru manunjuki

Basimpang jalan nak rang Tabiang
ka mudiȃk jalan simpang lalang
Baalo utak ndak ka santiang
dek abak kandak tak nyo tumang

Kalikih di dalam parak
dijuluak urang jo pangalan
Sabilih kepeng anak mintak
dek abak dompek mangangoan

Dari Lubuak ka pasa Tabiang
ka pulang bali limau kapeh
dibali urang tantang sawah
hari manjalang pukua limo
Abak mangaruak dompet gadang
malasuh buni uang karateh
mararau ringgik jo rupiah
kirailah nak si balanjo

Gagang bagagang asam sewa
di baliak batang tapak leman
tenggeran buruang dayu-dayu
Kok pulang anak basikola
nasi di meja baidangan
talatak sendok jo garapu

Rang Puruih ka kampuang Jao
kok ka mudiȃk jalan Air Tawa
ka pulang bao limau manih
Sendok direwai pucuak tibo
io rajin-rajin nak basikola
bisuak badaso kepeng habih

Ka pakan balilah rotan
katayo balilah lado
Lah galak anak sadang makan
amak e galak kacang boco

Pipik parik tabang ka talam
tabang manisi-nisi sawah
manggungguang padi mudo-mudo
Baalo anak tak ka sanang
bapak kayo mande batuah
mamak disambah urang pulo

Dibali kajn ka sirawa
dijua urang dalam kampuang Jao
Pagi ka turun pai sikola
nyo mintak kepeng ka balanjo

Kalikih di dalam parak
dijuluak urang ka pangalan
Sabilih kepeng anak mintak
dek amak uncang bangangoan

Salasa balai o nak rang Solok
ka pulang bali limau puruik
Kirailah nak si barang sado talok
wakatu kami lai iduik

Mandaki ombak pasia gurun
mamukek urang pasia Jambak
Kepeng dapek anaklah turun
taruih sakali pai sikola

Dima pangapuang pasa Lalang
rak ateh simpang Gunuang Sariak
Dek hari kandak taknyo tumang
tiok ka sanan tiok naiak

Bamban di baliak bungo rayo
ambiak pamaga batang duku
Tiok rang aja tak nan lupo
di utak talatak kasadonyo

Di ladang rampak sigalabuak
ambiak pamaga lado mudo
Anak gadang rueh batukuak
ongkosnya jago dek abaknyo

Kujarat di tapi banda
kam bang manjalang tangah hari
digatia urang pandakian
Dek santiang anak basikola
Taroroh sayang abak tadi
nan hijau Reli nyo balian

Bandabuek jo Padangbasi
jalan nak urang Pauh limo
Pagi marengek ateh Reli
amak e galak kacang bogo

Tagak ka simpang Panjalinan
ka pulang tinggi hari
basandang kain bugih lamo
Bara cubik ka junjuangan
bara kalenteng lantik jari
cap ampu anak kito

Di balai siriah kuniang gagang
kalau di makan habih mati
aka meleroang ka pagawan
Bara gurigak jo garetang
baru kaletoang lantiak jari
nyo piuah sugi dek amak

Dari Tabiang ka Aiatawa
tatompang oto pagi-pagi
sopir e anak rang Koto
Dek santiang anak basikola
alah co ombak gadang hati
kaki tataruang galak juo

Di kabun batang asam sewa
ka ubek urang Simpang Kandih
Bataun-taun basikola
apuih nan tinggih nyo panjeki

Karatau di ujuang paga
ambiak pamaga dalam ladang
Tamat di nan randak basikolah
masuak noromal Padang Panjang

Kujarat di tapi banda
digati urang ka pamenan
Di noromal kakak basikola
nan bunsu di rumah jo jaiktan

Malereang tabang buruang pipik
inggok di ateh batang rotan
Nan bunsu nan manjaik
bakayu naik kain lenan

Layang-layang tabang malayang
inggok di ateh padi mudo
Santiang marendo manirawang
gaduh malukih pandai pulo

Sicerek dalam parak
palacuik jawi tapi kolam
Santiang maresep jo mamasak
soal ka dapua lapeh tangan

Dibali kain ka sirawa
dijua urang kampuang Jao
Pulang manjalang tangah hari
Sadang di noromal basikola
malang ka tibo di abaknyo
nyo semba sakik abak tadi

Palakat kain haluih ragi
disandang dalam kampuang Jao
Nyo kana diri pokok sakik
antah kok daman dek salemo

Buruang bondo disangko pipik
tagak mamandang di halaman
Salamo abak dalam sakik
payah nan bonsu ubek mamintakkan

Kalikih di ujuang tabiang
aka maleo ka pagaran
Dima tadanga dukun santiang
ka sinan ubek nyo mintakkan

Karatau di ujuang tabek
di karek anak rang kabun
aka maleo nan mudonyo
Lah talatak ringgik ateh bareh
manangih bunsu ka rang dukun
tolong lah ubek abak ambo

Anjalai di ujuang tabiang
paubek urang padakian
hari manjalang pukua satu
tagak di simpang Lubuakbayo
Kato sampai kunik lah nyo layang
tatalatak ateh pungguang tangan
kok nyo ambuang caro gundu
kare tasapo abak kau

Sicerek di dalam ladang
di baliak batang tapak leman
Ubek dapek bunsu lah pulang
manangih gadih tangah jalan

Sungai balang jo Bandabuek
basauak mandi ateh parik
mandi batimbo galuak rago
Naiak ka janjang lambek-lambek

nyo turuik abak sadang sakik
badarai-darai aia mato

Anak urang Solok Silayo
singgah di kampuang asam parik
mamandang juo sanjo rayo
Nyo imbau abak dalam sakik
iko mah ubek ambo baokan
kato nan bonsu jo aia mato

Badariak patah daun pandan
di baliak batang tapak leman
tenggeran anak buruang kekek
manyasok minum ka tapian
Nyo randam kunik dalam cawan
nyo gomok tiok pasandian
di kaniang lakek silang ampek
bantuak bendera rang Jaroman

Dikarek-karek kayu gadang
maleo-leo nan mudonyo
Ubek lakek sakik nan datang
abak batambah kuruih juo

Ka pakan urang lambuang bukik
tagak ka pulang tapi simpang

Lah babulan-bulan abak sakik
tingga kulik pamaluik tulang

Maleo-leo nilo nali
aka rang karek tapi rimbo
Aaooh wakatu alang hari
nyo imbau anak katigonyo

Diruruik daun bungo rayo
paubek urang kasibaran
Lah duduak anak katigonyo
mak Darama duduak di tumpuan

Jambak di baliak bungo rayo
aka rang karek tapi kolam
daun sadang mudo-mudo
Ka bonsu tangan bajamboan
tak usah ubek dimintakkan
ka baabih-abih kepeng sajo

Di tabang mudo daun parik
maleo-leo ka pamatang
di baliak batang tapak laman
Antah co iko nak rang ka mati
pangana abak hilang-hilang
acok bamaniak pamandangan

Tagak di kelok Gunuang Sariak
mamandang juo ka hilaman
manjinjiang kerang tak barisi
Dendang masiak nak nasinyo putih
di makan nasi raso sakam
aia di minum raso duri

Indak diruruik nili nali
nyo karek urang Tanjuang Saba

Indak ka takuik abak ka mati deh nak
ibo di kau ka katingga

Dari Alai ka simpang Kandih
ka pulang bao limau puruik
hari manjalang pukua satu
Kato sampai anaklah manangih
manga lo mati nan basabuik bak oi
sikola uda tangguang baru

Lah gadang rampak batang jambak
di baliak sarai tatuganyo
Kok malang sampai aja lillah abak
baio-io sae kau tingga nak oi

Karatau di unuang rimbo
elok di karek nan mudonyo
maleo-leo ka pagaran
Deh kau cara itu pulo
kok jampang sampai aja lillahi
anak nan jaan kau sioan

Balai gadang jo aia dingin
ka ilia jalan Aiatawa
hari nan jalang pukua duo
tatompang oto tapi jalan
Tantangan si As jo Samsuddin
kok maleh inyo basikola
agaiah bapokok anak kito
harato banyak den tinggakan mak Darama oi

Ka pakan balilah siriah
dibali urang dalam pasa
Jaan basilang jo salisih
baio-io sae kau tingga Darama oi

Di ladang padi rabah mudo
nyo tuai urang Koto Tinggi
Taganang-ganang aia mato
ibo di anak ka katingga

Sudah dikarek tapak leman
pamindang lauak tanggeri
Umanat sudah nyo tinggakan
abak diimbau tak babuni

Biduak pacan dandang tasagai
dandang di lawik bamuatan
Janji sudah bilangan sampai
arawah pulang kajunjuangan

Kuraitaji jo Pauahkamba
jalan Piaman sanjo rayo
Abak mati joa anak tingga
hebch ratok dek amaknyo

II

Rabah rak niin Taratak Paneh
di sinan tampek rang balinduang
rami minggu rang bamain
rumah bagonjong tapi bukik
jalan nak urang ka ka pasa
mambali kain salai-salai

Ka diseso hujan jo paneh
jo ombak gadang bakacimpuang
kok tak nan batu manantian
ka sansai kito dalam lawik
kalau batimbang-timbang
tak mungkin untuang elok lai

Pagi-pagi ka Lubuak Bagaluang
patang-patang ka Tanjuang Saba
ka Tanah Sirah pukua tigo
mudiakan kampuang anak rang Cangkeh
kok maenggoang ka tanah lapang
padi maijau dalam sawah
Baa lado tak bapaga
kambiang jo jawi nan ka tibo
itiak jo ayam di mangakeh
batang layua urek ka tajongkang
ka luluah mande dalam tanah

Kapeh di baliak Bungo Tanjuang
ambiak pamaga tapi sumua
Manjawek ratok mande kanduang
baetong sajak dek babaua

Di kabun batang galugua
nyo karek anak rang Jambak
maleo-leo tapi pantai
Sapuluah tahun kito dek babaua
sakali haram basisalak
kini pangali nan mancaraikan

Alamek rami Tanjuang Saba
ka pulang hari pukua satu
Allah bana jo anak tingga
anak wak kito bodooh baru

Di lurah kapeh nak rang gunuang
di baliak batang karamuntiang
di karek dikudoang duo
Manjawek ratok mende kanduang
lah datang pulo rang barampiang
ratok pitolong adoh pulo

Di pakan io bali limau puruik
dibali urang dalam pasa
hari manjalang pukuo duo
Ratok pitolong kok disabuik
mato e sirah dek bagisa
sirih di pinggan karam juo

Kajarat di ujuang gunuang
ka ubek urang Tanjung Saba
Nyo ambiak pinang jo nde kanduang
sugi nyo piuah jo nan kida

Karatau di ujuang banda
ka ubek anak rang Koto
Nyo piuah sugi suok kida
tambah timbakau katonyo

Ka balai urang pasie Sunua
malenggok masuak pakadaian
Adat mati tantu ka bakubua
di sinan abak rang mandian

Pagi-pagi ka simpang Puruih
ka ilia jalan ka Dama
hari manjalang pukua limo
Sudah mandi abak rang bungkuih
abak bakabek ujuang pangka
sarupo lapek Kampuang Aro

Sicerek di tapi ladang
aka manjelo ka pagaran
Jawek bajawek tantang janjang
rang jujuang tandu ka kuburan

Lah tabang buruang katitiran
hinggok ka dalam padi mudo

Rang bao abak ka kuburan
mande jo bunsu jo aia mato

Sudah dikarek daun tapak leman
pamindang lauak baledang
Lah sudah abak rang kubuakan
rang guluang kasua rang baok pulang

Di tapi sumua limau manih
tenggeran anak buruang gagak
manyasok minum ka tapian
Tampak kasua bunsu manangih
manyimbo bunsu ka rang banyak
di ma abak batinggaan

Sicerek di tapi rimbo
di baliak batang limau puruik
Kato amak e jo aia mato
abak nan jaan kau sabuik

Lah masak buah kalawi
di baliak batang limau kapeh
Adat mati tantu bakaji
bacakak saka jo sipadeh

Diruruik daun nilo nali
ka ubek anak rang Koto
Wakatu mangaji lai gak rami
di nan langang isuak tarasonyo

Sajak dikarek pauah janggi
nyo karek urang aia dingin
maleo-leo masuak padi
Sajak abak e sudah mati
tantangan si As jo Samsuddin
indak sikola anak lai

Ka pakan anak urang Jambak
ka pulang bali jari angau
paubek anak urang Koto
Kok lah sanjo hatilah samak
hari pagi pikiran risau
abak di ruang mato juo

Tegak ka kelok Lubuak Aluang
ka batompang bendi pi ka Jambak
Alah lah tingga jo nde kanduang
asiang lo raso tak baabak

Limau puruik gagang bagagang
tenggeran buruang dayu-dayu
hinggok di ateh bungo tanjuang
Lah bauru samo gadang
lah bailia mudiaik tak batantu
nyo pandang sae nde kanduang

Kayu kalek jo Balai Duku
rami manjalang tangah hari
Babulan-bulan caro itu
sambia parintang-rintang hati

Ka pakan ka Kurai Taji
kok ka pulang balilah kain
Adoh wakatu alang hari
alah lah pulang si As jo Samsuddin

Barayun di ateh tabek
di baliak batang anak sago
Kato amak o lambek-lambek
makanlah nak oi kato inyo

Bamban di baliak daun baringin
maleo-leo masuak sawah

Rang bao abak ka kuburan
mande jo bunsu jo aia mato

Sudah dikarek daun tapak leman
pamindang lauak baledang
Lah sudah abak rang kubuakan
rang guluang kasua rang baok pulang

Di tapi sumua limau manih
tenggeran anak buruang gagak
manyasok minum ka tapian
Tampak kasua bunsu manangih
manyimbo bunsu ka rang banyak
di ma abak batinggaan

Sicerek di tapi rimbo
di baliak batang limau puruik
Kato amak e jo aia mato
abak nan jaan kau sabuik

Lah masak buah kalawi
di baliak batang limau kapeh
Adat mati tantu bakaji
bacakak saka jo sipadeh

Diruruik daun nilo nali
ka ubek anak rang Koto
Wakatu mangaji lai gak rami
di nan langang isuak tarasonyo

Sajak dikarek pauah janggi
nyo karek urang aia dingin
maleo-leo masuak padi
Sajak abak e sudah mati
tantangan si As jo Samsuddin
indak sikola anak lai

Ka pakan anak urang Jambak
ka pulang bali jari angau
paubek anak urang Koto
Kok lah sanjo hatilah samak
hari pagi pikiran risau
abak di ruang mato juo

Tegak ka kelok Lubuak Aluang
ka batompang bendi pi ka Jambak
Alah lah tingga jo nde kanduang
asiang lo raso tak baabak

Limau puruik gagang bagagang
tenggeran buruang dayu-dayu
hinggok di ateh bungo tanjuang
Lah bauru samo gadang
lah bailia mudiak tak batantu
nyo pandang sae nde kanduang

Kayu kalek jo Balai Duku
rami manjalang tangah hari
Babulan-bulan caro itu
sambia parintang-rintang hati

Ka pakan ka Kurai Taji
kok ka pulang balilah kain
Adoh wakatu alang hari
alah lah pulang si As jo Samsuddin

Barayun di ateh tabek
di baliak batang anak sago
Kato amak o lambek-lambek
makanlah nak oi kato inyo

Bamban di baliak daun baringin
maleo-leo masuak sawah

rang uleh sadang mudo-mudo
Lah makan si As jo Samsuddin
nasi disuok tulang lamah
abak di ruang mato juo

Si Gapuak namo nak rang Cupak
duduak mamakan kacang goreang
galanyo Sutan Kajo Gandam
Biduak pacah nak palanglah ratak
langik runtuah bumi babeleang
tak adoh do lai pagantuangan

Lah masak padi nak rang Koto
maleo-leo masuak tabek
Lah sudah makan anak cako
amak bakato lambek-lambek

Palakat kain aluih ragi
disandang urang pulang mandi
Sajak abak ang sudah mati
indak sikola waang lai

Dandayu buruang si dandayu
ka tabang harilah ka tinggih
inggok di ateh tapak leman
Nak jan bailia tak batantu
samaso abak dalam sakik
umanat lai nyo tinggakan

Dibali kain ka sarawa
rang elak dalam pakadaian
Abak mati jo amak tingga
di mande waang pagantuangan

Kapeh di baliak asam sewa
tenggeran buruang dayu-dayu

Kok maleh waang basikola
nak jan bailia tak batantu

Pukua ampek ka pasa Puruih
dibali lauak sibaledang
Kepeang lai lapan ratuih
bagi duo se samo banyak

Basimpang jalan Gunuang Sariak
Sicerek jalan ka tapian
Sabalun kapeang ka diambiak
danga daulu den kecekan

Dari Ampang mudiak Kalumbuak
ka ilia jalan ka Alai
Kok kurang indak ka den tukuak
kok senteang indak ka den bilai

Talang di baliak bungo rayo
di baliak batang dalu-dalu
Kok malang habeh sado iko
piliah se jalan nan katuju

Dibali pao haluih ragi
ka baju anak Panjalinan
Mandaga kato mande tadi
lah nyo inok nyo pikikan

Pagi-pagi pai ka Loloang
tatompang bendi uang Puruih
kusie e urang Ulak Karang
Pikie habih kepeang lah nyo etong
nyo hetong kepeang lapan ratuih
nyo bagi duo ampek ratuih sorang

Sicerek di ujuang kahun
palacuik jawi balang tigo

Kepeang dapek anaklah turun
masuak ka pasa Padang Panjang

Di balai siriah kuniang gagang
aka maleo ka pagaran
Tibo di pasa Padang Panjang
nyo cari sinan pakadaian

Malakik hati tangah hari
mamandang tagak tapi janjang
Barakaik aruah abak tadi
dapek kadaian ciek sorang

Layang-layang tabang malayang
hingga di ateh limau puruik
Dapek jo kadaian ciek sorang
duduak jo pokok ampek ratuuh

Lah masak padi katitiran
nyo sabik anak rang Koto
Lah mulai duduak di kadaian
gilo maelak jo maeto

Ka pakan anak rang Koto
ka pulang lalu ka Alai
hari manjalang pukua limo
Bamacam suto ditaaruahnyo
adoh bacita bungo inai
sikerep bensin adoh pulo

Banda buek jo Tanjuang Saba
ka pulang bao lah rotan
Adoh barolek jo bajuja
cukuik bajao Pakalongan

Tagak ka simpang jalan Alai
ka pulang jalan ka Jati

Si As pandai bakadai
pokok kalebuik jua bali

Diruruik daun barundang
ka ubek anak rang Koto
Muluik manih bakatan sadang
rang darek sayang ka wak inyo

Lah rami pasa nak rang Alai
jerak bajerong pakadian
Awak gombang bakadai pandai
nyo beleang tunjuak di kadaian

Talang di baliak asam sewa
tenggeran buruang Reno Ali
Pokok murah nyo jua maha
pokok kalebuik jua bali

Karakok di dalam ladang
nyo gatia anak rang Solok
Alah maluok naik uang
lah gadang labo dari pokok

Pitulo di dalam parak
di baliak batang silaronyo
Awak mudo kepeang lah banyak
pareman banyak nyo kasih

Koto Tuo jo Aia Dingin
ka Balai Gadang tinggi hari
Lai baibo nyo miskin
nan bansek acok nyo kasih

Baringin di dalam ladang
ka ubek anak rang Koto
Acok palisir patang-patang
ka Jaya mudo sanjo rayo

Pipik parik tabang ka ladang
inggok di ateh Bungo Tanjuang
manyasok minum ka bania
Ka Jawa mudo patang-patang
nyo tagak-tagak tantang pangguang
kalise gambar rancak bana

Jambak tinggih tapi Loloang
ka ubek anak rang koto
Makasuik hati ka manonton
karichah alah dibalinyo

Di ladang batang kalawi
maleo-leo masuak lubuak
tenggeran burauang Reno Ali
Nyo goyang lutuik di kurisi
ruponyo di balkon mudo duduak
di stales kato nak rang kini

Ka pakan anak urang Aia Dingin
ka pulang balilah sirih
Lampu padam gambarlah main
manari ateh laia putih

Di ladang batang mato ali
ka ubek anak rang Koto
Bagoyang lutuik di kuresi
jaman hiduik kiro-kiro

Ditabang nak rang Loloang
di baliak batang tapak leman
Hari malam pulang di pangguang
lamak tanai e dek pareman

Ka pakan anak rang Jambak
malenggok masuak pakadaian

Awak mudo bakepeang banyak
jo lapiak putiah rang nantian

Rami pasa e Kuraitaji
digatia daun tapak leman
Pokok taeco galeh tadi
dek jaek aka rang pareman

Ka pakan anak rang Loloang
hari manjalang pukua limo
Hari pagi kalah baetong
tabayak lapan puluah limo

Baraban di baliak asam sewa
nyo karek anak rang Jambak
Kok malam cabuik jo bakoa
kok siang sabuang jo sihonjak

Ka pakan urang Kuraitaji
batompang oto Pariaman
Gundu diambuang taruih mati
Gadang lo kanai dari manang

Ka ilia ka Kuraitaji
ka pulang hari pukua limo
Gundu diambuang taruih mati
main di tanah lambok pulo

Kilia ka kampuang Jao
ka pulang baolah rotan
Main di tanah lambok pulo
gundu bapati rang masuakkan

Tiuang di puncak kayu mati
ula di bawah mangulampai
sadang mamakan anak anso

Kundu di ambuang taruih mati
sakali main tak nan manang
kuriak dibulang karam juo

Dibali kain ka sirawa
rang elak dalam pakadaian
Lojo loloh cincinlah tangga
babukak Mido bagadaian

Lah tabang buruang Reno Ali
manggungguang padi rabah mudo
Hari sanjo main baranti
bapikia mudo jo aia mato

Babaju kasumbo lusuah
bakatak-katak di langannya
Pikia habih pangana tumbuhan
tangguang pereman kato inyo

Kujarat di tapi rimbo
kambang manjalang patang hari
Rupo e kepeang adoh juo
acok nan tuo nyd dakeki

Dari Solok mudiak Silayo
ka pulang balilah ubi
Mudo jo rang tuo pandai juo
kurang rokok lah nyd bali

Pipik parik tabang ka rimbo
hinggok ka dalam padi mudo
Acok baanik jo nan tuo
salah saketek indo baso

Karatau di tapi rimbo
di baliak batang kaujara
tenggeran anak buruang puyuah

Beketek-ketek jo nan tuo
putuih hakekat jo makrifat
pandai bersifat duo puluah

Palekaik kain haluih ragi
rang sandang dalam Kampuang Jao
Awak rancak lai babudi
rang tuo sayang ka wak inyo

Pagi-pagi ka simpang Alai
ka pulang baolah rotan
Hari sanjo lampu lah rang salai
babao mudo ka sasaran

Kayukalek jo Lubuakbayo
ka pulang hari pukua limo
Kato nan tuo ka gurunyo
tolong tek aja anak ambo

Alang alang tabang jo pipik
ka tabang hari gak tinggi
Rang bao malangkah ciek-ciek
bakao sanang dalam hati

Bamban di baliak kayu gadang
badarai-darai ka pagaran
Utak tajam pikiran gak santiang
gak centeang si As di sasaran

Pipik parik tabang ka benteang
inggok di ateh batang padi
Hati tajam utaknyo tarang
lah sayang guru mancaliki

Sajak dikarek bungo pandan
maleo-leo masuak padi

Lah babulan-bulan jadi rang pareman
kadaian indak tantu lai

Limau di tapi jalan
di baliak batang angkuini
Kaki capek tangan gak ringan
Alah co cambuik lapeh kaki

Palakat kain haluih ragi
rang sandang dalam kampuang Jao
Alah co cambuik lapeh kaki
rang angkek jadi guru tuo

Dari Puruih mudiaik ka Loloang
ka pulang baolah rotan
Waang sapan tun galuak rompong
molah ka rimgo den lantjangan

Dari Solok mudiaik Salayo
manjinjiang kerang tak barisi
Bakirok lakeh dari siko
bakasiak mato mancaliaki

Galabuang dalam parak
antah kok dama den tugakan
Ba a tak kunjuang ang tagak
antah kon tangan ang natikan

Anjalai di tapi rimbo
ka ubek anak rang Koto
Nyo jawek kato jo nan saba
manggabak-gabak aia mato

Taruruik-ruruik daun sariak
aka malao mudo-mudo
Basabuik uda tak baradiak
dek ambo lai kakak juo

Daun bilunang jo bilukah
hitam baro e limau puruik
Kok takuik jo nan suka
bialah adiak basisuruik

Talang di baliak batang dama
tenggeran buruang Reno Ali
Sanang-sanang di kadai tingga
goyanglah lutuik di karosi

Disusun daun kalawi
dijuluak anak rang Koto
Turun di kadai kakak tadi
nyo turuik rumah rang gaeknyo

Satu dikarek jariangan
ka ubek anak rang Duku
hari manjalang patang-patang
Satu tibo si As maimbau
mande kanduang singkokkan pintu
anak nan malang nan lah pulang

Ka pantai tabang buruang bubuik
inggok di ateh batang laban
Kato sampai amak takajuik
malonggok amak pikalangkan

Bakukuak ayam taduang rimbo
hari manlajang tangah hari
sadang tapawik dipawiktan
Satu tibo amak bakato
manga rang bujang pe ka mari
jo sia kadai batinggakan

Salasa balai Bandabuek
balai nak urang Pauah Limo
Kato sampai si As manjawek
malang juo rupo nasib ambo

Ramo-ramo tabang ka padi
hinggok di ateh kayu gadang
Adoh wakatu alang hari
bamanuang duduak samo sorang

Pagi-pagi pai ka Pauah
ka pulang bali limau puruik
dijua anak rang Alai.
Adoh di hati nan marusuah
kepeang habih kadai batutuik
ampek ratuuh jo rang Cino

Di ladang batang dasia
aka maleo ka pagaran
Kok malang utang tak tabaia
mungkin rang Cino mangaduan

Dari Alai mudiak ka Pauah
ka pulang balilah rotan
Pitiah habih pangana tumbuhan
nyo turuik kakak ka kadaian

Kapeh di lurah tapi rimbo
tenggeran buruang Reno Nali
Satu tibo kakak batanyo
apa ang cari As ai pi ka mari

Sinayan pasa Kuraitaji
rak niak pasa Pariaman
Apo ang cari pi ka mari As ai
jo sia kadai ang tinggakan

Banamo anak buruang kekek
hinggok di ateh bungo rayo
Kato sampai si As manjawek
malang juo Da ai nasib ambo

Ka ilia anak rang Jati
ka pulang hari pukua limo

Danga dek Uda nasib diri
danga dek Uda ambo baco

Panjang batang e rotan dasia
pangabek jawi balang kaki
Kok malang hutang tak tabaia
indak baradiak Uda lai

Dari Alai mudiak ka Ampang
ka pulang baolah rotan
hari manjalang pukua lapan
Kato sampai Samsuddin berang
sikia barutang tak barutang
manga ka urang ang katoan

Ka balai anak rang Jambak
manjinjing kerang tak barisi
Makin gadang indak bautak
banak ang bulek kaampu kaki

Ka kapakan anak yang Solok
ka pulang balilah batiah
Allah den tekan dalam kantua
perai jo waang den baradiak

Ka lereang tabang buruang bubuik
inggok di ateh Reno Nali
manyasok minum ka tapian
Kepeang habih kadai batutuik
lah bacampua malang jo marugi
piutang banyak rang larian

Lari rami balai Lubuakbanyo
rami dek anak mudo-mudo
Kok lai ibo ka wak ambo
tolong lah tambah pokok ambo

Kalikih di tapis banda
dijuluak anak rang Solok

Ramo-ramo tabang ka padi
hinggok di ateh kayu gadang
Adoh wakatu alang hari
bamanuang duduak samo sorang

Pagi-pagi pai ka Pauah
ka pulang bali limau puruik
dijua anak rang Alai.
Adoh di hati nan marusuah
kepeang habih kadai batutuik
ampek ratuuh jo rang Cino

Dj ladang batang dasia
aka maleo ka pagaran
Kok malang utang tak tabaia
mungkin rang Cino mangaduan

Dari Alai mudiak ka Pauah
ka pulang balilah rotan
Pitiah habih pangana tumbuhan
nyo turuik kakak ka kadaian

Kapeh di lurah tapi rimbo
tenggeran buruang Reno Nali
Satu tibo kakak batanyo
apa ang cari As ai pi ka mari

Sinayan pasa Kuraitaji
rak niak pasa Pariaman
Apo ang cari pi ka mari As ai
jo sia kadai ang tinggakan

Banamo anak buruang kekek
hinggok di ateh bungo rayo
Kato sampai si As manjawek
malang juo Da ai nasib ambo

Ka ilia anak rang Jati
ka pulang hari pukua limo

Danga dek Uda nasib diri
danga dek Uda ambo baco

Panjang batang e rotan dasia
pangabek jawi balang kaki
Kok malang hutang tak tabaia
indak baradiak Uda lai

Dari Alai mudiak ka Ampang
ka pulang baolah rotan
hari manjalang pukua lapan
Kato sampai Samsuddin berang
sikia barutang tak barutang
manga ka urang ang katoan

Ka balai anak rang Jambak
manjinjing kerang tak barisi
Makin gadang indak bautak
banak ang bulek kaampu kaki

Ka kapakan anak yang Solok
ka pulang balilah batiah
Allah den tekan dalam kantua
perai jo waang den baradiak

Ka lereang tabang buruang bubuik
inggok di ateh Reno Nali
manyasok minum ka tapian
Kepeang habih kadai batutuik
lah bacampua malang jo marugi
piutang banyak rang larian

Lari rami balai Lubuakkanyo
rami dek anak mudo-mudo
Kok lai ibo ka wak ambo
tolong lah tambah pokok ambo

Kalikih di tapis banda
dijuluak anak rang Solok

Kepeang habih tak jadi baa
nan rumik utang ka rang Cino

Kok panjang bana rotan dasia
tenggeran buruang Reno Nali
Kok malang hutang tak tabaia
indak ka baranak amak lai

Dari Alai mudiaik ka Ampang
ka pulang hari tenggi hari
Kota sampai amak e berang
bara kaleteang lantiak jari

Jariangau di Gunuang Sariak-
paubek urang pandakian
Takalo kepeang ka ang ambiak
daulu alah den kecekan

Barakik mandi ka subarang
badayuang-dayuang ka tapian
Sikia barutang tak barutang
manga ka urang ang kecekan

Di ladang batang galabuak
nyo karek anak rang Alai
Kok kurang indak ka den tukuak
kok senteang indak ka den bilai

Ka ladang tabang buruang bubiuk
inggok di ateh batang jambak
Kini barutang nan ang sabuik
indak babenak jo bautak

Ka pakan anak urang Sunua
pulang manjalang pukua duo
babao niru ka tampian
Unyilah rumah tak badapua
tingkeklah kapa tak baseo
manga ka urang ang katoan

Anjalai di dalam parak
di baliak batang talang pauah
Perai jo waang den baranak
Jajak nan tingga ka den basuah

Babaju kasumbo lusuah
dipakai urang Panjalinan
Jajak nan tingga ka den basuah
sasumua aia den ambiakan

Dikarek batang bungo tanjuang
di baliak batang manggih hutan
Talaruik kato mande kanduang
mananggih bonsu dari dalam

Barakik mandi ka subarang
badayuang-dayuang dalam banda
Berang sia lo urang tak ka berang
tapi dek amak laruik bana

Pipik parik tabang ka ladang
manggungguang padi mudo-mudo
Kama uda ka dibuang
kato rang anak amak juo

Pagi-pagi balai Lubuakbayo
ka balai urang simpang Kandih
Kunun amak lai tak nio
kok kunun indak badan diri

Rambutan di tapi parak
aka maleo nan mudonyo
Batigo kami badunsakan
manga dek amak balainan

Rambutan di tapi banda
tenggeran buruang dalu-dalu
Suruikan hati ka nan bana
bao bapikialah daolu

Ramo-ramo tabang ka kolam
inggok ka dalam padi mudo
manyasok minum ka tapian
Lupokah amak sifat alam
sadang hujan paneh kok tibo
di baliak lurah pandakian

Malereang tabang barabah
inggok di ateh batang kayu
Kini geleran nan di bawah
bahati saba ba a dulu

Maruyun di ujuang tabek
palacuk jawi balang duo
Jan pandoroang ka nan bansek
nan miskin acok mambaleh guno

Ka pakan anak rang Lubuak
mambali suto ka salendang
hari manjalang pukua duo
Caliak dek amak anau buruak
kan jo saga-saga indak tabuang
panuriah pandan jadi juo

Di ma pasa Pariaman
rak ateh pasia rang Solok
mamotong lalu masuak parak
Sabalun izin dari Tuhan
bako ka langik ka manjambo mak
saja ka masak kariang indak

Talang di pasa anak rang pakan
aka maleo tapi banda
Uang nan jaan dibanggakan
kepeang kan daki ateh duya

Dandayu buruang dandayu
tabang ka pantai duo-duo
Dek ambo kepeang tak paralu
kana dek amak jaso lamo

Kalikih di dalam parak
tenggeran buruang Reno Nali
ka pantai tabang duo-duo
Alamik tinggih nak caro gagak
asiang muluik lain di hati
akhia kalak e karam juo

Dibali buah galugua
di jua urang pasa Solok
pulang manjalang pukua duo
Bia lah randah caro sakua
asa baniaik ka nan elok
kan Tuhan indak sio-sio

Pipik parik tabang sajoli
inggok di ateh bungo rayo
manyosaok minum ka tapian
Mandaga kato anak bonsu
bialah nak lindang nan cilako
uda kau gagah di kadaian

Ka pakan anak rang Jati
maadang balai kampuang Jao
Anjiang tak namuah diagih nasi
marano awak dek salaknyo

Lah ruruik daun Bungo Tanjuang
paubek urang Tanjuang Saba
Lah laurik berang mandeh kanduang
nyo pujuak kakak dek Darama

Bakukuak ayam biriang taduang
sadang mangakeh dipauiktan
Kato nan bunsu ka kakaknyo
berang nde kanduang ja ang dangakan

Kapeh di baliak bungo rayo
tenggeran anak buruang gagak
Dek uda lai nan maibo
nyo sabuik perai baranak

Hari Satu balai anak rang Duku
bakadai nak rang Lubuakbayo
Tapi yo patuik caro itu
apo nyo pandang ka wak ambo

Payuang panji di Sungaimiang
nan punya Bodi Caniago
Bapak mati nde kanduang berang
wak kau sorang nan lai ibo

Lah ilia anak rang Koto
ka pulang hari pukua satu
dibao daun sitawa
Kato rang bunsu jo aia mato
kok ia dek utang sadak itu
usah lai kakak risau bana

Pipik parik tabang ka ladang
inggok ka ladang padi mudo
Ikomah ringgik baolah galang
baia lah utang ka rang Cino

Di parak batang baringin
tenggeran balam tigo gayo
Dek ambo kakak tak balain
bialah bansek kakak juo

Di ladang batang dalu-dalu
tenggeran balam tigo gayo
Dek ambo barang tak peralu
biaalah utang ka rang Cino

III

Ka pakan anak rang Tanjuang Saba
ka pulang balilah anduak
Duduaklah uda agak sabanta
nasilah sudah ambo sanduak

Di Tabiang jalan ka Lubuak
tampuan daulu Panjalinan
nak jaleh balai Lubuakbayo
Nasi kariang samba basanduak
sudah basanduak jo baedangan
makanlah Da oi, kato inyo

Ka ilia anak rang Jati
mamotong lalu masuak sawah
Lah makan kakak jo ibo hati
nasi basuok tulang lamah

Ramo-ramo tabang ka sawah
hinggok di ateh batang rotan
Nasi basuok tulang lamah
sudah sakali si As makan

Buruang alang tabang jo kekek
hinggok di ateh bungo tanjaung
manggungguang putiak lado mudo
Kato si As lambek-lambek
nak senang hati mande kanduang
bia den kambuak parakaro

Marapalam di tapi banda
aka maleo mudo-mudo
Mangaja Siti Darama
manga pakaro uda baco

Ka ilia anak rang Koto
ka pulang baolah rotan
Ikomah kepeang ka balanjo
kok io Uda ka bajalan

Kapeh di baliak kayu gadang
ambiak pamaga tapi sumua
daun meleo-leo ka pagaran
Pulang juo beko patang-patang

naiak se Uda dari dapua
di dapua nasi mbo asiangan

Tapi kok ruruik daun tanjuang
jatuah salaro ka pamatang
dijuluek urang ka panganan
Kok takuik uda jo nde kanduang
carilah pondok tingga urang
kaki in nasi mbo uluakan

Sapek di ujuang tabek
pauhek urang Kototangah
tidua bagaluang tapi kolam
Kato si As lambek-lambek
tolong niaikkan banang basah
wak kau indak den lupokan

Banda burek jo Padangbasi
di Benteang tinggi pandakian
Sudah mangecek uda pai
maratak bunsu batinggaan

Bagaluang paku dalam parak
digatia urang pandakian
Alah ka sanang hati amak
Uda lah ilia tangah jalan

Lah tabang buruang katitiran
tabang manisi-nisi jambak
Kok tak dek amak tak bajalan
alah ka sanang hati amak

Marapati taluanyo merah
daolu taluanyo gak hijau
musim pabilo ka putiahnyo
Ambo di tanah nan sabingkah
uda di baliak gunuang hijau
musim pabilo ka basuo

Kan daolu bapaga rantai
lawiktan tanang di tangahnyo
Satapak jo kakak tak bacarai
kok tak dek amak tak co iko

Dari Guguak ka pasa Talang
ka pulang manjalang pukua duo
Nyo bao duduak ka nan langang
di awan hijau kiro-kiro

Pipik parik tabang ka ladang
hinggok di ateh bungo rayo
Sadang babamanuang samo sorang
datang polisi jo rang Cino

Pipik parik tabang ka rimbo
hinggok di ateh rigo-rigo
di tangkok kuciang balang duo
Kato Polisi ka wak inyo
waang barutang ka rang Cino
manga ang kok hilang sajo

Kujarat di tapi rimbo
digatia urang tapi jalan
Sadang tamanuang palanggu tibo
palanggu bengkok rang lakekkan

Sicerek di tapi padi
palacuik jawi balang duo
Tanganlah lakek galang basi
ka kantua Padang Panjang rang pi bao

Kujarat di tapi lubuak
di baliak batang karamintiang
Maiak ka ateh galuak-galuak
marangkak turun Silaiang

Karamuntiang di tapi sawah
diambiak pamaga tapi sumua

Silaiang jo Kampuang tangah
malata masuak aia mancua

Galugua di tapi tabek
ambiak pamaga pasumayan
Aia mancua jo Kandang Ampek
lapeh ka Guguak Kayutanam

Lah masak buah mato ali
nyo makan anak buruang gagak
Di Sicincin oto tak baranti
mangakeh naiak di Kiambang

Layang-layang tabang jo buruang
hinggok di ateh kayu gadang
Parik malintang jo Lubua Alung
mandudu masuak Pasa Usang

Lah gadang batang ruku-ruku
ka ubek anak rang Koto
Pasa usang jo kelok Duku
mamotong masuak Lubuakbayo

Diguntiang kain ka sirawa
dibali anak rang subarang
Lapeh Tabiang ka Aia Tawa
Manggendeang simpang Ulak Karang

Gagang bagagang batang limau
ka ubek anak rang Koto
Ulak Karang jo kelok Puruih
ka tapi lawik rang pibao

Pipik parik tabang ka rimbo
inggok di ateh jariangau
manggungguang padi mudo-mudo
ka tapi lawik rang pi bao
duduak di muko meja hijau
di sinan pakaro rang pareso

Di ladang batang bungo culam
tenggeran anak buruang kekek
Batanyo magang pangadilan
rang tanyo si As lambek-lambek

Salasa balai Banda Buek
rami dek urang Pauahlimo
Rang tanyo si As lambek-lambek
bautang waang jo rang Cino

Ka pakan anak rang Koto
ka pulang manjalang patang hari
Nak jan jadi parakaro
elok ang baia siko kini

Ka ilia anak rang Jati
pulang manjalang pukua limo
Cino bijak si As jauhari
undak-baundak parakaro

Karatau di tapi kolam
ambiak pamaga tapi rimbo
Hutang ambo lunas tiok bulan
tapi kwitansi tak ambo tarimo

Karatau di tapi kolam
paubek anak rang Koto
Dek cino cukuik katarangan
babisiak Cino pi ka dalam
Dikarek-karek batang dama
ka ubek anak rang Lubuak
sudah mangecek Cino ka lua
babaisak se nan biduduak

Dibali kain ka salendang
di jua anak rang Koto
hari manjalang pukua anam
Lah rago let manimbang
ondak-baondak parakaro
kanai jo si As tigo bulan

Dari Puruih pai ka Benteang
ka pulang bao jariangau
Hukum jatuah hakim babeleang
baoia bunyi meja hijau

Kapeh di baliak dalu-dalu
aka maleo tapi kolam
Dek padek tampek tansi baru
ka tansi baru rang masuakan

Dari Dauah ka Kototingga
ka mudiak jalan Gunuang Sariak
mamandang tagak ka hilaman
Hukum jatuah baju batuka
baju kuriak sirawa kuriak
dapek sapotong deta hitam

Tabali buah lado mudo
dibali dalam pasa Duku
Babisiak Bugih jo Binduro
tarimo bagian dek rang baru

Dandayu buruang dan dayu
hinggok di ateh batang rotan
Tarimo bagian dek rang baru
lah lamo tumik tak makan

Ka pakan urang Kuraitaji
ka pulang hari pukua duo
nyo bao nyiru ka tampian
Bago dijajak bendo tangsi
awak talengah tumik tibo
jo golek sae nyo lapehan

Ramo-ramo tabang sajoli
hinggok di ateh bungo raya
Basosoh cekak dalam tangsi
Lah paneh Bugih jo Binduro

**Kalereang tabang buruang bondo
nyo tangkek urang Lambuang bukik
samo jo urang Gunuang Sariak
Bugih tapepeh tumik tibo
duo sarenjeang kanai tumik
nan sorang taraok dek kalatiak**

**Lah masak buah kalawi
dijuluak urang jo pangalam
Alah co cambuik lapeh kaki
kaki naiak kalatiak makan**

**Limau puruik di tapi kolam
ka ubek anak rang Koto
Tumik naiak kalatiak makan
kaki nan tingga nyo sepainyo**

**Di Pauah panjang limau kapeh
ka ubek anak rang Koto
Makin tuah makin dareh
mambana Bugih jo banduro**

**Ramo-ramo tabang ka banda
hinggok di ateh bungo rayo
Maso pareman tingga di lua
Sutan kalunia daolunyo**

**Tagak ka simpang Panjalinan
ka pulang bali limau kapeh
Di sinan tuah nyo ariakan,
barang baranggah aden rabeh**

**Badariak patah daun pandan
di baliak batang baru udang
daun e sadang mudo-mudo
Di sinan tuah nyo ariakan
iko nan si As Padang Panjang
hati den jantan tak batino**

Kayu kalek di Lubuak Bayo
ka pulang bali limau puruik
Mambana Bugih jo Binduro
hari sanjo kaki rang uruik

Di parak batang nilo nali
aka rang ambiak mudo-mudo
Awak gombang lai barani
sapia lah sayang ka wak inyo

Gagah rumah rang Balantuang
kantua gubernur rang di Padang
rak niak sender radio
Bantuak si As tu tak jo tangguang
jangek kuniang abuak gak pirang
dan lagi porom gagah juo

Lah tabang buruang Reno Nali
inggok di ateh tapak leman
Nyo beleang tunjuak dalam tansi
kapalo jagok nyo lambuikan

Manjulai daun kacang padi
di baliak batang asam sewa
Hari sanjo duduak di tansi
si bunsu adiak nan takana

Balaia jongkong dari taluak
nakodoh anak rang Nareh
muatan cukuik cawan pinggan
adoh bagaleh jo timbala
babuni lonceang pukua satu
tamanuang duduak juru mudi
urang mangaia ikan karang
umpan tasangkuik dalam lumuik
Lah putuih nilon dek maelo
lah sapantun co ikan dalam lubuak
kok di ulu tubo balapeh
kok di baruah tika lah makan

kok di tangah jalolah babega
kok lari kalian batu

Baselan urik jo pangali
cek bulan babao hilang
dek mantari babao lupuik
kok tak dek awak tak co iko

Salasa pasa rang Solok
rami manjalang pukua satu
di bali kain ka sirawa
Di bao tidua tak muh lalok
tumpuan jadi kalanghulu
nan bunsu adiak nan takana

Ka pakan ka Indogeri
ka pulang ganggam asam sewa
Lah nak duo bulan dalam tangsi
taopor pulo pi kalua

Manjelo daun sitawa
tenggeran buruang Reno Nali
Taopor pulo pi kalua
manyapu tantang laman tangsi

Bakao rampak bungo kabun
maleo-leo nan mudonyo
Bakao sapu ka diayun
adiak nan bonsu taknyo luro

Dari Loloang pai ka sawah
ka pulang baolah rotan
Toloang jo doa dari rumah
wak kau indak den lupoan

Salasa balai Bandabuek
ka pulang sandang kain batiak
diayun sapu lambek-lambek
tampak takilek dalam kasiak

**Basimpang jalan Gunuang Sariak
di sinan tinggih pandakian
Takilek tampak dalam kasiak
kiro e lontin karabu intan**

**Ka pakan anak rang Pauah
ka pulang manjalang pukua limo
Dapek intan hati lah rusuah
masuak ka tangsi bapareso**

**Kok lai rami Lubuakbayo
Jerak bajerong pakadaian
Kok lai tantu dek e rang nan punyo
kasian barang nyo tompangan**

**La baju ksumbo lusuah
nyo pakai urang Bandabuek
Pikia habiah pangana tumbuhan
tampak takilek rumah dakek**

**Badariak patah daun pandan
di baliak batang kalawi
Nan punyo Nyai Pakalungan
tuan karajo digeweri**

**Tagak ka kelok jalan Jati
mamandang tagak ka ilaman
ka pulang kaunduang-unduang
Erak kapado Nyai tadi
anak e sorang parampuan
si Itin namo anak kanduang**

**Di kabun batang daun sapek
aka maleo ka pagaran
Di ayun langkah lambek-lambek
co rawang tamah bapijakan**

**Lah masak buah kalawi
dijuluak urang tapi sawah**

Tibo di rumah Nyai tadi
maimbau si As dari bawah

Bisuak mandi ka tabek
ka pulang lalu tapi sawah
Maimbau si As lambek-lambek
adoh koh urang ateh rumah

Lah pantai asam limau puruik
dijuluak urang pandakian
Kato sampai Nyai takajuik
bara lenggok pi kalangkan

Lah rami pasa rang Solok
bakadai buah kacang panjang
Tampak mudo darah tasirok
kiro e rang rantai nanlah datang

Basimpang jalan Gunuang Sariak
saciek jalan ka Lolo
Baju kuriak sirawa kuriak
tateleang deta di kapalo

Basimpang jalan Alai
mamandang juo ka ilaman
Nyai mengecek jo rang rantai
Intin mancigok dari dalam

Ka pakan anak rang kabun
pulang manjalang pukua limo
Pakai ka mono hijau daun
nyo piuah jalin sapaduo

Sicerek di ujuang tabek
ka ubek anak rang Koto
maimbau Nyai lambek-lambek
naiaklah rang mudo kato inyo

Bakao rampak nilo nali
dikarek tapi kolam
Bajuntai duduak di kuresi
Nyai mangecek pi ka dalam

Ka pakan balilah kain
ka pulang manjalang pukua satu
Bakato induak ka si Sitin
io baki e barang kau

Lah pantai sarai di Jambak
panggulai lauak aso-aso
Kato sampai Itin lah galak
Itin lah galak kacang bogo

Kapeh di baliak limau puruik
dikarek urang tapi rimbo
Di sinan galeh nyo ambiaknyo
Itin ma aduak kopi gulo

Dandayu buruang dandayu
inggok di ateh batang dama
Itin ma aduak kopi susu
roti nyo gomok jo mantega

Karek bakarek rotan tinggi
ka ubek anak rang kabun
Baralah lenggok maedangan
baolah tamu pai minum

Lah tabang buruang Reno Nali
inggok di ateh padi mudo
Bajuntai duduak di kuresi
tagabak-gabak aia mato

Pukua tigo ka pasia gurun
tagak di kelok Panjalinan
Tarago mudo sadang minum
Nyai lah habih jo edangan

Ka balai anak rang Lubuak
ka pulang bao aso-aso
Samba masak nasi lah nyo sanduak
talatak randang jo kalio

Bakukuak ayam tадuang rimbo
nan punyo anak rang pulau
Talatak randang jo kalio
mahereang talua mato kabau

Ka ilia ka Pauah limo
ka mudiak jalan Sungai Tanang
Di kida dendeang tak balado
di suok palai bada balang

Bajalan ka simpang Lubuakbayo
mamandang juo danjo rayo
Nasi talatak kato tibo
makanlah nak kato inyo

Limau kapeh di tapi kolam
aka dikarek rang Piaman
Dibasuh tangan ka makan
si bonsu adiak nan takana

Dari Solok pai ka sawah
ka pulang hari pukua tujuah
Nasi basuok tulang lamah
tagabak-gabak aia mato

Limau puruik di tapi kolam
tenggeran buruang Reno Nali
Sudah sakali si As makan
bamanuang duduak di kuresi

Talang di baliak bungo rayo
tenggeran anak buruang kekek
Sadang tamanuang kato tibo
bakato Nyai lambek-lambek

Lapeh di baliak Pauah Jambi
dikarek anak rang Tabiang
Badarai-darai kulipaknyo
Kok lapeh mantik dari tangsi
jan pai juo ka nan asiang
tunggu se rumah buruak ambo

Palakat kain aluih ragi
nyo sadang dalam pakadaian
pulang manjalang pukua satu
Nyai bajanji dalam hati
cukuik jo siak manantian
si As diambiak ka minantu

Di bali buah limau puruik
rang tua dalam kampuang Jao
Ka bibia kato tak basabuik
kato di dalam hati sajo

Di lereang batang pauah Jambi
tenggeran buruang Reno Nali
Hari patang lonceang babunyi
rang rantai pulang masuak tansi

Talang di baliak Pauah Jambi
di patah urang pandakian
Si As lah pulang pai ka tansi
dihetong induak si Sitin

Buruang gagak tabang sajoli
inggok di ateh mato ali
Uang banyak dapeak bacari
utang budi dibao mati

Dama di baliak bungo rayo
paubek anak rang jambak
Babuek randang jo kalio
paantaan bulok nan batamu

Sudah dikarek pauah janggi
paubek anak rang Jati
Allah masak samba Itin tadi
lah acok raun sia di ka tansi

Dari Puruih ka kampuang Jao
Babao niru ka tampian
Nyai ka tansi bebas juo
baganti-ganti mauluan

Lah masak buah kalawi
nyo juluak urang jo pangalan
Kok panek Nyai ka tansi
si Sitin gadih mauluan

Lah tabang buruang reno nali
inggok di ateh si galugua
Lah pulang lapeh dari tangsi
tekan manekan dalam tansi

Sicerek di tapi banda
di baliak batang barudang
Lakek pintalon jo kameja
abuak e lalok ka balakang

Teratai di tapi kolam
tenggeran buruang dayu-dayu
Pakai Robinson kalaf itam
babaliak rono nan dak olu

Ka pakan bali limau manih
nyo bali anak rang subbarang
Turun di kantua komisaris
malintah bendi kudo balang

Di lurah sarai rang ladang
panggulai lauak aso-aso
Nyo kubik bendi kudo balang
kito ka Berok kato inyo

Di parak panjang batang sariak
di baliak batang rotan dasia
Bendi tagak si As lah naiak
Les nyo ragan dek do kusia

Lah masak buah kalawi
meleo-leo ka pamatang
Les tagang kudo lah lari
mangirok lari kudo balang

Galugua di tapi rimbo
tenggeran buruang reno nali
Bacampua darab jo manduaο
tibo di laman Itin tadi

Lah tabang buruang katitiran
inggok di ateh batang dama
Lonceang kalebuik di halaman
Itin mancigok di jandela

Gunuang Sariak jalan ka Lolo
ka bajalan tinggih hari
Babisiak Itin jo amaknyo
bantuak rang rantai nan dek sari

Kapeh di baliak asam sewa
aka di baliak kayu gadang
Kato sampai Nyai kalua
io rang mudo nan lah datang

Sicerek di ujuang tabek
ka ubek anak rang Koto
Bakato Nyai lambek-lambek
naiaklah rang mudo kato inyo

Lah tabang buruang Reno Nali
inggok di ateh batang dama
Mangalai duduak di kuresi
nan bunsu adiak nan nyo kana

Manggendeang kelok Kuraitaji
mamandang tagak di halaman
Tamnuang duduak di kuresi
Nyai lah siap jo edangan

Io pantai dahan galabuak
tenggeran buruang Reno Nali
Kato sampai si As lah duduak
mangaluah duduak di kuresi

Karakok di tapi sawah
nyo gatia anak rang Koto
Nasi disuok tulang lamah
nan bonsu adiak tak nyo lupo

Ka pakan urang Koto Tangah
manjinjiang kerang tak barisi
Makan sapiriang mudo sudah
mangaluah duduak di kuresi

Lah rampak batang kuresi
dikarek dikuduang duo
Kok mati-mati bak kini
mati basabab bakarano

Talang dikarek mudo-mudo
tenggeran buruang anak kekek
Sadang tamanuang Nyai tibo
maimbau Nyai lambek-lambek

Ka pakan urang Gunuang Sariak
ka pulang balilah rotan
katayo jawi rang Kalumbuak
Jujuja tabantang lapiak putiah
tibo carano dari dalam
lah talatak siriah tak batampuak

Salasa balai Bandabuek
bakadai anak rang Lubuak
nyo bao lauak bondan-bondan

Bakato Nyai lambek-lembek
nak io agak ka mari malah duduak
ka mudo lai den kecekan

Di kabun batang jambak masak
aka dikarek tapi kolam
Sabalun kato babukak
kandak nan jan digelegeangan

Tabang buruang katitiran
tabang ka pantai duo-duo
Tak dapek kandak digelegeangan
anggak jo mandeh io juo

Ramo-ramo tabang ka pulau
inggok di ateh bungo rayo
Bauta ka mari nak pi marantau
uniang di rantau pamande juo

Takalo rampak nili nali
habih dikarek dikuduang duo
Samaso waang dalam tangsi
banyak rang Berok habih kasadonyo

Sarai dikarek tantang padi
pangulai lauak ambu-ambu
Nyo tukeh kato ciek lai
mudo diambiak ka minantu

Lah pantai dahan jambak masak
dikarek dikuduang duo
hari manjalang pukua satu
Kato sampai si As lah sabak
jan tadorong-dorong sajo
bao bapikia ba a dolu

Di karek-karek batang jati
Nyo gatia daun nan mudonyo
Wak ambo bansek dari tansi
apo bapandang ka wak ambo

Tagak ka simpang jalan Tabiang
mamandang juo sanjo rayo
Buanglah saliak ka nan asiang
jan tadorong-dorong sajo

Daruyan di ujuang tabek
dibaliak sarai rang Loloang
hari manjalang pukua satu
Bakato Nyai lambek-lambek
Bansaik jo suka jan dihetong
dek amak namuah nan paralu

IV

Memukek anak rang Lolong
nan kanai lauak ambu-ambu
campua jo anak bondan-bondan
hari manjalang pukua limo
Suka jo bansek jan dihetong
asa lai amuah maioan
dek ambo namuah nan paralu
bak kato ambo kasadonyo

Basauak mandi ka tabek
ka pulang lalu pi ka banda
dibao lauak pandan-pandan

Kato sampai si As manjawek
alah koh bapikia-pikia bana
nak jan manjadi sasa kamudian

Panjang bakarek batang rotan
katoyo jawi balang duo
Tak dapek kandak manggelengan
anggak jo mande io juo

Lah mudo daun limau puruik
digatia anak rang Koto
Luko kok indak kamanyuik
kaba a pulo kato ambo

Lah masak padi nak rang ladang
disabik anak rang di Koto
Dek kareh bana Nyai datang
kaba a pulo kato inyo

Palakat kain ragi ungu
disandang dalam kampuang Jao
Kandak dapek pinto balaku
uniang maeroh galak juo

Ka ilia urang Bandabuek
mambali suto ka salendang
dibali dalam pakadaian
Samo amuah hari buék
Nyai baralek caro Padang
Apuih rang Berok nyo katoan

Kabalai anak rang Duku
bajinjian kerang tak barisi
Hilang Kamih Jumaat masuak
lah mulai nan sahari

Lah rami pasa anak rang Alai
ka balai urang ka nan gantiang
Tando e alek lah bamulai
bapasang tabi bakuliling
tirai manandai kasadonyo

Lah pantai daun e Reno Nali
di baliak batang asam sewa
aka rang karek mudo-mudo
Si Sitin jo si As bapakai
unianglah galak mancaliki
kaki tataruang galak juo

Limau kapeh di tapi kolam
tenggeran buruang Reno Nali
sikua di ateh batang kayu

Kawin lah sudah rang langsuangan
hari Sinayan pagi-pagi
lah tingga anak di rumah tu

Kayu kalek jo balai Duku
ka pulang ganggam bungo rayo
Pandang anak pandang minantu
cando barabah sajoli duo

Layang-layang tabang malayang
ka tabang harilah gak tinggi
Anak gagah minantu gombang
pasai Nyai itu mancaliaki

Ka pakan anak rang Sunua
ka pulang baolah kambuik
hari manjalang pukua satu
Sabulan sudah baminantu
hujan taduah lah tarang kabuik
taraso lamak baminantu

Panjang daun e dalu-dalu
di baliak batang Pauah Jambi
tenggeran anak buruang nuri
Sabulan sudah baminantu
malang juo nasib Itin tadi
disemba sakik Nyai tadi

Pipik parik tabang sajoli
inggok di ateh tapak leman
Satu sakik latih sakali
jo nasi-nasi taknyo makan

Buruang bondo disangko pipik
tabang manisi-nisi tabek
Salamo Nyai nan lah sakik
barulang dotor pai maubek

Ka balai anak rang Koto
pulang manjalang tangah hari
disandang kain bujhil lamo
Awak sakik suntik lah tibo
injeksi namo dek rang kini
Pel Banduang ubek kapalo

Di gunuang panjang tangah sawah
di baliak sarai tigo batang
tenggeran buruang dayu-dayu
Lah sabulan sakik ateh rumah
tingga jangek pamaluik tulang
nyo imbau anak jo minantu

Kalikih di dalam parak
nyo juluak anak rang Koto
Si Sitin nak si kato awak
dek waang caro iko pulo

Dibali poan tigo elak
dibuek baju bantuak kini
dijaik anak rang subbarang
Tak mungkin sakik ka cegak
antah co iko rang ka mati
pangama amak hilang-hilang

Bagaluang pakua dalam parak
digatia urang Tanjang Saba
Malang sampai aja amak
baio-io sae tingga nak oi

Kujarat di tapi rimbo
digatia anak rang pulau
adoh diambilak ka pamenan
Dek si As caro itu pulo
ka mari Itin pi marantau
wak inyo jan diduoan

Karatau ditantang padi
dibaliak batang limau puruik
tenggeran buruang Reno Nali
Wak inyo jangan diduoai
manga sarago ka basabuik
kan racun duya dek padusi

Kapeh di baliak bungo rayo
digatia anak rang Koto
maleo-leo ka subbarang
Kok sampai aja molah ambo
maleh tingga di ladang ko
pulanglah ka korong kampuang

Bagaluang paku dalam parak
digatia urang pandakian
Pulang ka korong kampuang awak
pulang ka Jao Pakalongan

Sudah dikarek si bungo pandan
dakek batang kalawi
Umanat sudah nyo tinggakan
amak lah payah nyo pandangi

Barakik mandi ka subangan
mandi batimbo tenggih hari
Tigo kali manggok gadang
diimbau anak tak babuni

Barakik mandi tapi banda
hari manjalang pukua duo
Induak mati Itin lah tingga
manangih Itin dek untuangnyo

Biduak pauah pelang tasansai
dandang di lawik bamuatan
Janji sudah bilangan sampai
arawah pulang ka junjuangan

Ka pakan anak rang Sunua
mambali niru ka tampian
Adat mati capek bakubua
ka Gunuang Padang rang tanamkan
Diivali buah haluih ragi
dibali anak rang Loloang
Adat mati lai bakaji
bacokek saka jo sipadeh

Sajak dikarek Reno Nali
aka maleo ka pagaran
Sabulan induk sudah mati
mupakat Itin jo junjuangan

Kapeh di baliak bungo tanjuang
dikarek urang Tanjuang saba
Itin ka pulang pi ka kampuang
nan barek barang lah nyo jua

Tagak ka kelok Tanjuang Saba
mamandang tagak sanjo hari
nan ringan ameh nyo baonyo

Kapeh di balian Bungo Tanjuang
tenggeran buruang Reno Nali
Kok ia ka pulang pi ka kampuang
samo manalen pagi-pagi

Ka balai anak rang gunuang
pulang manjalang pukua limo
Talen si Sitin tak jo tangguang
nyo biron kain panjang Cino

Karatau di ujuang tanjuang
dikarek anak rang Tabiang
Gubaya pendek guntiang Banduang
tageong sanggua roda gandiang

Karatau di ujuang rimbo
daun badarai-darai tapi gunuang
Nyo susun ringgik di dadonyo
tak ka cabiak guntiang Banduang

Taga ka simpang jalan Alai
dibali buah jambak masak
Itin gombang manalen
pandai sarupo taruang dalam perak

Beringin di tapi rimbo
di baliak batang asam sewa
aka maleo ateh tabiang
Talen si As tu ganjia pulo
lakek pintalon jo kameja
pakai Rabinson kalaf kuniang

Lubuak lintah jo Karanggantiang
masuak ka kampuang Caniago
Pakai Rabinson kalaf kuniang
taunjua dasi di dadonyo

Anjalai di tapi kabun
digatia urang ka pamenan
Sudah mamakai pagi turun
sedan malantiak manantian
Gunuang sariak jalan ka Lolo
ka suok jalan pasa Lalang
ka lapau munggu tinggih hari
Naiak ka oto nan kaduo
mangalai duduak di belakang
kontaknyo piuah dek dek sopir

Salasa pasa rang Solok
rami manjalang pukua duo
Barangkek dari pasa Berok
ka Taluak Bayua ditujunyo

- Karupuak pamakan nasi
bareme dalam karanjang
duduak baselo ateh langkan
Gigi masuak oto lah lari
sedan mancicik ilia jalan

Dari tabiang ka simpang Lalang
ka pulang lalu ka pantai
Lapeh Gantiang subarang Padang
masuak kuburan Manjurai

Ka pakan anak urang Alai
ka pulang bali rotan dasia
Lapeh kuburan si Manjurai
masuak ka rawang mato aia

Di gunuang rampak kayu gadang
rang gatia anak rang kabun
Di Gauang oto manyimpang
di Taluak Bayua nyo lah turun

Manjelo-jelo asam sewa
dijuluak urang jo pangalan
Turun oto lansuang ka kapa
karano takelah di tangan

Di tabiang jalan pi ka banda
ka pulang hari pukua duo
Bajinjiang kopor naiak kapa
badarai-darai aia mato

Malakik hari pukua ampek
tagak di kelok Lubuakbayo
Tando e kapa barangkek
baririk sae singgan tanggo

Dibali buah limau kapeh
rang tua dalam kampuang Jao
pangulai lauak pandan-pandan

Tali lapeh pandarek lapeh
tali di anggar perai pulo
kapa malenggok ka lawiktan

Badariak daun pandan
dikarek anak rang subarang
Kapa malenggok ka lawiktan
kipah bagaluik di balakang

Di parak panjang Nilo Nali
aia malao ka pagaran
ka ubek anak rang Koto
Intinlah tagak di tarali
nyo buai salai saputangan
tinggalah mak oi kato inyo

Ka balai anak rang Gunuang
ka pulang balilah jambak
dibali anak rang Tabiang
Anak ka pulang pi ka kampuang
antah taliek antah indak
nyo paga lawik bekuliling

Disakah dahan limau kapeh
di baliak batang asam sewa
Makin ka tangah ka dareh
susun basusun ombak tibo

Ka pakan bali rotan dasia
dijua anak rang Koto
Siang malam kapa balaia
lapeh di ombak Tanjuang Cino

Kujarat di ujuang lubuak
kambang manjalang patang hari
Masuak ka Tanjuang rang Pariuak
menggendeang kato rang Batawi

Sicerek diujuang kabun
di baliak batang tapak leman
Kapa rapek mudolah turun
jo sedan pulang ka Jao Pakalongan

Sicerek di ujuang tabek
pata palacuit jawi balang duo
Masin iduik oto barangkek
manggabak-gabak aia mato

Dibali kain saruang Jao
dibali anak rang Jati
Oto balari kancang juo
manggendeang lurah dipandangi

Di pantai buruang Reno Nali
inggok di ateh bungo pandan
Cando lankisau oto lari
tibo di Jao Pakalongan

Lubuakbayo pasa Tabiang
tampuan daulu Panyalinan
Turun oto kopor bajinjiang
etek e tagak ateh langkan

Salasa balai Bandabuek
jerak bajeroang pakadaian
Batanyo etek lambek-lembek
di ma kakak Tin ai batinggakan

Dari Alai ka simpang Kandih
tagak mamandang ka pamatang
Kato sampai Itin manangih
kok tak dek amak balun pulang

Dituai padi tapi banda
nyo tuai anak rang gunuang
Induak mati ambo nan tingga
itu pokok e pulang pi kampuang

Buruang bakiak tabang ka rimbo
inggok di ateh nilo nali
Badarai-darai aia mato
mandanga kato Itin tadi

Lah tabang buruang dayu-dayu
inggok di ateh bungo Tanjuang
Lah naiak anak jo minantu
satu tibo si As tamanuang

Anjalai ditantang padi
badarai-darai masuak parak
Pasai polisi pi mancari
sajan tatangkok tampak indak

Salasa pasa rang Solok
jerak bajeroang pakadaian
Sia manangkok jagok rampok
saribu kepeang ka paresen

Sabatang rampak bungo rayo
dikarek dikudoang duo
di baliak batang limau manih
Basorok pulo di baliaknyo
kok nak bapangkek dapek pulo
tapi di bawah komisaris

Narimbo sarai di ladang
tenggeran anak buruang nuri
Sudah nyo baco si As pulang
pulang ka rumah Itin tadi

Ka balai anak rang Gunuang
pulang manjalang patang-patang
Satu tibo Sitin bamanuang
ba ato lalai mek awak pulang

Dari Alai mudiak ka Ampang
ka pulang ganggam daun nibuang

Bakato lalai me awak pulang
raso kaputuih banang salai

Bagaluang paku dalam parak
digatia urang ka pamenan
Bapak indak bamande indak
awak ka tampek pagantuangan

Lah masak buah kalawi
nyo juluak anak rang ladang
Satu tibo mandi sakali
saraiknyo mandi ka balakang

Sudah padi turun ka ladang
batanam bijo kacang padi
Sudah mandi si As lah pulang
lakek piama gadang ragi

Sicerek di ujuang tabek
palacui jawi balang duo
Kato si Sitin lambek-lambek
makanlah awak kato inyo

Anjalai diulek lubuak
tenggeran cindang pulang mandi
Kato sampai si As lah duduak
sagandiang duduak di kurasi

Ka pakan urang Koto Tangah
malenggok masuak pakadaian
Sapinggaan makan nyo lah sudah
nyo bao ba anjua pi ka langkan

Dibali kain ka sirawa
dijaik anak rang Koto
Dek Itin induak nan takana
si As bunsu nan tacinto

Lah tabang buruang katitiran
inggok di ateh bungo rayo

Kecek mangecek lah bimakan
manggabak-gabak aia mato

Tagak ka simpang Panjalinan
hari manjalang pukua duo
Lah nak saminggu si As sinan
ongkos bak kato Itin sajo

Lah tabang buruang Reno Nali
nyo tangkok kuciang balang duo
Adoh wakatu alang hari
bamanuang si As sanjo rayo

Baringin di ujuang padi
ambiak pamaga tapi rimbo
Si Sitin mudo rəng jaori
bago tamanuang pujuak tibo

Babaju kasumbo lusuah
nyo pakai anak rang Jati
pulang manjalang pukua duo
Apo dek hati nan marusuah
talaruik manuang mbo pandangi
adoh koh salah dari ambo

Malakik hari pukua ampek
tagak ka simpang Koto Tingga
Kato sampai si As manjawek
Lapehlah ambo nak ka pasa

Lah tabang buruang katitiran
inggok di ateh batang kayu
Sambia malapeh pamandangan
kok lai hilang hati rusuah

Karakatau di ujuang banda
digatia anak rang Koto
Kok ia awak ka ka pasa
iko mah kepeang ka balanjo

Sicerek di tapi kolam
tenggeran buruang Reno Nali
Kecek mangecek hari malam
Lalok sakalok hari pagi

Ka pakan anak rang kabun
ka pulang baolah rotan
Kepeang dapek si As lah turun
bapikia masuak ka pasa Pakaluangan

Di gunuang batang mato ali
tenggeran buruang anak puyuah
Lah condong sinan matohari
tak juo hilang hati rusuah

Kapeh di baliak manggih mudo
tenggeran buruang katiriran
Tarak baterek rang batigo
kapalo rampok Pakalongan

Salasa balai Bandabuek
rami mambali jo manjua
nyo bali poan haluih ragi
Kato si As tu lambek-lambek
gak kareh parentah tuo pasa
wak ambo rundo malam kini

Di karek rotan ka katonyo
dibali anak rang Pitanah
Tadanga si As ka karundo
kota di siko sadang paneh

Di Tabiang jalan nak rang Koto
ka pulang ganggam karamuntiang
Maliang jo rampok musim siko
nyo cakau awak dek rang maliang

Kujarat di tapi kolam
ambia ka ubek nan mudonyo

Bialah rundo diupahan
bialah rundo mbo pituruik

Kapeh di baliak Nilo Nali
nyo karek anak rang Tabiang
Tapi kok kareh hati pai
agaknyo cakau dek rang maliang

Lah masak buah kalawi
nyo juluak urang jo pangalan
Harilah gak malam mbo pandangi
di ma nak kunci kau latakan

Sudah dikarek daun baringin
dibaliak batang bungo culan
Nyo ambiak kunci dek si Sitin
lah lakek sagalo hitam

Rampak limpanan tapi kolam
dikarek anak rang di Koto
Baju hitam sarawa hitam
guntiang galembong dipakainyo

Lah jarang rampak kayu gadang
nyo karek anak rang Gunuang
Maereang deta balah kacang
nyo sandang bugih gadang saruang

Lah pantai sarai di kabun
pangulai lauak pandan-pandan
Sudah mamakai si As turun
nyo ayun langkah bakalam-kalam

Lah tabang buruang dayu-dayu
tabang manisi-nisi kabun
Karano hari mudo baru
taruih ka bopet pai minum

Babali suto tigo elak
dijua dalam kampuang Jao

Satu tibo aia nyo mintak
nan paik kopi dibalinyo

Bakao rampak bungo kabun
elok tanam mudo-mudo
Sungguah di bopet mudo minum
tapi polisi jalan juo

Anjalai di tapi rimbo
nyo karek urang Bandabuek
Sanema perai kasadonyo
nyo ayun langkah lambek-lambek

Babaju kasumbo lusuah
nyo pakai urang Pariaman
Harilah duo tigo puluah
rupo hari tangah malam

Limau puruik di tapi kolam
digatia urang ka pamenan
Harilah laruik tangah malam
lah sunyi kota Pakalongan

Lah tabang buruang katitiran
inggok di ateh kayu gadang
lah aman kota Pakalongan
bamanuang-manuang samo sorang

Pipik priak tabang ka ladang
inggok di ateh batang padi
Sadang bamanuang samo sorang
mandariang-dariang uriak basi

Tagak ka kelok jalan Jati
ka pulang ganggam bungo kabun
Mandariang-dariang uriak basi
Maliang mangupak di taksiun

Di tabiang nak rang Koto
ka mudiak jalan simpang Lalang
Batigo maliang bakarajo
buduo tukang caliak urang

Kapeh di karek ateh munggu
digatia anak rang Jati
Padek pikiran samalam tu
nan ma kolah den loneksi

Ka balai anak rang pulau
ka pulang balilah kain
Elok kapalo rampok den cakau
pulang ka kampuang tak juo mungkin

Karatau madang di rimbo
dibaliak batang bungo culam
Maliang talengah tumik tibo
basosoh cakak di nan kalam

Dibali lauak kapeh-kapeh
dibali anak rang Jati
Makin bapaluah makin dareh
alah co cambuik lapeh kaki

Bandabuek jo Padang basi
ka pulang baolah rotan
Alah co cambuik lapeh kaki
balapia-lapia lakek tangan

Malereang tabang buruang pipik
nyo tangkok urang Gunuang Sariak
Duo saranjeang kanai tumik
sorang taraok dek kalatiak

Limau puruik di tapi jalan
dibaliak batang sadan-sadan
Kaki naiak kalatiak makan
ka tembok badan nyo andehan

Lah tabang buruang katitiran
inggok di ateh tapak leman
Ka loteang bagai nyo lambuikan
tarok lambuik-malambuikan

Salasa pasa rang Solok
rami manjalang pukua duo
Kapalo rampok nan nyo tangkok
bamain pisau nyo basuo

Kalikih di dalam parak
aka maleo ka pagaran
Pisau tinggih nyo marandah
jo langkah serong nyo nantian

Talang di baliak bungo rayo
aka dikarek tapi ladang
Awak sorang lawan batigo
luko juo mudo tigo lubang

Kaphah di baliak kayu gadang
aka di karek mudo-mudo
Saciek luko tak nan dalam
luko lai enteang sajo

Salasa pasa rang Solok
ka pulang baunduang-unduang
Kapalo maliang nan nyo tangkok
lah rami rakyat dalam kampuang

Kapoh di baliak sigalugua
dikarek anak rang Solok
Datang Polisi dari kantua
nan ma si buyuang nan manangkok

Lah tabang buruang katitiran
inggok di ateh tapak leman
Nan ma nan tahu mambisiakan
nan babaju hitam sagalonyo

Sarai di baliak Nilo Nali
di karek anak rang pondok
Bamacam kato polisi
waang sibuyuang nan manangkok

Salasa pasa rang Solok
dibali buah galugua
Sibuyuang waang nan manangkok
waden mambaok pi ka kantu

Ka balai anak rang subbarang
ka pulang bali lah rokok
hari manjalang pukua limo
Kato sampai si As lah berang
takaja awak nak mambaok
antah sarikat jo wek inyo

Tagak ka simpang jalan Alai
ka pulang hari pukua limo
Sadang mancakau waden pandai
kunun mahirik pi ka kantua

Lah masak buah kalawi
dijuluak anak rang Koto
Batangka-tangka jo polisi
turun komisaris dari oto

Limau puruik di dalam parak
dijuluak urang jo panggalan
Tampak mudo Bulando galak
io cap ampu kato tuan

Limau kapeh di tapi kolam
aka dibaliak bungo rayo
Ka bibia rokok basalaian
Balando galak kararanggo

Di Tabiang jalan simpang tigo
ka pulang hari pukua ampek
Sagandiang duduak jo Bulanda
rang ubek lambek-lambek

Ramo-ramo tabang ka tabek
inggok di ateh batang rotan
Nan luko alah rang ubek
saribu kapeang rang etongan

Limau puruik di tapi sawah
paubek urang pandakian
Lah merah baju kanai darah
jo oto si As rang uluagan

Ka balai ka Kuraitaji
ka pulang balilah rotan
Tibo di laman Itin tadi
Oto tacelak di halaman

Tagak di kolok simpang kabun
ka pulang balilah rotan
Oto tagak si As lah turun
Itin manangih atoh langkan

Runduak sakarek Nilo Nali
ambiak pamega tapi sumua
Si As tingga oto ka kantua
dietetong baliak Itin cako

Buruang alang tabang jo kekek
inggok di ateh tangah sawah
Naiak ka janjang lambek-lambek
lah merah baju kanai darah

Dibali poan haluih ragi
diolak dalam pakadaian
Bangih Itin mancaliki
sajak kapatang mbo kecekan.

Rampak daun e tapi kolam
dikarek di kodong duo
Sajak kapatang mbo katoan
tapi dek awak ba a juo

Sicerek di dalam parak
dibaliak batang tapak leman
daun sadang mudo-mudo
Kok malang mati badan awak
kama angku mbo imbauan
diak bonsu jauah dari siko

Buruang alang tabang jo kekek
inggok di ateh batang kayu
mangungguang padi mudo-mudo
Kato sampai si As manjawek
barakat doa dari kau
lai barasil rundo ambo

Salasa pasa rang Solok
jarak bajerong pakadaian
Kapalo rampok lah mbo tangkok
saribu kepang paresenan

Badariak patah daun pandan
barambuuh angin barat dayo
Kepang ka Itin nyo rorohan
jaan wakau risau juo

Di lurah sari rang Benteang
Pangulai lauak ambu-ambu
Padia ambo tak bakepeang
dek ambo awak nan paralu

Bakukuak ayam taduang rimbo
sadang mangakeh-ngakeh niru
Kok nak bapangkek io pulo
pilih dek kau nan katuju

Ka pakan anak rang Koto
ka pulang bali kayu api
Awak pareman daulunyo
jang taingek nan ka mati

Basimpang jalan Gunuang Sariak
ka mudiaik jalan ka tapian
Jan taingek awak ambiak
taseso indak tajalanan

Ka balai anak rang Jambak
pulang manjalang pukua satu
Kato sampai si As lah galak
saniaik ambo jo wak kau

Lah masak padi rang sabarang
nyo sabik anak rang Koto
Dek itu untuang kito gadang
saniaik kau jo ambo

Karatau madang di kolam
tenggeran buruang Reno Nali
Kecek mangecek hari malam
Lalok sakalok hari pagi

Ka pakan anak rang Sunua
pulang manjalang pukua limo
Hari pagi si As ka kantua
sinan karajo ditarimo

Diruruik daun bungo rayo
di baliak batang dalu-dalu
aka maleo ka pagaran
Bisuluik alah ditarimo
jadi asinten dalam kantua
bagaji ketek rang latakan

Dikarek Nilo Nali
aka manjulai nan mudonyo
Alah co ombak gadang hati
baleh marasai salamoko

Ka pakan anak rang Alai
mamandang tagak di halaman

Awak rancak karajo pandai
lah aman kota Pakalongan

Palakat kain ragi tigo
Disandang dalam pakadaian
Salamo si As bakarajo
bagaji gadang tiok bulan

Lah masak buah kalawi
dijuluak urang jo panggalan
Habih bulan tarimo gaji
kaapeang ka Itin nyo todongan

Dijinjiang kerang tak barisi
palatak buah kacang panjang
Tiok bulan si As bagaji
kandak si Sitin tak nyo tumang

Karanggantiang jo Lubuaklintah
ka pulang baolah rotan
Cainan Itin dek rupiali
na laweh ringgik nyo balian

Di ladang padi rabah mudo
dituai anak rang Jati
Sadang basangkan bakarajo
malayang surek dari Batawi

Di Jambak rampak pauah Janggi
aka maleo ka pagaran
Tamintak dines ka Batawi
candu simokel banyak sinan

Sarayun di ujuang tabek
aka maleo tapi ladang
Hari pagi si As ka parangkek
nyo buek bagai caro kolang

Dari Puruih ka Kampuang Jao
ka pulang hari pukua limo

Taluak balango suto Cino
kain saruang suto pulo

Palakat kain ragi ungu
nyo sandang urang simpang Kandih
Kaki nyo erang jo baludu
maereang lakek deta tenggi

Sicerek di api rimbo
tenggeran buruang Reno Nali
Babadia ketek di pinggangnyo
barangkek dines ka Batawi

Sudak dikarek pauah janggi
di baliak batang rigo-rigo
Hari pagi masuak ka Batawi
masuak ka dalam tokoh Cino

Diruguik ruruik bungo rayo
di baliak batang jambak masak
aka maleo tapi banda
Masuak ka dalam toko Cino
batanyo mudo kanan banyak
nan ma Cino e nan manjua

Limau puruik di tapi kolam
di baliak batang asam sewa
Nan ma nan tahu mambisiakan
nan bagak Cino nan manjua

Di sawah rampak bungo rayo
aka maleo masuak padi
nyo karek urang pandakian
Tagak di dalem tokoh Cino
Cino kalebuik jua bali
candu kalua nyo surakan

Di parak panjang nilo nali
tenggeran balam tapi banda

Tagak sarupo ka mambali
duduak saroman ka manjua

Dama di baliak Pauah Janggi
aka rang karek mudo-mudo
Curiga Cino rupo tadi
itu resese mamareso

Di lereng padi rabah mudo
dibali urang tanjuang saba
Itu resese kato inyo
Cino bagageh pi kalua

Ka pakan anak rang Jati
hari manjalang tinggih hari
Curiga rupo Cino tadi
lah main toya Cino lai

Pitulo di dalam sawah
aka maleo ka pagaran
Toya tinggih si As marandah
jo langkah serong nyo nantian

Ka ilia anak rang Koto
ka pulang tompanglah bendii
Kalebuik cakak jo rang Cino
alah co cambuik lapeh kaki

V

Balai gadang jo Aia Dingin
ka ilia jalan Koto Tuo
mambali poan tigo elak
Takipeh baju kanai angin
babadia ketek di pinggangnya
lah suruik Cino nan baduo

Sarai di baliak limau puruik
aka maleo nan mudonyo
Nyo alau Cino ka suduik
sabaleh Cino dialaunyo

Ka ilia anak rang Koto
mambali sirih katampian
Sabalah Cino nyo aliknyo
tali badama nyo kabekan

Lah masak padi katitiran
nyo kabek urang pasia Sumua
Lah habih dama nyo kabekan
nyo halau Cino pi ka kantua

Kasuah bali kasumbo
ka pulang balilah rotan
Cino lah nyo halau pi ka kantua
io cap ampu kato tuan

Ka balai balilah limau manih
dijua dalam pakadaian
Dapek peresen peremih
bagaji gadang tiok bulan

Lah pantai dahanayo bungo rayo
tenggeran buruang Reno Nali
lah mulai mudo bakarajo
lah aman koto rang Batawi

Talang di baliak bungo pandan
aka maleo tapi sawah
Pulang ka Jao Pakalongan
pangkek naiak gaji batambah

Lah masak padi rang Duku
nyo tuai urang Tanjuang Saba
Baranti jadi resese kelas satu
bagolek jadi wedana

Maleo-leo asam sewa
paubek anak rang Koto
Sajak lah jadi wedana
baju tarali dipakainyo

Bakukuak ayam biriang tадuang
hari manjalang pukua duo
Baju tarali dipakainyo
baleter we di bahunyo

Sajak di karek batang dama
aka maleo-leo ka pagaran
Sajak lah jadi wedana
Itin lah jadi rang pingiktan

Manggendeang kelok Kuraitaji
hari manjalang pukua duo
Adoh wakatu alang hari
bamanuang pulang bakarajo

Bungo Tanjuang di tapi rimbo
tenggeran balam tigo gayo
Tamanuang pulang bakarajo
sadang tamanuang tanyo tibo

Salasa pasa Bandabuek
tampek urang bakadai buluah
Kato si Sitin lambek-lambek
apo dek hati nan marusuah

Dari Alai mudiak ka Pauah
pulang manjalang pukua duo
Apo dek hati nan marusuah
adoh koh salah dari ambo

Basuah mandi ka tabek
hari manjalang pukua satu
Kato sampai junjuangan manjawek
indak doh salah dari kau

Takalo takabek ambai-ambai
inggok di ateh batang dama
Takalo kampuang batinggakan
nan bonsu adiak nan takana

Payuang panji jo Sungai Miang
nan punyo Bodi Cainiago
Abak lah mati ndeh kanduang berang
nan bonsu adiak lai hibo

Rampak daun manggih hutan
ka ubek anak rang Gunuang
Ka kau lai mbo kecekan
ambo ka pulang pi ka kampuang

Hari manjalang pukua ampek
tagak ka kelok balai Duku
mambali suto sagubaya
Kato si Sitin lambek-lambek
awak taragak jo diak bonsu
dek ambo mintua nan takana

Lah ilia anak rang Koto
ka pulang baolah rotan
Ambo tacinto jo mintuo
ka angku ambo katokan

Lah tabang buruang Reno Nali
inggok di ateh manggih mudo
Kini ko bia balun pai yo Tin
bialah pulang den nan kaduo

Basauk mandi ka Lubuak
ka pulang baunduang-unduang
Ka den pakai sagalo buruak
paajuak hati mande kanduang

Ka pakan akan rang Jati
ka pulang hari pukua duo
Kok itu niaik dalam hati
ambo lapeh molah jo aia mato

Talang di baliak bungo tanjuang
di karek anak rang Solok
Lah lamo awak tak ka kampuang
baolah kepeang barang sadonyo

Lah ilia anak rang Baso
ka pulang hari pukua anam
Tando bonsu bakak tuo
tolong ka bonsu ringgik barian

Sudah dikerek bungo kabun
di baliak batang asam sewa
Sudah mangecek mudo turun
taruih sakali pi ka pasa

Karatau madang di lubuak
dibali anak rang Jati
Nyo bali barang sagalo buruak
pulang ka rumah Itin tadi

Tagak ka kelok Gunuang Sariak
mamandang juo ka Lolo
Baju ratak sirawa cabiak
nan rompong sebo-dibalinyo

Palakat kain ragi tigo
disandang urang Bandabuek
Lah siap barang ka dibao
lah panuah kopor gadang ciek

Kujarat di ujuang tabek
digatia anak rang kabun
Sabalun angku barangkek
bajanji dulu mako turun

Rampak limpan tantang tajuang
maleo-leo ka pagaran
Dek lamak ranah dalam kampuang
wak ambo jaan dilupoan

Jambak di baliak dalam parak
aka maleo ka pagaran
Bapak indak bamande indak
ka wak tampek pagantuangan

Di ladang batang limau puruik
digatia anak rang pulau
aka maleo mudo-mudo
Puti/rang Minang kok mbo sabuik
Kaba a barumah ateh rantau
tibo di kampuang kawin juo

Lah tabang buruang Reno Nali
inggok di ateh tapak leman
Wak ambo jan di duoi
itu ka awak mbo banakan

Dari Alai raruih ka Ampang
ka ilia jalan ka Jati
mandi bisuak ka jamabaktan
Kok sampai kapa gadang
badendang buni kamodi
kalupo pulau jo daratan

Ka pakan anak rang Cupak
ka pulang hari gak patang
Kato sampai mudo lah sabak
kok tak dek bonsu tak ka pulang

Lah tabang buruang katitiran
inggok di ateh tapak leman
Lah padek janji jo ikekkan
Itin maanta ka labuhan

Marimbo sarai di banda
aka dikarek tapi kolam
Turun oto langsung ka kapa
karano tekeklah di tangan

Hari manjalang pukua ampek
tagak di kelok Lubuakkbayo
Tando e kapa barangkek
baririk bunyi sireneno

Dibali buah limau kapeh
rang jua dalam pakadaian
Tali lapeh pangabek lapeh
kapa melenggok ka lawiktan

Ka ladang tabang buruang pipik
inggok di ateh batang rotan
Kapa baranang masuak lawik
Itin manangih di labuhan

Bamben di aliak rotan dasia
ambiak pamaga bungo malua
Tigo malam kapa balaia
manggendeang kota Taluak Bayua

Dibali suto ka salendang
dijaik urang Tanjuang Saba
Makin ka tapi kapa tanang
nyo tuka baju ateh kapa

Tagak ka kelok jalan Jati
ka pulang ka kampuang Jao
Lah tangga baju batarali
baju nan buruak dipakainyo

Ka pakan urang Gunuang Sariak
pulang manjalang pukua limo
Baju ratak sirawa cabiak
nan rompeng sebo dipakainyo

Kabupaten Pesisir Selatan,
Minangkabau

3.7 Gadih Basanai

Ringkasan Cerita

Gadih Basanai ditakdirkan menjadi seorang remaja yatim piatu. Semenjak orang tuanya meninggal, ia hidup sebatang kara, mendiami sebuah rumah besar peninggalan kedua orang tuanya. Kepergian kedua orang tuanya itu membuat kehidupan gadis ini benar-benar sengsara. Hidupnya menjadi tak menentu. Siang rintang bermenung, malam gila menangis dan meratap. Ke mana akan mengadu, itulah yang senantiasa menjadi buah ratap sang gadis.

Akan halnya berita nasib Gadih Basanai akhirnya sampai juga kepada mamaknya yang tinggal di negeri lain. Sutan Sabiullah — demikian nama mamaknya itu — merasa terpanggil untuk menjemput kemenakannya, guna diasuh bersama anaknya sendiri Sutan Ali Amat. Ia berangkat setelah berunding seperlunya dengan isterinya.

Sungguh berat rasa hati Gadih Basanai meninggalkan rumah. Lebih-lebih mengingat akan berpisah dengan tepian tempat mandi, dengan teman sepermainan, teristimewa dengan Sutan Yang Berenam. Tetapi desakan mamaknya sangat keras. Tak ada alasan baginya untuk bertahan hidup sendirian. Besoknya berangkatlah ia bersama mamaknya ke Koto Ketinggian, negeri di mana mamaknya itu tinggal.

Dari sini bermulalah kisah antara kedua anak manusia itu, yakni Gadih Basanai dan Sutan Ali Amat. Kedua orang tua Ali Amat cepat memakluminya. Dengan alasan usia sudah tua, mereka ingin lekas-lekas mempertemukan kedua remaja ini di tangga perlaminan.

Gadih Basanai setuju begitu keinginan orang tua ini disampaikan kepadanya. Tetapi tidak demikian Sutan Ali Amat. Pikirannya penuh sikap keragu-raguan. "Bagaimana hubungan Gadih Basanai dengan Sutan Yang berenam? Adakah hubungan itu lenyap setelah mereka kawin kelak?" Tetapi yang lebih membuncahkan kepalanya lagi, "Adakah ikatan ini dijalin oleh cinta? Akan diam sajakah Sutan Yang Berenam nanti bila mereka jadi kawin?"

Sutan Ali Amat kemudian menerima juga kehendak orang tuanya itu. Maklum hati sudah kena, ditambah rasa segan kepada orang tua. Tetapi sikapnya tadi memaksanya untuk minta janji tujuh hari. Pergilah ia bertarak ke Gunung Ledang selama tujuh hari itu, dan hasilnya adalah sebuah cermin, bedak, minyak rambut dan sisir yang sudah diguna-guna. Namun benda-benda ini tidak menjadikan tekadnya bulat untuk segera mengawini Gadih Basanai. Malah ia minta tambah janji tiga bulan lagi. Katanya ia akan pergi ke Pulau Pagai selama tiga bulan itu, sebab sudah ter-niat sejak kecil.

Sutan Ali Amat berangkat ke Pagai ditemani ayahnya. Sebelum berangkat ia sempat menggantungkan hasil pertarakananya tadi pada "bubungan" rumah, dan berpesan kepada ibunya supaya Gadih Basanai jangan sampai mengusik-usik benda berbahaya itu.

Takdir rupanya sudah mengatur segala-galanya. Kala mintuo (isteri mamak)-nya tak di rumah, benda guna-guna tadi digunakan sang gadis, barang tentu karena hasratkan diri lebih cantik. Akibatnya sungguh-sungguh amat fatal. Tiba-tiba saja sekujur tubuhnya terasa sakit. Kepala mendenyut rasa mau mencabut rambutnya yang panjang itu. Karena tak tahan menanggung sakit, ia berguling-guling sepuh rumah.

Ibu Sutan Ali Amat menerima firasat tentang ini. Ia cepat pulang, dan mendapati Gadih Basanai sedang pingsan. Segala upaya orang tua ini tidak berhasil menyelamatkan nyawa Gadih Basanai. Gadis ini meninggal akibat rindu yang tidak tertanggungkan. Ia ditanamkan di Gunung Ledang atas bantuan Sutan Yang Berenam, sesuai dengan pesannya sebelum ia wafat.

Semenjak sampai di Pagai, hati Ali Amat tak pernah ten-teram. Segala rasa yang tidak sedap bercampur baur menggoda-nya, termasuk sebuah mimpi tentang terbangnya burung piaraan-nya dan terbakarnya rangkiang padi di halaman rumah. Ali Amat lalu mengajak ayahnya untuk pulang saja segera, dan orang tua itu setuju.

Kabar tentang matinya Gadih Basanai sampai ke telinga Ali Amat kala ia singgah minum di sebuah lapau tak jauh dari rumah ibunya. Ternyata kabar itu benar. Ia tidak menyesali ibunya, dan juga tidak menyesali siapa-siapa. Malam itu juga ia pergi ke Gu-nung Ledang. Mujurlah ia kemudian berhasil mendapatkan air hubungan nyawa setelah melalui serangkaian perjuangan hidup yang tak kurang getirnya. Dan dengan air itu, Gadih Basanai insya Allah hidup kembali.

Mereka berdua sepakat melanjutkan pengembalaan, mendaki gunung, mendaki dan mendaki terus, dengan semangat muda yang mereka miliki. Hujan lebat kemudian datang disertai kilat dan petir. Banjir pun tiba menyapu segala-galanya. Dan waktu itu-lah mereka berdua terbawa arus, namun tetap berpegangan tangan, akhirnya terdampar ke Pulau Kasiak. . .

Transkripsi

Elok den ambiak ujuang tali
ujuang tali pangabek pagu
Ka den kelokkan ujuang nyanyi
ujuang nyanyi pangarang kaba

Bilang-bilang di rumpun lansek
tasanda di ujuang lantai
Den bilang sado nan dapek
nan tingga untuak rang nan pandai

Den bilang Gadih Basanai, diam di kampuang Langang Sunyi.

Sariak indak talang pun indak
sadangpun elok ka pangalan
kamumu duo halai daun

Ketek indak gadang pun indak
sadang elok ka pamenan
umua nan duo baleh tahun

Kok untuang Gadih Basanai, ibu indak babapak indak, na-
mun gaek lah mati pulo. Tinggalah gadih samo sorang, lah tingga
jo rumah gadang, jo siapo lawan baiyo, tatumbuak jo diri sorang.
Iyo bana bak pantun urang.

Sarimanih tangguli manih
manih bakinco jo aia tabu
Dari manangih ka manangih
hilang peto kabua tak tantu

Anak nibuang mande tugakan
pamaga bayam jo gulinggang
Anak binguang mande tinggakan
jadi pangajuik ayam urang

Kok baparak lai baparak
tapi baparak di parak urang
indak buliah batanam tabu
kalau dapek batanam tabu
indak dapek batanam dama
Bamamak gadih lai bamamak
bamamak jo mamak urang
indak dapek tampek mangadu
kalau dapek bakeh mangadu
indak dapek kato nan bana

Bakatolah gadih samo sorang, padō den duduak dari rumah,
elok den duduak di tapi pintu, mancaliak dagang koknyo lalu.
Bagageh duduak di pintu, bapantunlah gadih baibarat,

"Io sarik indak banyiru
gadang-gadang padi di Tanjuang
Io sarik indak baibu
hari patang duduak bamanuang

Ilang kapa ganti jo banci
ilang salibu baparo-paro
Ilang bapak buliah den ganti
ilang ibu tamaik bicaro.”

Dek lamo bamanuang di tapi pintu, habih hari baganti hari, lah sampai hari tigo hari, indak ado dagang nan lalu. Bakato gadih samo sorang, ”Pado den duduak ateh pintu, elok den turun ka ateh janjang, bagolai turun ka ateh janjang, bapantun juo ba-ibaraik,

Rumah gadang sambilan ruang
salajang kudo balari
Tatumbuak di diri sorang
sapantun manantang langik tinggi

Tijak tinjauan rang di Kasai
paninjau biduak rang bilalu
Maimbau gadih sayuik sampai
ka hapasan dagang tak lalu.”

Habih hari baganti hari, lah sampai hari tigo hari, lah cukuik hari anam hari, indak ado dagang nan lalu, bakato samo sorang, ”Pado den duduak ateh janjang, elok den naiak ka ateh rumah.” Marentaklah gadih ka ruang tangah, manggadabua ka biliak dalam, nyo ambiak hanta nan sakalang, cukuik jo kain kampuan dalam, bajalan ka ruang tangah, nyo lansuang ka ruang tapi, nyo kunci dari dalam, nyo baok tidua manilantang, nyo buang caliak ka bu-buangan, nyo bilang kasau ciek-ciek, hati batambah mamang juo. Kok uantuang Gadih Basanai, lah pasiak diri samo sorang, indak tantu siang jo malam, kok malam nyo sangko siang, kok siang nyu sangko malam, makan indak minum pun indak, nasi nyu makan raso kasiak, aia nyu minum raso duri, gilo maratok jo manangih. Bunyi ratok babuah-buah, bunyi tañgh batalun-talun, bunyi basiang rambuik abuak, bunyi manumbuak andam dado, pintu nyu saok kasadonyo.

Adolah dagang rang mularaik, tatapek ka rumah Gadih, tadanga buah ratok urang, bamanuang tagak di halaman, tasabuik baibu indak bahapak indak, namun gaek la mati pulo. Untuang

dagang rang mularaik, tasembai hati nan cilako, tasimpua duduak tangah laman, bapantun dagang sakutiko,

”Salarian banang jo suto
salipatan kain di gaduang
Sabagian awak jo inyo
sajak di rahim bundo kanduang”

Kok uantuang dagang mularaik, nyo danga gadih maratok juo;

Baparak gadih lai baparak
baparak jauah di subarang
lah ijuak mangko batalikan
Kok bamamak gadih lai bamamak
mamaknyo jauah di rantau urang
diam di Koto Katinggian
bagala Sutan Sabirullah.

Kok uantuang dagang rang mularaik, hari nan badarok tinggi, badiri tagak di halaman. Bajalan dagang rang mularaik, alah sarrantang pajalanan, nyo tukiakkan pandang nan hampia, nyo layokkan pandang nan jauah, tampaklah urang sadang manumbuak, nyo turuik urang manumbuak. Sato tibo inyo di sinan, ”Ondeh Ciak urang manumbuak, ampun baribu kali ampun, ampun di buah tapak kaki, di ateh selo kabasaran. Bari luruih Ciak dagang batanyo, siapo garan tangah rumah, bunyi ratok babuah-buah, bunyi tangih batalun-talun, bunyi basiang rambuik abuak, bunyi manumbuak andam dado, pintu nyo saok kasadonyo.”

Manjawek mandeh rang manumbuak, ”Nak kanduang dagang nan lalu, apo sabab Dagang tanyokan, atau ipa pabisan, atau sanak sudaro Dagang.”

Manjawek dagang mularaik, ”Bukan nyo sanak sudaro Dagang, bukan to ipa pabisan.

Salari banang jo suto
salipatan kain di gaduang
Sabagian wak den jo inyo
sajak di rahim bundo kanduang

Tasabuik baibu indak ba bapak indak, Ciak.”

Manjawek mandeh rang manumbuak, "Oh, Nak kanduang dagang nan lalu, kalau itu waang tanyokan, ka mano waang ka bajalan, rimbo nan mano ka Dagang tampuan, bukik nan mano ka didaki, lurah nan mano ka dituruni, kampuang nan mano ka Dagang jalan."

Manjawek dagang mularaik, "Kalau itu Ciak nan ditanyokan, balun tantu rimbo ka den tampus, balun tantu bukik ka den daki, balun tantu lurah ka den turuni, balun tantu kampuang ka den tampus, Dagang bajalan sansai ajo."

Manjawek manoh rang manumbuak, "Oh, Nak kanduang dagang nan lalu, kalau itu Dagang tanyokan, itulah garan Gadih Basanai. Kok mamak lai di rantau urang, diam di Koto Katinggian, bagala Sutan Sabirullah. Kini co itu di Nak kanduang, kok sampai waang ka Koto tu, tandoi sajo bisauk rumah Sutan. Apo tandonyo rumah Sutan, pudiang ameh babendeang mudiak, pudiang geni babendeang ilia, sudu-sudu di tapi jalan, ditakiak kanai gatahnyo, silasiah rampak tangah laman, mano katinggi rang pugasi, nak samo tinggi jo nan randah, itu tandonyo rumah Sutan. Kok sampai waang ka korong tu, tolonglah bao pasan ambo, katokan ka Sutan Sabirullah, Gadih Basanai lah mularaik. Katokan bana bakeh liau, ibu indak babapak indak, namun gaek lah mati pulo, jo siapo lawan baiyo, tatumbuak di diri sorang. Apo karajo sari-sari, pasiak jo banta nan sakalang, gilo jo kain kampuan dalam."

Manjawek dagang mularaik, "Pasan Aciak dagang tarimo, insya Allah tarimo kasih,

Anak urang di pasa Borong
nyo iliakan ka Tanjuang Alai
Rilakan kato nan tadorong
dagang nak raso ka bacarai

Manjawek mandeh rang manumbuak,

"Malatuih badia jo mariam
malatuih tantang balai lamo
saro di mano Nak kanduang diam
kana juo untuang buruak kito."

Kato sampai dagang bajalan, hari basarang tinggi juo. Dek lamo lambek bajalan, lah tingga kampuang Langang Sunyi, masuak rimbo ka lua rimbo, basuo bukiklah badaki, basuo lurah nyo turuni. Karano hari badarok patang, lah sampai ka puncak buzik, nyo buang pandang ka lauiktan, tampak ombak sarato pasia, lah tampak pulau babencai-bencai, hati batambah mamang juo. Kok untuang dagang mularaik, indak sampai sahari ka Koto Tinggian, bamalam di baniah kayu. Namun di hari nan samalam tu, sapiciang haram nyo lalokkan. Babunyi kuau di gunuang, duo kali kuau babunyi, hari badarok siang juo, tigo kali kuau habunyi, lah mambantang faja di gunuang. Lah siang candonyo hari, bajalan dagang rang mularaik, hauih lapa ditangguang juo, bajalan di pamatan buluk, masuak rimbo ka lua rimbo, hari basarang tinggi juo. Dek lamo lambek bajalan, ka manurun lurah ciek lai, lah nyo turuni lurah nan dalam, lah sampai ka lurah dalam, kok jauah basarang dakek, tadanga kukuak ayam urang, tatapek ka jalan gadang. Hari nan sadang tangah hari, sadang kulitak letai anjiang, sadang kulangang rang di tapian, lah nyo tukiakkan pandang nan hampia, nyo layokkan pandang nan jauah, nyo buang caliak kiri jo kanan, mamandang ilia jo mudiak, sorang pun indak tampak, ka siapolah dagang ka batanyo, bajalan masuak kampuang urang. Dek lamo lambek bajalan, tampak rang tuo dalam kabun, mahimbau dagang rang mularaik, "Oh, rang tuo di dalam kabun, ka mari Mamak gak sabanta."

Kok untuang rang tuo dalam kabun, tadanga urang maimbau, nyo turuik ka tapi jalan, batanyo dagang rang mularaik, "O, rang tuo nan di dalam kabun, ampun baribu kali ampun, ampun di bawah tapak duli, di ateh selo kabasaran, bari luruih dagang batanyo. Lah banyak rimbo nan den tampusah, lah banyak buzik nan den daki, lah banyak lurah nan den turuni, sasek Dagang ka korong iko, apo namonyo korong iko."

Manjawek rang tuo dalam kabun, "Nak kanduang dagang nan lalu, kalau itu nan ang tanyokan, iko nan Koto Katinggian."

Manjawek dagang mularaik, "Kok korong Mamak iyolah tantu, Dagang batanyo ciek lai, nan mano rumah Sutan Sabirullah."

Kok untuang rang tuo dalam kabun, tasabuik Sutan Sabirullah, tasirok darah di dado, tagampa darah di muko, bacampua harok jo cameh, padoharok cameh nan labiah, pangkua di tangan

sudah lapeh, bakato rang gaek dalam kabun, "Nak kanduang dagang nan lalu, kalau itu Nak nan ang tanyokan, kok Sutan Sabirullah nan disabuik, tatakok bana Buyuang di nan iyo, ambo nan Sutan Sabirullah."

Manjawek dagang rang mularaik, "Iyo Angku nan bagala Sutan Sabirullah, hambo mambao pasan urang, iyo di korong Langang Sunyi. Takalo Mamak dulu ka bajalan, kan Mamak bakanakan, banamo Gadih Basanai. Kok uantuang Gadih Basanai, sudah mularaik kato urang, ibu indak babapak indak, namun gaek lah mati pulo, lah tingga kini samo sorang. Apo karajo sari-sari, lah pasiak jo banta nan sakalang, gilo jo kain kampuan dalam, tak jaleh siang jo malam, kok malam nyo sangko siang, kok siang nyo sangko malam."

Dek hetong Sutan Sabirullah, mandanga barito nan bak kian, hati nan indak elok lai, bagageh naiak ka sari rumah, liau ambiak kain jo baju, sarato kain saruang salai, dibuek bungkusan ketek, ka pai ka kampuang Langang Sunyi, pai manjapuik Gadih Basanai.

Kok uantuang mandeh Ali Amat, tampak sakileh dari pintu, bajalan liau ka tapi, mahimbau mandeh Ali Amat, "O, Tuan di den dek Tuan, naiaklah dulu gak sabanta."

Lah naiak liau ka sari rumah, sinan batanya mandeh si Ali. "Apo toh salah pada ambo. Salaruik salamo iko, indak Tuan tagageh turun,

Dahulu indak kambelu
kinilah capo salurahnyo
Dahulu indak macam itu
kinilah jauah barubahnyo."

Manjawab Sutan Sabirullah, "Bukan toh salah pada kau,

Tinggi saketek pasa Gampuang
sinan tarandah nagari Kambang
Sajak dapek pasan di kampuang
darah di dado tak namuah sanang.

Bukan salah dek pada kau, dangakan malah den katokan. Takalo dulu ka marantau, den ado kamanakan sorang, banamo Gadih

Basanai. Kok untuang gadih tu kini, sudah mularaik kato urang. Ibu indak ba bapak indak, namun gaek lah mati pulo. Lah tingga gadih samo sorang, lah tingga jo rumah gadang. Jo siapo lawan baiyo, tatumbuak di diri sorang. Itu sabab den bagageh turun, den ka pai ka kampuang Langang Sunyi, manjapuik Gadih Basanai."

Manjawek mandeh si Ali Amat, "O, Tuan di den dek Tuan, kok namuah gadih tu ka mari, anak sorang jadi baduo. Kok gadih bisaak, buliah inyo pahuni rumah. Kok Ali salamonyo di pasa rami, tapi .

Sinangi namonyo ikan
manyemba tantang Bangkahulu
Manangih den mandanga pasan
kok tak untuang sabalah dulu."

Kok untuang Sutan Sabirullah, marentak ka tangah janjang, nyo lansuang ka tangah laman. Bajalan liau wakatu itu manuju kampuang Langang Sunyi.

Dek lamo lambek dek bajalan, lah tingga Koto Katinggian. Karano hari lah badarok patang, basuo bukik lah badaki, liau turun ka lurah dalam. Lah tibo di lurah dalam, patang bajawek dangan sanjo.

Kok untuang Sutan Sabirullah, indak sampai sahari ka kampuang Langang Sunyi, tapek bamalam di lurah dalam, bamalam di baniah kayu. Barisuak pagi liau bajalan, barangkek ka kampuang Langang Sunyi. Dek lamo lambek nyo di jalan, kok jauah barang dakek, kok tibolah kini, tibolah liau tangah laman.

Hari nan sadang tangah hari, liau buang caliak ka rumah gadang. Rumah dijala rumpuik paik, tonggak dijala bio-bio. Lah samak rumah nan gadang. Liau danga gadih maratok juo, ikolah buah ratok gadih,

"Daruak darak makan tulang
mamakan tulang parapati
barabah tabang maraok
maraok lalu ka bawah rumah
hinggok di rantiang kayu mati

Sanguak sangak mamak kok pulang
pulang siapo liau tapati
janjang rabah pintu den saok
tando 'Ndeh kanduang tak di rumah
rumah nan mano liau naiki

Pisang manih tumbuah di sasok
jauah di pandang dari lurah
hari paneh pintu den saok
tando 'Ndeh kanduang tak di rumah."

Kok untuang mamak si gaduh, marentak naiak kateh janjang, sinan mahimbau mamak gaduh, "O, Piak gaduh singkokkan pintu."

Tadanga urang lah mahimbau; bakato gaduh dari rumah, "siapo pulo tu nan mahimbau, indak tahu hati den rusuah, awak maratok nyo mahimbau."

Tadanga kato macam itu, manangih mamak ateh janjang. Aia mato iriang gumiriang, bak maniak putuih talinyo, bak intan putuih pangarang, bakato mamak samo sorang, "Io lah pasiak rang Basanai, indak nyo tahu mamaknyo pulang."

Cukuik kaduo nyo mahimbau, "O, Piak ko nan gaduh singkokkan pintu, dagang di rantau nan lah pulang, iko nan mamak kanduang kau, nan bagala Sutan Sabirullah."

Tadanga mamak alah pulang, bagageh-gageh manyingkok pintu, pintu tasingkok mamaknyo naiak, bagageh-gageh mamak ka ujuang. Kok untuang daganglah gaduh, sinan nyo turuik mamak kanduang, "Ampun baribu kali ampun, ampun di bawah tapak duli di ateh selo kabasaran. Tak den sangko tadi Mamak kanduang, den sangko urang lain sajo, indak den sangko Mamak ka pulang, ka bapasan dagang tak lalu, dangakan dek mamak kato gaduh,

Sawah sudah bantu rang amapi
padi sarato jo gabanyo
batundo hanyuik ka muaro
Gadang sudah bilangan sampai
mati sarato jo ajanyo
tak dapek Mamak batamu muko.

Alang di bukik sudah mati
sipuluik balun tatugakan
Bukan kapalang hibo hati
sadang tarumik batinggakan.

Aceh nak parang jo Palupuan
parang jo anak rajo-rajo
Carai jo mandeh haram bagaduan
bak matohari hilang sanjo.

Iyo malam Mamak den pulang, mandapati rumah lah langgang, mandapati Mandeh tak di rumah, mandapati tanah tasirah.

Anak urang dari tapian
nyo pai ka tampek mandi
Alah sajak Mamak tinggakan
sampai mularaik badan gaduh

Panggang simbubua tak batulang
antah kok pandan manuruti
Mandeh di kubua tak ka pulang
antah kok badan manuruti.

Sinan manjawab mamak gaduh, "O, Piak Gadih rang Basanai,
jan kau Piak manangih juo, dangakan dek Gadih kato mamak.

Parapati tabang ka sawah
buruang celuik bajamua hari
Lah mati bakalang tanah
kito hiduik babilang hari.

Jo mandehkau indak dapek batamu muko, kini kok lai kain bundokau, sarato baju sasak badan, langkok jo galang jo subangnya, cukuik jo unduang-unduang salai, bao ka mari Mamak liek..

Nak urang mudiaik Aia Haji
si galabuak labek buahnya
Bia tataruah dalam peti
ka lapuak juo kasudahannya."

Kato nan indak gadih jawek, gayuang nan indak gadih sambuik, bajalan gadih ka ruang tangah, manggadabua ka biliak dalam. Nyo ambiak peti bundo kanduang, dibao gadih ka tangah rumah. "O, Mamak . . . dangakan malah,

Rotan sajangko duo jangko
sajangko tingga di jambatan
iko kain si mandiang nangko
ka lapuak juo di lipatan

Bulek kamuniang buah nipah
kironyo ampek parasagi
Diliek lipek tak barubah
den kambang indak elok lai

Kalua den urak tambun batu
salimbado banyak di dalam
Kalau den urak lipek baju
aia mato banyak di dalam."

Mandanga kato kamanakan, sabuah kato indak dijawek, manangih mamak mandangkan. "O, Piak Gadih Basanai, asaklah peti bundokau."

Nyo asak peti bundo kanduang, bakato gadih bakeh mamak,

"Salusin ayam ka den bilang
sikua di dalam sangkak juo
Samusin mandehden hilang
rupo jo tampan tampak juo

Kapa di baliak pulau Pisang
badaga bunyi pangayuhnyo
Kalau den kana mandeh nan hilang
laruiklah hati badan hambo

Kalau den saka dulang-dulang
badaun talang tapi banda
Kalau den kana mandeh nan hilang
satahun parang indak sudah."

Lalu manjawab mamak gadih, "O, Piak Gadih Basanai,

Biolah talinyo ampek
putih salai tinggalah tigo
Nan hilang indaklah ka dapek
elok kau cari ka gantinyo."

Bakato Gadih Basanai,

"Bia sapuluah ka pangali
indak kasamo jo tambilang
tambilang elok matonyo
Bia sapuluah ka pangganti
indak kasamo jo nan hilang
kok nan hilang elok basonyo.

Kayu suluah karangnyo manggi
bakudo lalu ka Piaman
Kok tumbuah buliah den ganti
samo rupo balain roman

Tambilang tanti batanti
satanti ambiak panaruko
panaruko sawah rang Palangai
padi batambah gadang juo
Nan hilang buliah den ganti
den ganti lai ka taganti
den ganti indak ka sarupo
sarupo lai ka sarupo
sarupo indak saparangai
hati batambah mamang juo."

Hari batambah sanjo juo, sanjo bajawek dengan malam, kok
untuang mamak si gadih, dipujuak juo Gadih Basanai, "O, Piak
Gadih Basanai, apo tenggang bicaro kau. Kau lah tingga samo-
samo sorang, lah tingga jo rumah gadang, jo siapo lawan baiyo,
tatumbuak di diri sorang. Kan Mamak jauah di rantau urang, diam
di Koto Katinggian, kok den tinggakan kau sorang, tantu hati
den indak sanang. Kini co itulah di gadih, barisuak pagi kito ba-

rangkek, kito pai ka Koto Katinggian. Kok sampai kau ka korong Koto Katinggian, kau den sangko anak kanduang, dari dunia sampai akhiraik.”

Manjawab Gadih Basanai, ”Kalau pai Gadih ka sinan,

Io sarik bakain panjang
indak saelok kain saruang
Io sarik induak den salang
indak saelok mandeh kanduang.”

Manjawek Sutan Sabirullah,

”Kalau pandai bakain panjang
labiah saelok kain saruang
kok pandai kau malatokan
Kalau pandai kau induak basalang
labiah saelok mandeh kanduang
kok pandai kau mambaokan.”

Manjawab Gadih Basanai, ”Kok pai Gadih ka Koto Katinggian, rumah Gadih jo siapo tingga.”

”Kalau itu Piak nan baruasuhkan, rumah di siko batinggakan, rumah di sinan batapati. Kok indak ado ka mauni, bialah la-puak sandirinyo.”

Manjawab Gadih Basanai,

”Si Kotak namo nak rang Gunuang
bacincin tigo di jari
Sajak indak bamandeh kanduang
bacarai panjang jo nagari

Sajaklah hilang kain saruang
pandan manjadi camu lai
sajak lah mati mandeh kanduang
ka carai awak jo nagari.”

Dek lamo lambek basitangka, karano hari badarok siang,
lah siang candonyo hari, bakato mamak kanduang inyo, ”O, Piak Gadih Basanai, rantau nan jauah ka dijalang, elok mamasak kau dulu.”

Mandanga kato mamak kanduang, bajalan ka ruang tangah,
lansuang ka ruang dapua, mamasak jo hati mamang. Nyo lapeh
si kilok masai, nan capek kaki ringan tangan, ciek dakak duo da-
kuaknyo, nasi masak gulailah masak, nyo sanduak nasi sarato gu-
lai, nyo bao ka tangah rumah, lah makan gadih jo mamaknyo.
Kok untuang Gadih Basanai, lah sasuok gadih manyuok, cukuik
katigo gadih sudah. Bagageh duduak ka tapi pintu, nyo buang
caliek ka rumah gadang, hati batambah mamang juo, bapantun
gadih baibaraik,

”Putuih tali pagantuang timah
labiah panggantuang bungkah jalo
Hibo hati rumah ka tingga
kakok tangan si mandiang nangko.

Sadang bagantang lai tak panuah
kunun kok sasumpik ka nyo isi
Turun di janjang lai mangaluah
kunun kok bukik ka den daki.”

Nyo pandang ilia jo mudiak, tampaklah sobaik babondong-
bondong, nyo turuikan kawan samo gadang, sinan bakato dagang
lah gadih, ”O, sobaik dangakan malah,

Manggih manggito di subarang
lai denjuluak jo pangalan
bahibo-hibo dari kapatang
kini den sabuik ka bajalan.”

Manjawab sobaik nan gadih, ”Piak,Gadih rang Basanai,

Rumpuik saruik di tapi jalan
ureknyo tajam batimba
Sato kausabuik ka bajalan
bak mano untuang kami nan tingga.

Sinangi lauak nak rang Tiku
diatua jo daun pandan
Manangih kami duduak di pintu
managah Gadih pai bajalan.”

Sinan mahimbau mamak Gadih, "O, Piak Gadih Basanai, rantau nan jauah ka dijalang, elok bajalan kito kini." Tadanga mamak lah mahimbau, bagageh naiak ka sari rumah, lah nyo lakekkan kain jo baju, babaju cabiak di bahu, bakain cabiak di lutuik.

Sijanjan ungggeh sijanjan
katabang batungkek paruah
paneh jan hujan pun jan
anak dagang bajalan jauah

Kalau jadi gadih bajalan, tampan ka tirih biliak dalam, tampan ka lapuak rumah gadang, tampan ka luluih anjuang tinggi. Lalu bajalanlah Gadih Basanai, duo jo mamak kanduang inyo

Tingga mamacuik malah rabuang
antah ka indak batabang lai
Tingga mancanguik korong kampuang
antah ka indak ka pulang lai

Batu apuang batu Piaman
batu kaciak kiliran taji
batu kasek di tangah ladang
Tingga kampuang tingga halaman
tingga tapian tampek mandi
sato jo sobaik samo gadang."

Bajalanlah gadih jo mamaknyo, lamo lambek dek di jalan, lah tingga kampuang Langang Sunyi, masuak rimbo ka lua rimbo. Hari basarang tinggi juo, dek lamo lambek di bajalan, basuo bukik lah badaki, basuo lurah baturuni. Lah mandaki bukik ciek lai, ka didaki bukiklah tinggi, kok badan taraso litak, inyo imbau mamak kanduang inyo,

"Kalau didaki bukik taban
lai di baruah tampek mandi
Kok litak antikan badan
apuuh paluah kanalah diri.

Nyo daki bukik maningadah
patungkek batang jaguang gerai
Sapantun siriah kurang sadah
lah jaleh Gadih kamarasai.”

Dek lamo lambek di mandaki, karano hari badarok patang,
tibo rang gadih di puncak bukik, hari basarang patang juo, sinan
nyo imbau mamak kanduang,

”Dirauik talang ka suligi
labiah ka saluang rang di lapau
Lauik den pandang pasia sunyi
ka malah Gadih ka mahimbau.

Mandanguik bunyi saluang nantun
di baliak korong Koto Tangah
Lawik alah koronglah tantu
rusuah jo apo ka Gadih lengah.”

Hari basarang patang juo, patang bajawek dengan sanjo,
nyo buang pandang ka ateh gunuang, bakato daganglah gadih,

”Biduak Aceh bakalang sabuik
panonton salakkan janji
Taduah hujan tasonseng bukik
tampak gunuang marawan hati.”

Kok untuang Gadih Basanai, tak sampai sahari ka korong
Koto Katinggian, tampek bamalam di puncak gunuang, bamalam
di baniah kayu, duo jo mamak kanduang diri.

Urang lai bakain saruang
kito bakain salah banang
Urang lai malam di kampuang
kito bamalam di rimbo gadang

Hari paneh langanglah ribuik
kukuak ayam badarai-darai
Ka mari di sakik hiduik
anak jo mandeh lah bacarai

jo mamak kanduang inyo, bajalan di pamatang bukik, masuak rimbo, ka lúa rimbo.

Dek lamo lambek dek bajalan, ka manurun lurah ciek lai, bamanuang upiak di puncak bukik, sinan nyo imbau mamak kanduang, "O, Mamak dangakan malah,

Tinggih bukik Sitapo Alam
tampek mangarang buli-buli
Bukik tinggi lurah lah dalam
to inok mako dituruni."

Lah nyo turuni lurah nan dalam, duo jo mamak kanduang inyo, lah tibo di lurah dalam, kadangaran kukuak ayam urang.

Dek lamo lambek bajalan, tatapek ka jalan gadang, hari nan sadang tangah hari, sadang kulitak letai anjiang, sadang langang rang di kampuang, sadang rami di tapian. Lah nyo tukiakkan pandang nan dakek, nyo layokkan pandang nan jauah, nyo buang caliak kiri jo kanan, mamandang hilia jo mudiaik, sorang pun urang indak tampak. Ka siapo gadih batanyo, sinan nyo imbau mañmak kanduang. "Bari luruih Mamak Gadih batanyo, lah banyak rimbo nan kito tampusah, lah banyak bukik kito daki, lah banyak lurah kito turuni, sasek kito ka korong iko, apo namonyo korong iko."

Manjawab mamak gadih, "O, Gadih rang Basanai, kalau itu nan kautanyakan, iko nan Koto Katinggian."

Manjawablah daganglah gadih, "O, Mamak dangalah malah, kalau korong jolah tantu, gadih batanyo ciek lai, jauahkoh juo rumah Mamak?"

Manjawab mamak si gadih, "O, Piak Gadih Basanai, kalau itu nan kautanyakan, tandoilah sajo rumah mamak. Apo tandonyo rumah mamak, pudiang ameh babendeang naiak, pudiang geni babendeang ilia, sugi-sugi batimbo jalan, ditakiak kanai gatahnyo, talabiah rampak di nan lalu, bakao tinggi batugasi, nak samo tinggi jo nan randah, itulah tando rumah mamak."

Bajalan masuak kampuang urang, duo jo mamak kanduang inyo, hari nan sadang tangah hari. Dek lamo lambek dek bajalan, lah sampai ka laman rumah, nyo buang caliak ka rumah gadang, pintu basaok kasadonyo. "Io malang Gadih bajalan, kok den tinggakan rumah gadang, den dapati rumah gadang juo. Den ting-

juo, den pandang gunuang sudah tinggi, den pandang lurah sudah dalam ka babaliak rantau lah jauah, tasimpuahe gadih di tangah laman."

Tindawan di ateh tuduang
rang ambiak pamakan nasi
o, awan sungkuiklah gunuang
nak samo maracun hati.

Sadang manangih di tangah laman, pulang mintuonyo dari aia. Sato tibo liau batanyo, "O, Piak Gadih Basanai, sadang baapo kau tibo?"

Manjawab Gadih Basanai, "O, Mintuo dangakan malah, kalau itu nan ditanyokan sato tampak satolah tibo."

Kok untuang mintuo gadih, naiak jo mamak ka sari rumah, kalau gadih kudian naiak. Sato tibo di ateh rumah, bajalan gadih ka tapi pintu, nyu buang caliak ka tangah laman, mandeh kanduung takana juo.

Kok untuang mintuo gadih, bajalan ka ruang tangah, sinannya ambiak kampia siriah, liau bao ka tangah rumah, maimbau mintuo gadih, "O, Piak Gadih Basanai, usah kau duduak bamanuang, mari ka mari Piak makan siriah."

Tadanga mintuo lah mahimbau, lah nyu turuik ka tangah rumah, lah duduak upiak jo kampia siriah. Kok untuang mintuo gadih, bajalan ka ruang tangah, mamasak bagageh-gageh. Dek lamo lambek dek mamasak, indak dek hetong banyak bana, nasi masak gulailah masak, nyu sanduak nasi jo gulai, nyu bao ka tangah rumah. Lah sudah nasi liau hedangkan, liau himbau Gadih Basanai, "O, Piak Gadih Basanai, mari ka mari Piak kito makan." Tadanga mintuo lah mahimbau, nyu turuik ka tangah rumah. Lah makan basamo-samo, sarato mamak jo mintuo, dibuek duduak jarang tungku. Lah makan di tangah rumah, arah ka mari gadih duduak, di siko mamak kontannya, arah ka mari mintuo kanduung. Alah sasuok gadih manyuok, gadih duduak ka tapi pintu, dibuang caliak ka tangah laman, mandeh kanduung takana juo. Karano hari lah badarok patang, bapantun gadih baibaraik,

"Lah patah ranggaian kuau
patah ditimpo dulang-dulang
Hari patang rukuak ka surau
Gadih takana rang nan hilang."

Salamo diam di rumah mintuonyo, bahati mamang tiok hari,
bahati dandam tiok siang. Habih hari baganti hari, lah sampai
hari tujuah hari, diam di rumah mintuonyo, gadih nan kurang ma-
kan lai, dari bamanuang ka bamanuang. Lah rusuah mintuo ma-
mandangi."O, Piak Gadih Basanai,

Ka ilia ka Pakan Kamih
mambao buah lado mudo
Kau biaso di nan rami
kini diam di nan langang pulo."

Manjawab Gadih Basanai,

"Anak urang dari Batipuah
tagak badiri di pamatang
Usah banyanyi macam itu
gadih biaso di nan langang."

Habih hari baganti hari, sabulan gadih di rumah mintuo-
nyo, gadih nan kurang makan, lai, dari bamanuang ka bamanuang.
"Tuan di den di tuan, mari ka mari Tuan sabanta, ado rundiangan
agak saketek." Kok uuntuang mamak si gadih, tadanga mintuo ga-
dihlah mahimbau, liau turuik ka tangah rumah, lalu bakato mintuo
gadih, "O, Tuan dangakan malah, kini co itu malah di Tuan, pai
lah Tuan ka pasa rami. Kan kito ado baranak, pailah japuik si
Ali Amat. Kok tak namuah Ali tu pulang, katokan hambo sakik
payah."

Kok uuntuang mamak si gadih, kato nan indak ka bajawek,
gayuang nan indak ka basambuik, marentak turun ka tangah la-
man, bajalan ka pasa rani. Sapaningga mamak pai ka pasa, ma-
himbau mintuo bakeh gadih, "O, Piak Gadih Basanai, elok ma-
masak kau kini, sarnantaro hari balun tinggi."

Lalu manjawek Gadih Basanai, "O, Mintuo dangakan malah,
kok mamasak Mintuo sabuik, Gadih lah lamo tak mamaşak. Sajak

mandeh indak ba papak indak, Gadih nan kurang makan lai.” Kok uuntuang daganglah gadih, dicubo juo pai mamasak, bajalan gadih ka ruang tangah, nyo taruuh ka ruang dapua, mamasak gadih jo hati mamang, nyo lapeh si kilek masai, capek kaki ringan tangan. Sadakak gadih di dapua, masaklah nasi rang Basanai, bajalan ka ruang tangah, nyo lansuang ka ruang tapi, sinan nyo himbau Mintuonyo, ”Mintuo dangakan malah,

Ditanam padi dalam parak
tumbuhan sarai paneh hari
Kok nasi iolah masak
apo ka gulai Gadih kini.”

Manjawek mintuo gadih, ”O, Piak Gadih Basanai, kalau itu, Piak, nan ditanyokan dabiahlah parapati mandua.” Lah nyo dabiah parapati mandua, duo dakak gadih di dapua, masaklah gulai rag Basanai, kok uuntuang gulailah gadih, dikatokan gulai indak gulai, dikatokan samba indak samba, dikatokan pangek indak pangek, iyo gulai badagang sajo. Tigo dakek gadih di dapua, sanduak Gadih rang Basanai, inyo sanduak tagageh sajo, bapantang karak tabao, jauah ibarat sadang manyanduak,

Si Ali anak rang Taluak
barumah di kampuang Kampai
Manangih gadih sadang manyanduak
takana badan ka marasai.”

Kok sanduak dorong mendorong, kalau lintang samo lintangnya, kalau lujua samo lujuanyo, tapi cawan sabalah lua, di tangah karanggo naiak, di puncak awan manggara gampo co iko sanduak nasi gadih.

Nyo sanduaklah nasi duo cambuang, nyo sanduak gulai duo piriang, nyo bao ka tangah rumah, nyo sungkuik nasi di ujuang. Lah sudah nasi gadih sungkuik, bajalan ka ruang tangah, nyo duduak di pintu biliak, nyo duduak bakalumun panjang. Diulang kaba bakeh mamaknyo.

Bajalan liaulah pasa rami, liau iliakan labuah nan panjang. Deklamo lambek dek bajalan, kok jauah basarang dakek, kok hampia tibolah kini, lah sampai liau ka pasa rami, liau tukiakkkan

Lah siang pulo candonyo hari, bajalan Gadih Basanai, duo jo mamak kanduang inyo, bajalan di pamatang bukik, masuak rimbo, ka luar rimbo.

Dek lamo lambek dek bajalan, ka manurun lurah ciek lai, bamanuang upiak di puncak bukik, sinan nyo imbau mamak kanduang, "O, Mamak dangakan malah,

Tinggi bukik Sitapo Alam
tampek mangarang buli-buli
Bukik tinggi lurah lah dalam
to inok mako dituruni."

Lah nyo turuni lurah nan dalam, duo jo mamak kanduang inyo, lah tibo di lurah dalam, kadangaran kukuak ayam urang.

Dek lamo lambek bajalan, tatapek ka jalan gadang, hari nan sadang tangah hari, sadang kulitak letai anjiang, sadang langang rang di kampuang, sadang rami di tapian. Lah nyo tukiakkkan pandang nan dakek, nyo layokkan pandang nan jauah, nyo buang caliak kiri jo kanan, mamandang hilia jo mudiak, sorang pun urang indak tampak. Ka siapo gadih batanyo, sinan nyo imbau mamak kanduang. "Bari luruih Mamak Gadih batanyo, lah banyak rimbo nan kito tampusah, lah banyak bukik kito daki, lah banyak lurah kito turuni, sasek kito ka korong iko, apo namonyo korong iko."

Manjawalah mamak gadih, "O, Gadih rang Basanai, kalau itu nan ditanyakan, iko nan Koto Katinggian."

Manjawablah daganglah gadih, "O, Mamak dangalah malah, kalau korong iolah tantu, gadih batanyo ciek lai, jauahkoh juo rumah Mamak?"

Manjawab mainak si gadih, "O, Piak Gadih Basanai, kalau itu nan kautanyakan, tandoilah sajo rumah mamak. Apo tandonyo rumah mamak, pudiang ameh babendeang naiak, pudiang geni bendeang ilia, sugi-sugi batimbo jalan, ditakiak kanai gatahnyo, talabiah rampak di nan lalu, bakao tinggi batugasi, nak samo tinggi jo nan randah, itulah tando rumah mamak."

Bajalan masuak kampuang urang, duo jo mamak kanduang inyo, hari nan sadang tangah hari. Dek lamo lambek dek bajalan, lah sampai ka laman rumah, nyo buang caliak ka rumah gadang, pintu basaok kasadonyo. "Io malang Gadih bajalan, kok den tunggakan rumah gadang, den dapati rumah gadang juo. Den ting-

gakan di kampuang rumah bakunci, den tapati di siko bakunci juo, den pandang gunuang sudah tinggi, den pandang lurah sudah dalam ka babaliak rantau lah jauah, tasimpua gadih di tangah laman.”

Tindawan di ateh tuduang
rang ambiak pamakan nasi
o, awan sungkuiklah gunuang
nak samo maracun hati.

Sadang manangih di tangah laman, pulang mintuonyo dari aia. Sato tibo liau batanyo, ”O, Piak Gadih Basanai, sadang baapo kau tibo?”

Manjawab Gadih Basanai, ”O, Mintuo dangakan malah, kalau itu nan ditanyokan sato tampak satolah tibo.”

Kok untuang mintuo gadih, naiak jo mamak ka sari rumah, kalau gadih kudian naiak. Sato tibo di ateh rumah, bajalan gadih ka tapi pintu, nyu buang caliak ka tangah laman, mandeh kanduangan takana juo.

Kok untuang mintuo gadih, bajalan ka ruang tangah, sinannya ambiak kampia siriah, liau bao ka tangah rumah, maimbau mintuo gadih, ”O, Piak Gadih Basanai, usah kau duduak bamanuang, mari ka mari Piak makan siriah.”

Tadanga mintuo lah mahimbau, lah nyu turuik ka tangah rumah, lah duduak upiak jo kampia siriah. Kok untuang mintuo gadih, bajalan ka ruang tangah, mamasak bagageh-gageh. Dek lamo lambek dek mamasak, indak dek hetong banyak bana, nasi masak gulailah masak, nyu sanduak nasi jo gulai, nyu bao ka tangah rumah. Lah sudah nasi liau hedangkan, liau himbau Gadih Basanai, ”O, Piak Gadih Basanai, mari ka mari Piak kito makan.” Tadanga mintuo lah mahimbau, nyu turuik ka tangah rumah. Lah makan basamo-samo, sarato mamak jo mintuo, dibuek duduak jarang tungku. Lah makan di tangah rumah, arah ka mari gadih duduak, di siko mamak kontannyao, arah ka mari mintuo kanduangan. Alah sasuok gadih manyuok, gadih duduak ka tapi pintu, dibuang caliak ka tangah laman, mandeh kanduangan takana juo. Karano hari lah badarok patang, bapantun gadih baibaraik,

"Lah patah ranggaian kuau
patah ditimpo dulang-dulang
Hari patang rukuak ka surau
Gadih takana rang nan hilang."

Salamo diam di rumah mintuonyo, bahati mamang tiok hari,
bahati dandam tiok siang. Habih hari baganti hari, lah sampai
hari tujuah hari, diam di rumah mintuonyo, gadih nan kurang ma-
kan lai, dari bamanuang ka bamanuang. Lah rusuah mintuo ma-
mandangi."O, Piak Gadih Basanai,

Ka ilia ka Pakan Kamih
mambao buah lado mudo
Kau biaso di nan rami
kini diarn di nan langang pulo."

Manjawab Gadih Basanai,

"Anak urang dari Batipuah
tagak badiri di pamatang
Usah banyanyi macam itu
gadih biaso di nan langang."

Habih hari baganti hari, sabulan gadih di rumah mintuo-
nyo, gadih nan kurang makan, lai, dari bamanuang ka bamanuang.
"Tuan di den di tuan, mari ka mari Tuan sabanta, ado rundiangan
agak saketek." Kok uantuang mamak si gadih, tadanga mintuo ga-
dihlah mahimbau, liau turuik ka tangah rumah, lalu bakato mintuo
gadih, "O, Tuan dangakan malah, kini co itu malah di Tuan, pai
lah Tuan ka pasa rami. Kan kito ado baranak, pailah japuik si
Ali Amat. Kok tak namuah Ali tu pulang, katokan hambo sakik
payah."

Kok uantuang mamak si gadih, kato nan indak ka bajawek,
gayuang nan indak ka basambuik, marentak turun ka tangah la-
man, bajalan ka pasa rami. Sapaningga mamak pai ka pasa, ma-
himbau mintuo bakeh gadih, "O, Piak Gadih Basanai, elok ma-
mamak kau kini, sarnantaro hari balun tinggi."

Lalu manjawek Gadih Basanai, "O, Mintuo dangakan malah,
kok mamakak Mintuo sabuik, Gadih lah lamo tak mamaşak. Sajak

mandeh indak ba papak indak, Gadih nan kurang makan lai.” Kok uantuang daganglah gadih, dicubo juo pai mamasak, bajalan gadih ka ruang tangah, nyo taruih ka ruang dapua, mamasak gadih jo hati mamang, nyo lapeh si kilek masai, capek kaki ringan tangan. Sadakak gadih di dapua, masaklah nasi rang Basanai, bajalan ka ruang tangah, nyo lansuang ka ruang tapi, sinan nyo himbau Mintuonyo, ”Mintuo dangakan malah,

Ditanam padi dalam parak
tumbuhan sarai paneh hari
Kok nasi iolah masak
apo ka gulai Gadih kini.”

Manjawek mintuo gadih, ”O, Piak Gadih Basanai, kalau itu, Piak, nan ditanyokan dabiahlah parapati mandua.” Lah nyo dabiah parapati mandua, duo dakak gadih di dapua, masaklah gulai rag Basanai, kok uantuang gulailah gadih, dikatokan gulai indak gulai, dikatokan samba indak samba, dikatokan pangek indak pangek, iyo gulai badagang sajo. Tigo dakek gadih di dapua, basanduak Gadih rang Basanai, inyo sanduak tagageh sajo, bapantang karak tabao, jauah ibarat sadang manyanduak,

Si Ali anak rang Taluak
barumah di kampuang Kampai
Manangih gadih sadang manyanduak
takana badan ka marasai.”

Kok sanduak dorong mendorong, kalau lintang samo lintangnya, kalau lujua samo lujuanyo, tapi cawan sabalah lua, di tangah karanggo naiak, di puncak awan manggara gampo co iko sanduak nasi gadih.

Nyo sanduaklah nasi duo cambuang, nyo sanduak gulai duo piriang, nyo bao ka tangah rumah, nyo sungkuik nasi di ujuang. Lah sudah nasi gadih sungkuik, bajalan ka ruang tangah, nyo duduak di pintu biliak, nyo duduak bakalumun panjang. Diulang kaba bakeh mamaknyo.

Bajalan liaulah pasa rami, liau iliakan labuah nan panjang. Deklamo lambek dek bajalan, kok jauah basarang dakek, kok hampia tibolah kini, lah sampai liau ka pasa rami, liau tukiakkkan

pandang nan hampia, dilayokkan pandang nan jauah, dibuang caliak kiri jo kanan, lah tampak si Ali Amat, sadang duduak di suduik lapau. Mahimbau ayah si Ali, "O, Nak kanduang si Ali Amat, marilah Nak 'gak sabanta, ado kato, Yuang, den katokan."

Tadanga ayah lah mahimbau, lah tasirok darah di dadao, tagampa darah di muko, bacampua harok jo cameh, padò harok cameh nan labiah. Salaruik salamo nangko indak ayah ka pasa rami.

Nyo turuik ayah ka tapi jalan, sato tibo dakek ayah, bakato ayah si Ali Amat, "Nak kanduang si Ali Amat, dangakan malah kato ayah. Indak ang tahu di hati mandeh ang, indak ang tahu mandeh baranak sorang, si tuo indak bakakak, si bungsu indak baradiak, si upiak di ang si buyuang di ang, dapek ang indak pulang-pulang. Kok indak pulang bak kini, mandapati rumah gadang langang, mandapati mandeh ang tak di rumah, mandapati tanah tasirah, kini mandeh ang sakik kareh. Bagageh babaliak pulang, kok Ayah tingga kudian, bajalan Ali maso sorang."

Hati Ali tak sanang lai. Lah nyo iliakan labuah nan panjang. Dek lamo lambek di jalan, dek jauah basarang ampiang, tibo di laman rumah gadang, naiaklah nyo ateh rumah.

Lah tibo Ali ateh rumah, didapati mandeh sadang tidua, sinan maimbau Ali Amat, "O, Ndeh dangakan malah, ikolah Ali alah datang." Kok untuang mandeh si Ali, tadanga Ali alah pulang, liau campakkan kain salimuik, maimbau mandeh kanduangnya, "Nak kanduang si Ali Amat, tak ang tahu di hati kami, baraso kami baranak sorang, si tuo indak bakakak, si bungsu indak baradiak, si upiak ang si buyuang ang, dapek ang indak pulang-pulang.

Tinggilah bukik Gunuang Padang
sinan tikuluak ditinggali.
Dituruukkan hati nan gadang
lah isuak mako ang sasali.

Sawali dikali banda indak
kujarat kukua bungonyo
Awa ang kaji akhia indak
mularaik badan ang kasudahannya.

Gelek jo congkak ang panggakkan
mularaik juo badan diri."

Sinan manjawek si Ali Amat. "Mandeh kanduang dangakan malah,

Tinggilah bukit si bajau-bajau
tampak manyabuang ramo-ramo
Kutiko iduik dunia den lanyau
di duya balun tantu lamo

Manduo kudo diracak
bari batali palanonyo
wakatu mudo dunia den kacak
kok lah tuo apo gunonyo.

Batembok sumua di Lansano
tampek rang mandi paneh hari
Kok takambang dunia dek rang mudo
kok tuo Ali bahibo hati

Gadang sawah di lakang Koto
tumbuah padi manapi-napi
ditanam pandan tapi rimbo
Kalau den kana maso ka tuo
gigi habih buliah den ganti
uban tumbuah apo ka dayo."

Tadanga Ali bakato, nyo ambiak dek mandeh kain salimuik, bakato liau samo sorang. "Lain pulo baranak sorang, tak talok inyo diajari." Rusuah lah Ali mamandangi, lalu dipujuak mandeh kaduang. "O, Mandeh dangakan malah, lai kok ado mandeh banasi, paruik Ali taraso lapa, nasi tahedang tadi Ali pai, kopi talatak Ayah tibo."

Manjawek mandeh si Ali, "O, Nak kanduang si Ali Amat, kalau itu nan ang tanyokan, nasi taasiang tiok hari, lapuak nasi baganti nasi, nasi patang den makan pagi, nasi pagi den makan patang, dapek ang indak pulang-pulang, itulah nasi duo cambuang, sacambuang untuak ayah ang, sacambuang untuk Anak kanduang." Kok untuang si Ali Amat, lah nyo singkokkan tuduang nasi, paruik lapa taraso kanyang, sinan nyo imbau mandeh kanduang.

"Daulu indak kambelu
kinilah capo salurahnyo
Daulu indak macam itu
kinilah jauah barubahnyo

Kalau den sanduak baun nasi
kalau den kakak baun bungo
Kalau den inok namuah mati
kalau den kana namuah gilo."

Lah nyo sungkuik babaliak nasi, bajalan Ali ka ruang tangah,
kironyo baurang di pintu biliak, duduak nan bakalumun panuah,
ka suruik Ali lah malu, taruih juo Ali ka dapua. Bamanuang du-
duak tibo di dapua.

Siapo duduak di Tanjuang
kamanggali si uriak bulan
Dek apo Ali duduak tamanuang
mancari tenggang jo pikiran

Batuampo Lubuak Simauang
kalumbuak sawah antaronyo
Kato anta Ali duduak tamanuang
tatumbuak aka bicaronyo

Marunduak bukan marapalam
ureknyo tambun marasel
Marumuak bukan to damam
mancari tenggang jo bicaro

Bajalan Ali ka ruang tangah, nyo taruih ka ruang tapi, sinan
nyo turuik mandeh kanduang, "Mande kanduang dangakan ma-
lah, bari luruih Ali batanyo. Salaruik Ali salamo iko, indak Ali
basuo dagang, dagang di mano iko mandeh, inyo duduak di pintu
biliak.

Bukik Taratak tinggi balun
mamandang taruih ka lauiktan
Sungguah tampak peto balun
iyo gak mamang paratian."

Manjawab mandeh si Ali Amat, "O ,Nak kanduang si Ali Amat, kalau itu nan ditanyokan, itu kamakanan ayah waang, anak rang ranah Langang Sunyi, banamo Gadih Basanai. Waang dun-sanak ipa pabisan, cariak kan indak waang bak aia, buntak nan indak ka bakapiang." Mandanga kato mande kanduang, indak jadi si Ali makan, marentak turun ka tangah laman, babaliak Ali ka pasa rami, hati nan indak elok lai.

Kok uuntuang Gadih Basanai, inyo campakkan kain salimuik, bajalan gadih ka ruang tapi, sinan nyo turuik mintuonyo, tibo di sinan gadih bakato, "O, Mintuo dangakan malah, lah barapo lamo gadih di siko, indak gadih basuo dagang, dagang di mano nan pulang tadi."

Sinan manjawek mintuo gadih, "O, Piak Gadih Basanai, kalau itu nan batanyokan, itu nan anak mamak kau, banamo Sutan Ali Amat. Kau kan sanak ipa jo inyo, sarikaik indak ka diagiah, saruang indak ka dibalah, buntak nan indak ka bakapiang. Jan kau lalu lalang sajo, baudo kau bakeh inyo."

Manjawab Gadih Basanai, "Kok iyo Ali udo awak, indak patuik liau co itu, liau turun jo paruik lapa. Sajak daulu den katon-kan, kalau lambiak nasi mandeh jan bangih, kalau matah nasi gadih tak tahu, Gadih nan kurang makan lai, antah barabuah salai-salai."

Manjawek mintuo Gadih, "O, Piak Gadih Basanai, kok uuntuang udo kau, indak mancubo makan di rumah, sajak ketek di pasa rami."

"Kok iyo bana indak ado makan di rumah, kok iyo bana jak ketek di pasa rami, saraguak kok lai minum, sasuok kok lai makan, sanang juo hati gadih."Baitu kato Gadih Basanai.

Sinan manjawek mintuo gadih. "O,Piak Gadih Basanai,

Gaba-gaba di laman tangsi
pamenan anak rang tutupan
Saba-saba kau manahan hati
Ali di dalam pasakitan

Anak itiak ranang baranang
sikua lah mati dek buayo
Tatoklah kau di nan sanang
pandai mintuo babicaro."

Salamo Ali di pasa rami, hati gadih tak elok lai, tiok hari b-
hati dandam, limo hari sasudah itu, gadih nan kurang makan lai,
dari bamanuang ka bamanuang, rusuah mintuo mamandangi,
sinan nyo imbau mamak gadih. "O, Tuan di den diTuan, apo teng-
gang bicaro kito, kito basarang tuo juo, kalau mati, mati bak
kini, tak ado panyambuik tuo kito. Karano gadih ko tadorong
gadang, lah patuik diganggam urang surang, kok Ali Amat baitu
pulo, lah patuik pulang ka rumahnya. Kini baitu malah dek kito,
kito kawinkan gadih jo Ali Amat. Kok sampai kawin jo Ali Amat,
kok mati kito nan baduo, gadih ka ganti hambo, Ali ka ganti ba-
dan Tuan, inyo kan baipa pabisan, sarikaik indak ka nyo agiah,
saruang indak ka nyo balah, buntak nan indak ka nyo kapiang."

Manjawek ayah si Ali, "O, Diak kanduang dangakan malah,
kalau hetongan kito baduo, mungkin sasuai sudah tantu, kito
tanyo timba baliak."

Manjawek malah mintuo gadih, "Kini baitu malah dek Tuan,
pailah Tuan ka pasa rami, pailah japuik si Ali Amat."

Kato sampai mamak lah turun, barangkek ka pasa rami,
manjapuik Sutan Ali Amat. Paningga mamak pai ka pasa, bakato
mintuo gadih, "O, Piak Gadih Basanai, apo tenggang bicaro kau,
kami jo mamak kau lah gaek bana, kalau mati, mati bak kini,
indak ado panyambuik tuo kami. Karano kau tadorong gadang,
lah patuik diganggam urang sorang. Kok Ali Amat baitu pulo,
lah patuik pulang ka rumahnya. Kini baitu malah di Gadih, na-
muah koh kau kawin jo Sutan. Kalau kawin kau jo inyo, kalau
mati kami baduo, kau ka ganti tubuah mintuo. Ali Amat ka ganti
mamak kau, kau kan sanak ipa pabisan, sarikaik tidak diagiah,
saruang indak ka babalah, buntak nan indak ka bakapiang.

Tumbuah rumpuik tumbuah hilalang
daun nibuang di tapi banda
Nyawo kami laluuk tubuah pun hilang
buliah kau guluang pusako tingga."

Manjawek Gadih Basanai, "O, Mintuo dangakan malah, Ali
den sangko kakak kanduang, mamak den sangko bapak kanduang,
Mintuo den sangko mandeh kanduang. Kini ka kawin Gadih jo
Ali, langik den jujuang nan lah runtuah, bumi den pijak nan lah
taban.

Simantuang di Bukikputuih
Jarajak di tanah taban
ka mano padi manjulai lai
Bakeh bagantuang nan lah putuih
bakeh bapijak nan lah taban
ka mano Gadih manggapai lai

Tapi kalau kawin kato Mintuo, kawin malah Gadih. Cuma
saketek Gadih katokan,

Ilia-iliakan mangko mandi
jan manyasah di tapian
saruang sakin di ateh dalamak
Inok pikia dulu mangko jadi
jan manyasa kamudian
gadih misikin di nan banyak.

Ulu tuiak muaro dangka
bataluak tantang Sungai Nyalo
Baisuak udo tu kok manyasa
sabab dek buruak untuang hambo

Babuni canang nak rang pasa
canang nak urang pai rodi
Liau sanang bisuak kok susah
sabab dek buruak untuang Gadih.”

Lah sasuai gadih jo mintuo, dialiah kaba ka mamak kontan tadi. Dek lamo lambek dek bajalan, lah sampai ka pasa rami, didapati Ali sadang bamanuang, sinan mahimbau ayah kanduang, "O, Nak kanduang si Ali Amat, usah waang duduak bamanuang, mari kito babaliak pulang."

Tasabuik babaliak pulang, hati Ali tak elok lai. Dek lamo lambek dek bajalan, tibolah Ali di tangah laman, naiak bagolai anak janjang, tibo di sari rumah gadang. Alah sabanta antaronyo, bako mandeh kontan Ali, "Oh, Nak kanduang si Ali Amat, apo tenggang bicaro waang, kami jo ayah waang batambah tuo. Kalau mati kami bak kini, tak ado panyambuik tuo kami. Karano waang tadorong gadang, lah patuik pulang ka rumah waang. Kok baitu

malah di Ali, Buyuang, kawini Gadih Basanai. Kok sampai ang kawin jo inyo, kok mati kami nan baduo, ang ka ganti tubuah ayah,Gadih ka ganti tubuah hambo."

Manjawek si Ali Amat, "Kalau kawin kato Mandeh, kawin malah kato Ali. Cuma saketeck den katokan, mintak janji Ali tujuah hari."

Manjawek mandeh si Ali, "O, Nak kanduang si Ali Amat, kanapo janji tujuah hari?"

Manjawek si Ali Amat, "O, Mandeh kanduang dangakan malah, Sariang kulindan dek baideh, putuih kato dek bainok, adaik pikia palito hati."

Manjawek ayah si Ali, "O, Nak kanduang si Ali Amat, kini den bari janji tujuah hari, indak ayah manjapuik lai, ang babaliak sajo pulang." Lah dapek janji tujuah hari, marentak ka tangah laman, babaliak Ali ka pasa rami.

Dek lamo lambek dek bajalan, lah sampai ka pasi rami, bamanuang duduak tibo di pasa, tibolah kawan samo gadang, batanyo kawan hanyo lai, "Oh, Ali dangakan malah, bari luruih kami batanyo, apo sabab ang bamanuang, apo berang ayah kanduang."

Bukan toh berang ayah Ali,

Ayam jo kekek bari makan
tabang ka pulau duo tigo
Panjang jo singkek paulasan,
kok tak ka sampai baa juo.

Indak ado berang ayah kanduang, iko sabab Ali bamanuang, Ali bahanji tujuah hari. Kalau lerek hari tujuah hari, ka kawin jo Gadih Basanai."

Manjawek kawan samo gadang, "Oh, Ali dangakan malah, kawin ang jo Gadih Basanai, indak ang tahu jo untuang inyo, ibu indak ba bapak indak, namun gaeklah mati pulo, lah sansai gadih ka rantau urang. Indak ang tahu jo untuang gadih.

Aua indak kadondong indak
pinang sabatang kaangisan
padang tandeh taruko anguih
hadan ibaraik tak baputiak
ibaraik pipik tak basarang
co itu bana untuang gadih

Indak ang danga gelek gadih, bukan to gelek di gadihnya. Takalo induak jo bapaknya iduik, gelek jo ibu bapaknya, lah baranam tunangan gadih, lah anam tando ditarimonyo, lah tujuah jo tando Ali Amat, urang sapakaik kaanamnyo, Ali jo siapo isuak ka sapakaik. Kini baitu malah dek waang, balilah minyak gak saboto, nan sarato sikek jo camin, pailah batarak ka Gunuang Ledang, ang batarak tujuah hari. Kalaulah dapek minyak cinduang paramayo mintaklah janji sabulan ganok, pailah dulu ka tanah Pagai, katokan taniaik sajak ketek, pulang di Pagai kawin juo. Ado pelang ka di tompang, pelang banamo Lumuik Hijau," kato sampai, kawan bajalan.

Kok untuang si Ali Amat, mandanga kato kawan samo gadang, raso hati lah iyo pulo. Bajalan Ali ka Gunuang Ledang, lah nyo iliakan labuah nan panjang, bajalan Ali samo sorang. Dek lamo lambek dek bajalan, lah tibo di Gunuang Ledang, nyo daki bukik Gunuang Ledang. Patang bajawek dengan sanjo, sinan bakaua si Ali Amat. Nyo Baka kumanyan putiah, asok mandulang ka udaro. Lah nyo unjamkan lutuik nan duo, nyo susun jari nan sapuluuh, nyo takuakan kapalo nan satu, lah sujuik Ali ka ka kabiliaik, sinan bakaua si Ali Amat. "Barakaik Allah, waliullah, barakaik Makah Madinah, barakaik kiramaik Gunuang Ledang, bakeh ma-mintak nan ka buliah, bakeh bakaua rang nan banyak.

Pulau Aua jo pulau Babi
Sinan taranah si Painan
bakaua ka tampat Nabi
bana bakinco jo nan bukan.

Batarak Ali di Gunuang Ledang, habih hari baganti hari, lah sampai hari tujuah hari. Kok untuang takadia Allah, kandak buliah pintak balaku, lah dapek minyak cinduang paramayo, bajalan Ali baliak pulang. Nyo turuni bukik Gunuang Ledang. Indak singgah Ali di pasa, taruih sajo babaliak pulang. Lah nyo mudiakkan labuah nan panjang, dek lamo lambek dek bajalan, tibolah Ali tangah laman, naiak sakali ateh rumah. Sato tibo di ateh rumah, nyo kanakan janjang ka pagu, nyo gantuang minyak ka pagu, sarato sikek jo camin. Lah sudah minyak nyo gantuangan, nyo lah turun ka sari rumah, bajalan Ali ka ruang tangah, sinan mahimbau mandeh kanduang, "Nak kanduang si Ali Amat, dangakan malah kato mandeh kanduang,

Rampuak rampak karambia Pagai
tumbuah jitan di ateh munggu
Bulan tampak janjian sampai
patuiklah ang kanai tunggu.”

Manjawab malah si Ali Amat, ”Kok janjian Ali iyolah sampai,
lah sampai hari tujuah hari, den mintak janji sabulan ganok, den
ka pai ka tanah Pagai, taniaik sajak dari ketek, pulang dari Pagai
kawin juo.”

Bakato sinan mandeh kanduang,

”Mandeh patah indak tapatah
pucuak rabuang mudo-mudo
Mandeh tagah indak ka tatagah
pado tataruang pai juo.”

Kato sampai samaso itu, bajalan Ali ka ruang tangah, manggadabua ka biliak dalam, nyo ambiak kain jo baju, sarato kain saruang salai, nyo buuk bungkusun ketek, marentak ka tangah laman, bajalanlah inyo ka muaro, nyo ilia ka palabuhanan biduak, bakato ayah si Ali, ”O, Diak kanduang mandeh si Ali, kini baitulah dek kau, kok tak sanang malapeh Ali, unyi di kau rumah gadang, bia jo hambo Ali ka Pagai.” Kato sampai ayahnya turun, barangkeklahe liau ka muaro, manuju palabuhanan biduak, duo jo Sutan Ali Amat.

Kunun Gadih rang Basanai, sadang di parairan tampak saki-leh, hati gadih tak elok lai. Nyo jujuang labu di sanggan, nyo sandang parian ciek, bagageh gadih babaliak pulang. Dek lamo lambek di jalan, tibolah gadih tangah laman, naiak sakali ateh rumah, nyo dapati mintuo sadang bamanuang, batanyo gadih rang Basanai, ”O, Mintuo dangakan malah, bari luruih Gadih batanyo, ka mano udo den pai, duo jo mamak kanduang Gadih.”

Sinan manjawek mintuonyo, ”Piak, Gadih rang Basanai, kok itu Nak nan ditanyakan, itu sabab ambo bamanuang. Kan janji kau alah sampai, lah sampai hari tujuah hari, kok untuang si Ali Amat, mintak janji sabulan ganok, inyolah pai ka tanah Pagai, duo jo mamak kanduang gadih, taniaik sajak dari ketek, pulang dari Pagai kawin juo. Ado pelang ka nyo tompang, pelang nan capek pulang pai, banamo pelang Lumuik Hijau.”

Sinan manjawek Gadih Basanai, "Mintuo dangakan malah,

Panjang jambatan Ulakkarang
langkok nan duo puluah limo
Lah peto Gadih nak manompang
bundo tak suko manarimo

Balaia biduak ka Painan
baranam tagak di barando
Bangkalai buruak udo tinggakan
lapuak baurai aia mato."

Sinan manjawek mintuo gadih, "Piak Gadih Basanai, dangan-
kan di Gadih kato mintuo,

Tadorong gajah ka halaman
saheto panjang bilalainyo
Bia ka mano udo kau tabang
asa lai tingga bangkalainyo."

Manjawek gadih rang Basanai,

"Balaia biduak panjang tujuah
tarangguak sampan panjang limo
Bukan tinaman sagan tumbuhan
bumi nan anggan manarimo

Barabab batali tujuah
badandan lalu ka tapian
Basabab tinaman anggan tumbuhan
dirandam paneh anam bulan."

Manjawek mintuo gadih,

"Balaia biduak panjang tujuah
lalu barakik ka subbarang
Tanam tinaman ko tak tumbuhan
di mano bumi dapek sanang."

Manjawek dagang gadih,

"Iyo sarik talang ka pantai
letak letokan ateh dulang
Io rumik dagang ka Pagai
kusuik barito sampai pulang."

Hari basarang patang juo, patang bajawek dengan sanjo,
sanjo bajawek dengan malam. Kok untuang daganglah gadih,
namun dihari samalam itu, sapiciang indak nyo lalokkan.

"O, Mintuo dangakan malah,

Lah ilia cando ka balai
ka hilia kamurak uya
di raia baladang kapeh
baladang mudiak di bintuang
Kalau jadi udo ka Pagai
di duya gadih mamintak rela
di akhirat mamintak lapeh
ka carai panjang jo junjuangan."

Kok untuang mintuo gadih, namun di hari nan samalam itu,
sapiciang haram balalokkan, mambuek pabakalan Ali ka Tanah
Pagai. Hari lah laruik tangah malam, bakukuak ayam sakali, duo
kali ayam bakukuak, hari badarok tarang siang,

Kok nyo tarok batang mansiang
padi tasanda di Indaruang
Hari badarok tarang siang
gadih takana di kakak kanduang.

Tigo kali ayam bakukuak, mamanta faja di gunuang, lah siang
candonyo hari, mahimbau mintuo gadih, "O, Piak Gadih rang Ba-
sanai, hunilah rumah gak sabanta, mintuo nak pai ka muaro,
maantakan pabakalan udo kau."

Manjawek daganglah gadih, "O, Mintuo dangakan malah,
kalau jadi liau ka Pagai, bapasan Gadih ka Mintuo, tolong balikan
kain jo baju, sarato baju sasak badan, langkok jo galang subang-
nyo, cukuik jo unduang-unduang salai. Kok nyampang lai tacapai
pulang, suruah liau singgah di Padang, di toko Bombai ado baju.

Katik Tingkia Labai Umanat
Nan maaja di Ikua Koto
Kalau mungkia pacik umanat
kalau mati tanggunglah doso.”

Hari basarang tinggi juo, marentak mintuo ka tangah laman, liau lansuang ka jalan gadang, bajalan mintuo gadih, bajalan liau ka muaro, bajalan lah liau samo sorang. Liau iliakan labuah nan panjang, hari basarang tinggi juo. Alah sarantang pajalanan, cukuik katigo rantang panjang, tibolah liau di muaro, liau dapati urang mupakaik. Kok uuntuang mandeh si Ali, liau latakan pabakalan Ali, liau himbau anak kontan liau, ”O, Nak kanduang si Ali Amat, turunlah Nak dari biduak, ka marilah dulu gak sabanta, ado rundiangan gak saketek.”

Tadanga mandeh lah mahimbau, turunlah Ali dari biduak, sinan bakato mandeh kanduang, ”O, Nak kanduang si Ali Amat, kalau jadi Buyuang ka Pagai, bapasan gadih bakeh mandeh ang, tolong balikan kain jo baju, sarato jo baju sasak badan, langkok jo galang jo subangnya, cukuik jo unduang-unduang salai, singgah lah Buyuang di kota Padang, di toko Bombai ado bajua,

Katik Tangkia Labai Umanaik
maaja di Ikua Koto
Kalau mungkia pacik umanat
lapehkan gadih dari doso.”

Sinan manjawek si Ali Amat, ”Umanaik mandeh Ali tarimo, kini pacik umanaik di Mandeh kanduang, kan Ali bahanji daulu tujuah hari, Ali batarak di Gunuang Ledang, Ali tarakkan minyak cinduang paramayo, sarato sikek nan jo camin itulah minyak di bubaungan. Pacik umanat di mandeh kanduang, minyak nan jan dipaminyak, sikek nan jan dipasikek, camin nan jan dipacamin. Kalau tu minyak dipaminyak, kalau tu sikek dipasikek, kalau tu camin dipacamin, kok lerek hari tujuah hari, tando umua nan lah pendek biso nan indak tatawa lai.”

Kok uuntuang si Ali Amat, kato sampai nyo lah naiak, taruih sakali ka ateh biduak. Dek uuntuang urang dalam biduak, dapek mupakaik maso itu, Ali diambiak jadi jurumudi, bapak diangkek jadi juru baso. Kok uuntuang si Ali Amat, lapeh parentah ka anak

biduak, "Ambiaklah galah ciek sorang, galahlah pelang ka lauiktan."

Siaplah cando anak biduak, nyo ambiak galah ciek sorang, sinan bakato si Ali Amat,

"Balantam bunyi pukua salapan
anak rajo mangambang laia
Balantam bunyi tangah lauiktan
takaba pelang ka balaia.

Balantam bunyi pukua salapan
rang guguah tabuah tangah koto
Balantam bunyinyo tangah lauiktan
bongka sauah balaia kito."

Lah nyo galah pelang ka lauiktan, lah ilia pelang ka lauiktan, nyo tampuan ombak nan gadang, putuih-putuih ombak nan gadang, lah nyo tampuan alun nan gadang, lah kabuang-kabuang alun nan gadang, takotak pelang di lauiktan. Dek untuang takadia Allah, matilah angin bak dipiciak, tanang lauiktan bak kubangan, biduak tarapuang indak hanyuik, lah rusuah nakodo dengan ayah.

Kok untuang si Ali Amat, nyo pai ka gando hari, nyo mintak dek Ali parasaksapan, lah dapek sabuah parasaksapan lah bakau si Ali Amat, nyo baka kumayan putiah, karatan kumayan Baruih, asok mandulang ka udaro. Nyo ujamkan lutuik nan duo, nyo susun jari nan sapuluah, nyo takuakan kapalo nan satu, lah sujuik Ali ka kabiliaik, bakau si Ali Amat, "Barakat Allah, waliullah, barakaik Makah Madinah, barakaik kiramaik Gunuang Ledang, haweh mamintak nan ka buliah, bakeh bakau rang nan banyak. Tolong turunkan angin salimbubu, tolong turunkan tulak lakang, campak apuihkan pelang nangko, sabilah papan jan rusak, sabilah papan jan binaso."

Kaua sampai dibuang caliak, basi bengkok manginiang buruak, dibuang caliak ka Salatan, manggabak manyantuang pintu, mandanguik si hantu lauik, tabang cama babondong-bondong, riau bagai kapeh tabang, alun nak bagai bamban mudo, iko bana tangah lauiktan, bagaua kamudi makan, bagenggong tali tumali, bagenggong telong-telongan, lah mamakiak tali bubutan, bakecuik tali dareh babuai, bunyi mamasak di pamarah, bunyi

manyapu di haluan, naiak balato sikua-sikua, co itu bana lari pe-lang.

Bakato si Ali Amat,

"Urang Padang pandai manajin
di rumpuik sajo nyo jamuakan
Kasiah bana topan jo angin
tatangkuik sajo den pantangkan."

Indak tabado lari pelang, macam pucuak dilancakan, indak jaleh pulau nan tingga, indak nyo hetong pulau nan datang. Bakato si Ali Amat, "Angkeklah laia katujuahnyo, nak sanang bana kito balaia."

Indak tabedo kancang larinyo. Kok baledang jerek bajerek, ambu-ambu kumari pai, udang saia tabao rendong, indak tabado-bado lai. Dek lamo pelang balaia, karano hari badarok patang, patang bajawek dengan sanjo, sanjo bajawek dengan malam, lari pelang co itu juo, cando pucuak dilancakan, harilah laruik tangah malam, lah lalok sadonyo anak biduak, Ali bamanuang di gado hari, gilo basiua-siua ketek, gilo marinai aluih-aluih, ikolah buh pantun Ali,

"Kok dek sariak lantainyo jarang
kambanglah bungo parauiktan
Dek cadiak kawan samo gadang
lah sansai Ali ka lauiktan."

Dek lamo pelang dek balaia, hari basarang malam juo, harilah laruik tangah malam, lari pelang co itu juo, lalok sadonyo anak biduak, Ali surang cuma nan jago, gilo bamanuang-manauang sorang, gilo marinai ketek-ketek. Dek lamo lambek dek balaia, lah siang candonyo hari, lari pelang indak baranti. Hari basarang tinggi juo, dek lamo pelang dek balaia, kiro-kiro pukua duo patang, tampak bambangnya pulau Pagai hati Ali tak elok lai. Kiro-kiro pukua ampek patang, tibolah pelang di Siberut, balabuah pelang di Siberut, bapantun Ali baibaraik,

"Siberut aluan Padang
tampek si Galia baniago
Ulah dek cadiak kawan samo gadang
sampai mularaik badan hambo."

Lah balabuah pelang di Siberut, turunlah Ali dari pelang,
duo jo ayah kanduang inyo, bapantun Ali baibaraik,

"Ilia ka cando ka ka balai
manjinjiang boto duo tigo
Ali bajalan di pasa Pagai
lenggang kok gadih tampak juo.

Ilia ka cando ka ka balai
ditanam talang di pamatang
Ali bajalan di Tanah Pagai
raso manuruik gadih di balakang."

Kok untuang si Ali Amat, bajalan lah inyo masuak lapau,
duo jo ayah kanduang inyo. Sato tibo di dalam lapau, indak lalu
aia nyo minun, hati Ali tak elok lai,

Balaia kapa ka Bangkahulu
sauah dibongka duo tigo
Dialiah kaba tantang itu
sungguah haraliah sinan juo.

Dialiah ka Gadih rang Basanai, sinan nyo mahimbau mintuo-
nyo, "O, Mintuo, bari luruih Gadih batanyo, lai lah jadi udo ka
Pagai."

Manjawek mintuo gadih, "O, Piak Gadih Basanai, kalau itu
nan ditanyakan,

Kok balaia babelok belok
balabuah tantang nan tanang
Udo kau pai hati tak elok
kito nan tingga indak sanang."

Manjawek Gadih Basanai,

"Masaklah buah limau kapeh
sabuyun rampak ka bubungan
Patuik udo tu minta lapeh
kok tampak pulo pagantuangan.

Di mano runtuak ka babungo
aia babelok sahalaman
Di mano buruak ka paguno
nan elok banyak ka pamenan.

Di mano bubiuk ka babungo
aia babelok dalam guci
padi bapaga jo linjuangan
Di mano buruak ka paguno
nan elok banyak ka pangganti
nan buruak bia nak tabuang

Sarai sarumpun bakaranggo
mati diparang samuik api
Carai nan indak bakarano
bukan kapalang hibo hati.”

Pado hari nan barisuak, bakato Gadih Basanai,

”Babunyi canang nak rang pasa
canang nak urang pai rodi
Tolong carikan limau sabuah
gadih nak raso pai mandi.”

Sajak mandeh indak ba bapak indak, gadih indak balimau lai. Lah liau carikan limau sabuah, lah dibao labu di sanggan, nyo sandang parian ciek, bagelai ka tangah laman, bajalan gadih ka tapian. Dek lamo lambek dek bajalan, lah tibo gadih di tapian, lah nyo latakan labu di sanggan, nyo sandakan parian ciek, nyo geraikan rambuik nan panjang, rambuik panjang maliku tumik, nyo bukak kain jo baju, balimau inyo di tapian, bapantun gadih baibaraik,

”Layangkan asam limau sundai
palimau sutan di muaro
Sarik mukaluak nan ka pandai
panimbang untuang nan cilako.”

Balimau gadih di tapian, duo kali kacimpuang mudiak, duo

kali kacimpuang ilia, lah sudah gadih balimau, nyo sauak labu di sanggan, nyo sauak parian ciek, nyo lakekkan kain jo baju, nyo lipek abuak nan panjang, nyo jujuang labu di sanggan, nyo sandang parian ciek, bajalan babaliak pulang, bakato-kato dalam hati,

Hari nan sadang tangah hari
sadang pun buntak bayang-bayang
jo siapo den lawan babiri
barek ringan den pikua sorang

Dek lamo lambek dek bajalan, tibolah inyo tangah halaman, lah nyo ampaian kain di sampaian. Lah sudah kain nyo ampaian, naiak bakolai anak janjang, tibo di sari rumah gadang. Lah nyo latakkkan labu di sanggan, nyo sandakan parian ciek, bajalan inyo ka ruang tangah, nyo lansuang ka ruang tapi, sinan nyo imbau mintuonyo, "O, Mintuo dangakan malah, kok Gadih alah balimau, tolong carikan gadih minyak, paminyak abuak nan panjang. Sajak bundo indak ba bapak indak, Gadih nan indak baminyak lai. Tolong carikan sikek sabuah, sajak ibu indak ba bapak indak, gadih tak adoh basikok lai."

Mandanga kato nan co itu, sinan manjawek mintuonyo, "Nak kanduang Gadih Basanai, kok itu nan kau kandakkan, bhati sabalah dahulu, tunggu udo kau pulang dari Pagai, mintuo indak ado baminyak."

Sinan manjawek rang Basanai, "Mintuo badan jo hambo, indak tahu Mintuo jo hati Gadih, kini gata bisauk digauik."

Kok untuang Gadih Basanai, bagageh gadih ka tapi pintu, nyo tukiakkan pandang nan hampia, nyo layokkan pandang nan jauah, nyo buang caliak kiri kanan, nyo buang pandang ka bubuangan, tampaklah minyak nan tagantuang, sarato sikek jo camin, bakato Gadih Basanai, "Iyo sarik indak ba mandeh kanduang awak, minyak ado nyo katokan indak."

Manjawek Mintuo gadih, "O, Piak Gadih Basanai, itu bukan minyak mintuo, itu nan minyak udo kau, nan inyo bahanji daulu tujuah hari, inyo batarak di Gunuang Ledang, itu nan minyak cinduang paramayo. Pacik umanaik udo kau, minyak nan jan dipaminyak, sikek nan jan dipasikek. Kalau tu minyak dipaminyak, kalau tu sikek dipasikek, kalau tu camin dipacamin, kok lewaik hari tujuah hari, tando duya anak pendek, bisa nan indak katawaran."

Sinan manjawek mintuo gadih,

”Sajak daulu Piak den pantokan
indak balatak dalam padi
balatak juo di pamatang
Sajak daulu den katokan
indak balatak dalam hati
kau latak juo di balakang.”

Manangih gadih maso itu. 'Indak tatanguang doh mintuo, oi,
indak tabado, kalau co iko sakik badan, asa dapek batamu muko,

Bukan to sakik den garuangkan
salasiah di baliak awan
awan di baliak mangajuju
pandan den juo maladuangkan
bukan to sakik den manuangkan
kakuruuh badan manahan hati
kasiah nan indak ka balawan
sayang nan indak ka bajudu
badan den juo manangguangkan.”

Mancaliak gadih kasakitan, manangih mintuo mamandangi, .

”Mudo balang ateh bukik
kaki nan putiah kaampeknyo
Maarang-arang manahan sakik
ragu Mintuo maubeknyo.

Kok buliah urek den paurek
kok buliah urek bungo tanjuang
sakah sadahan salaronyo
Kok buliah ubek den paubek
kok buliah ubek tuan kanduang
sakik satahun paliharo

Hujan nan indak labek amek
tagamang aia di tuturan
Sakik nan indak sangek amek
lakek di lapiak katiduran.”

Manangih-nangih Gadih Basanai,

"Daguah dagah lantai musajik
tukang nan mano manyudahi
Tantukan mano nan sakik
tantu ubek Mintuo cari

Kok den tapiak adiak badangkiang
tigo ikua kumbang di dalamnyo
den asok tubuah bagai ampiang
sakiak sadonyo nan di dalam."

Habih hari baganti hari, lah sampai hari tigo hari, sakik batambah sangaik juo, nan bak aia barang dalam, batanyolah gadih ka mintuo, "Mintuo dangakan malah. Sadang mangapo liau di Pagai, kalau lalok liau di Pagai, lalok pulo malah kito, kalau duduak liau di Pagai, duduak pulo malah kito, kalau makan liau di Pagai, makan pulo malah kito, kalau tagak liau di Pagai, tagak pulo malah kito, kalau bajalan liau di Pagai, bajalan pulo malah kito.

Sadang mangapo liau di Pagai
kukua karambia buliah sagu
Nan bedo kasiah tak sampai
tagantuang cando langan baju

Ayam banamo ambun sori
tapauik di puncak gobah
padati rang elo juo
Bedo bana kasiah tak jadi
co bungo pamaluik deta
lalu mati marindu juo

Sakik batambah sangaik juo, nan bak aia batambah dalam, habih hari baganti hari, lah sampai hari ampek hari, batanyolah gadih ka mintuo. "Bari luruih gadih batanyo, barapo lamo liau di Pagai. Kalau co iko sakik badan, indak ka dapek batamu muko, pacik umanaik di Mintuo. Kok sampai ajalullah Gadih, tolong pasangkan Sutan Baranam, suruah sampaikan kasiahnyo bakeh

Manjawek daganglah gadih, "O, Mintuo dangakan malah, bia tajelo tajilapak, kok tak suko urang maagiah, namun indak ka Gadiyah ambiak."

Kok untuang mintuo gadih, kato nan indak ka bajawek. Barisuak siang candonyo hari, bakato mintuo gadih, "O, Piak Gadih Basanai, hunilah rumah gak sabanta, mintuo nak raso ka muaro, mintuo nak raso ka tapian." Kato sampai wakatu itu, nyo ambiak kain sabalunan, bagolai ka tangah laman, barangkeklah liau ka tapian. Dek lamo lambek nan di jalan, lah sampai liau ka tapian, indak dapek liau manyasah, urang batanyo-tanyo juo, iko bana tanyo urang, "O, Mintuo dangakan malah, bari luruih kami batanyo, lai koh jadi gadih kawin jo Sutan Ali Amat."

Manjawek mintuo gadih, "Kalau itu Nak nan ditanyokan, kok untuang si Ali Amat, mintak janji sabuian ganok, inyo ka Pagai jo ayahnyo, taniaik sajak dari ketek, pulang dari Pagai kawin juo. Ado kok pelang ka nyo tompang, pelang nan capek pulang pai, banamo pelang Lumuik Hijau."

Paningga mintuonyo di tapian, bakatolah gadih Rang Basanai,

"Pado ribuik baiaklah padi
pado pandan maleto urang
Pado hidiuk baiaklah mati
pado badan manyeso urang.

Sikudidi makan ka pantai
kariang pasang makan ka tangah
pado hidiuk bacamin bangkai
bialah mati bakalang tanah.

Takucak aia Sungaibamban
karano mangguang ka tapian
bialah hilang nyao badan
pado manangguang parasian."

Kato sampai, nyo kanakkan janjang ka pagu, lahnyo ambiak minyak nan tagantuang, sarato sikek jo camin, nyo bao ka tangah rumah. Paningga mintuonyo ka tapian, baminyak Gadih rang Basanai, nyo minyakkan abuak nan panjang, lah sudah gadih bami-

nyak, nyo ambiak sikek sabuah, nyo sikek abuak nan panjang. Lah sudah gadih basikek, nyo buek sangguu lipek pandan, nyo buek sangguu guyah gaia. Lah sudah gadih basangguu, nyo ambiak camin nan sabuah, bakato daganglah gadih,

"Tuan Katik Labai Maomin
parak ado batabu alun
Tadagak den liek camin
galak ado batamu balun."

Kok untuang Gadih Basanai, minyak habih taraso sakik, mandanyuik di ampu kaki, mambaleh ka bubun-bubun, raso kabongkah bubun-bubun, raso karuruik rambuik nan panjang, raso kahilang nan bakato, raso kararak tulang dado, raso dianyang lado mudo, raso disinggaung paneh patang. Co iko bana sakik badan, bagolek-golek gadih ateh rumah. Dek lamo lambek dek bagolek, bakato-kato samo sorang. "Pado den bagolek di tangah rumah, elok den bao bakalumun, kok batanyo beko mintuo awak, dikatokan mato sangaik mangantuak." Kato sampai gadih bagolek, nyo bao tidua di tangah rumah, nyo bao bakalumun panuah.

Kok untuang mintuo gadih, takana minyak ditinggakan, hati mintuo tak sanang lai, lah liau ambiak kain sabalunan, balari babaliak pulang. Dek lamo lambek dek bajalan, tibolah liau di tangah laman, liau ampaikan kain di sampaian, naiaklah liau ka ateh rumah, lalu mahimbau mintuo gadih, "O, Gadih rang Basanai, iko ka contoh garang paneh, mangapo tiduo bakalumun."

Manjawek daganglah gadih, "Mato gadih sangaik mangantuak, sajak mande indak babapak indak, sinan kurang lalok lai."

Kok untuang mintuonyo, nyo buang caliak ka bubungan, indak ado minyak tangantuang, dibuang caliak ka tangah rumah, lah batabua sikek jo camin, hati mintuo tak elok lai. "O, Piak Gadih Basanai, tampan kasansai udo kau, Nak."

Bakato daganglah gadih, "Indak tatangguang doh mintuo oi, indak tabado.

Rigo-rigo pai ka pukek
tibo di pukek mambali bada
Sagirolah mintuo mancari ubek
jan lamo panyakik tingga."

barangkek bajalan kaki, nyo iliakan labuah nan panjang, manuju ranah pasa rami. Dek lamo lambek nan di jalan, tibolah inyo di pasa rami. Kok uuntuang dagang rang mularaik, inyo taruih ka lapau kopi, sato tibo dalam lapau, urang nan rami di dalam lapau, batanyo dagang rang mularaik, "O, Tuan nan sadang minum, bari luruih aden batanyo, nan mano rumah Sutan Baranam."

Kok uuntuang urang nan di dalam lapau, tasabuik Sutan Nan Baranam, tasirok darah di dado, tagampa darah di muko, bacampua harok jo cameh, padoharok cameh nan labiah. "O, Buyuang nan baru tibo, kalau itu Nak nan ditanyokan, kalau Sutan Nan Baranam nan dicari, tatakok bana waang di nan iyo, iyo kami Sutan Nan Baranam."

Bakato dagang rang mularaik, "Hambo mambao pasan urang, iyo pasan mintuo gadih, iyolah Gadih rang Basanai, kini gadih tu nan lah mati, sadang tabujua den tinggakan. Sampaikan kasiah Tuan bakeh gadih, tolong kubuakan di Gunuang Ledang, bari bapanji-panji putiah, pangipeh dagang di lauiktan, pahimbau dagang di Pagai.

Masaklah padi nak rang pasa
dituai anak rang Kurinci
Mati nan indak basadakah
kubua tak indak ditimbuni

Kok ka kiri jalan ka sumua
ka kiri ka kanan jan
Kalau mati kalikan kubua
di duya mangasan jan"

Pasan sampai dagang bajalan, kok uuntuang Sutan Nan Baranam, takaba gadih nan lah mati, hati nan indak sanang lai, manangih duduak ka anamnyo, aia mato bak hujan labek. Dek lamo lambek dek manangih, dapek pangana dek Sutan Nan Baranam, barangkeklah inyo ka anamnyo, pai ka rumah Gadih Basanai. Nyo ayun langkah samo lanjuik, lah nyo mudiakkun labuah nan panjang, hati nan indak elok lai. Dek lamo lambek dek bajalan, sampailah inyo ka rumah mintuo gadih, didanga mintuo tu maratok juo.

Batigo pai ka Gunuang Ledang, pai manggali kubua gadih,

nan batigo tingga di rumah, nan sorang mangatam papan, nan sorang mancabiak kapan. Bakatolah nan sorang itu, "Bismillah den cabiak kapan, nyo cabiak manuruik ragi, Tuhan Allah nan punyo pasan, kami indak dapek manangguah lai." Lah sudah gadih bemandikan, lah nyo kapankan Gadih Basanai, lah pulang nan dari gunuang, lah sudah kubua nyo kali, sato tibo inyo di rumah, ka dibao Gadih ka Gunuang Ledang, kok untuang mintuo gadih,

Rumpuik paik ateh pamatang
urek manjulai tapi banda
Maik bajujuang turun janjang
liau bagolek ateh rumah.

Babanduang lah ratok mintuo tu, manangih liau samo sorang, bagolek di ateh rumah. Nyo baok gadih ka Gunuang Ledang, nan barampek mamikua gadih, sorang mambao payuang panji putiah, sorang mambao aia panalakin.

Dek lamo lambek nan di jalan, kok jauah basarang hampiang, lah tibo kini di Gunuang Ledang. Lah nyo daki bukit Gunuang Ledang, dek lamo lambek dek mandaki, tibo di puncak Gunuang Ledang. Batigo masuak dalam kubua, manjawek Gadih rang Basanai, batigo mauluakan dari lua.

Lah sudah gadih masuak kubua, bamanuanglah Sutan Nan Baranam, "O, Piak Gadih Basanai,

Masaklah padi nak rang pasa
dituai anak rang Kurinci
Mati nan indak basidakah
kubua tak buliah kami timbuni.

Umanaik gadih kito tapati, nak sampai pulo kasiah bakeh inyo, kito timbunkan kubua sapaduo." Lah nyo timbun kubua sapaduo, lah sudah kubua nyo timbun, barangkek Sutan Nan Baranam, indak singgah di rumah mintuo gadih, taruih sajo babaliak pulang.

Dek lamo lambek dek bajalan, lah nyo iliakan labuah nan panjang, manangihlah inyo kaanamnyo. Dek lamo lambek cando itu, alah tibo di pasa rami, dari bamanuang ka bamanuang.

Gadih, tolong kubuakan di Gunuang Ledang, bari bapanji-panji
putiah, paimbau dagang di Pagai, pangipeh dagang di lauiktan.

Masaklah padi nak rang pasa
dituai anak rang Kuranji
Mati nan indak basidakah
kubua nan jaan ditimbuni

Kok ka kiri jalan ka sumua
tapi ka kiri ka kanan juo
Kalau mati kalikan kubua
di duya mangasan jan”

Habih hari baganti hari, lah cukuik hari tujuah hari,

Balari-lari ka ka pukek
pukek manganai bada balang
Bahari-hari mintuo mancari ubek
ubek dapek nyaonyo hilang

Lah bagaluik tupai di banto
malompek lalu ka andilau
nan kalikih baduri indak
Lah talatak tangan di dado
mamakiak mintuo mahimbau
namun gadih babuni indak

”O, Piak Gadih Basanai, sadang tabedo kau tinggakan.” Gadih sarupo lalok juo. ”O, Piak Gadih Basanai, tampan kasansai Ali Amat.

Pandai bana kau mambajak
sudah bajerak bajarongkan
Pandai bana kau diagak, Nak
sadang sayang Mintuo kau tinggakan

Rumpuik paik di tapi banda
Urek menjua di pamatang
Maik tabujua tangah rumah
Mintuo maratok samo sorang

Pandai bana kau mambajak
ka ladang anak paneh hari
ditanam lado di tapi jalan
Pandai bana kau diagak
kok den sayang kau lah mati
sadang co iko batinggakan."

Babanduduanglah ratok mintuonyo, bagolek-golek sapanuah rumah. Dek lamo lambek dek manangih, liau tinjau ka tangah laman, tampaklah dagang tangah laman kironyo dagang rang mularaik, lalu mahimbau mintuo gadih.

"O, Nak kanduang di tangah laman, bari luruih Nak mandeh batanyo, waang ka mano ka bajalan, rimbo nan mano ka ditampuah, bukik nan mano ka didaki, lurah nan mano ka dituruni, kampuang nan mano ka dijalang."

Manjawek dagang rang mularaik, "Kalau itu Mandeh tanyakan, balun tantu rimbo ka den tampuah, balun tantu bukik ka den daki, balun tantu lurah ka den turuni, indak tantu kampuang ka den jalang, dagang bajalan sansai sajo."

Manjawek mintuo gadih, "O, Nak kanduang dagang nan lalu, hanyo itu nan den tanyokan, kok nyampang sampai ka pasa rami, tolong bao pasan hambo, katokan ka Sutan nan Baranam, katokan Basanai nan lah mati, suruah sampaikan kasiahnyo bakeh gadih, tolong kubuakan ka Gunuang Ledang, bari bapanji-panji putiah, pahimbau dagang di Pagai, pangipeh dagang di lauiktan.

Masaklah padi nak rang pasa
Dituai nak rang Kurinci
Mati nan indak basidakah
Kubua nan jan ditimbuni."

Itu umanaik Gadih Basanai.

Ka kiri jalan ka sumua
ka kiri ka kanan jan
Kalau mati kalikan kubua
di duya mangasan jan."

Manjawek dagang rang mularaik, "Pasan mandeh dagang tarimo, insya Allah tarimo kasih." Kato saimpai dagang bajalan,

sujuik Ali Amat, lah naiak Ali ateh pelang, baduo jo ayah kanduang inyo, barangkek sampan ka tangah, manuju pelang nan gadang. Dek lamo lambek dek balaia, kok jauah basarang dakek, kok hampia tibolah kini, lah sampai ka pelang gadang, lah naiak sadonyo anak biduak.

Sato tibo di pelang gadang, dimintak cando parasapan, lah dapek cando parasapan, nyo baka kumayan Baruih, karatan kumayan putiah, asok mandulang ka udaro, nyu unjamkan lutuik nan duo, nyu susun jari nan sapuluah, nyu takuakan kapalo nan satu. Lah sujuik Ali ka kabiliak, bakaua si Ali Amat, "Barakaik Allah, waliullah, barakaik Makah Madinah, barakaik tampek Gunuang Ledang, bakeh mamintak nan ka buliah, bakeh bakaua rang nan banyak, turunkan angin limo gunuang, turunkan angin tulak balakang, campak apuihkan pelang nangko, sabilah papan jan rusak, sakapiang jan binaso."

Kaua sampai inyolah tagak, dibuang caliak bakuliliang, lah mangabak bak santuang pintu, lah tibo angin nan di baruah, lah kalam hari bakuliliang, lah tibo badi nan kancang. Ado sabanta antaronyo, mandanyuk si hantu lauik, tabang cama babondong-bondong, riak nak bagai kapeh kambang, alun nak bagai bamban mudo, lah rusuah sadonyo anak biduak, bakato Sutan Ali Amat, "Angkek sadonyo kain laia, nak sanang bana kitobalaia," Maimbau lah ayah kanduang Ali,

Ditanam taleh paneh hari
dikarek anak rang subarang
Abeh-abeh pagang kamudi
Salatan kasek di balakang."

Dek lamo pelang dek balaia, karano hari badarok patang, lari pelang co itu juo, indak jaleh pulau nan tingga, indak nyu hetong pulau talampau, indak nyu tau pulau nan datang, hari basarang malam juo, Dek lamo pelang dek balaia, lah siang candonyo hari, lari pelang indak batuka, dapek bana angin salasai, kok jauah basarang dakek, kok hampia tibolah inik, tibo ka Ranah Muaro Padang, hati Ali tak sanang lai.

Kok uuntuang si Ali Amat, umanat gadih takana juo, lah balabuah pelang di Muaro Padang, lah marapek pelang ka tapi, lah turun di ateh pelang. Nyo taruuh ka toko Bombay, duo jo

ayah kanduang inyo. Sato tibo di toko Bombay, nyo balikan umanaik gadih, nyo balilah baju sasak badan, langkok bagalang jo subangnya, cukuik jo unduang-unduang salai. Lah sudah nyo bali kain jo baju, barangkek babaliak pulang, indak singgah lai inyo di jalan, lansunag sajo babaliak pulang. Dek lamo lambek dek bajalan, kok badan taraso litak, baranti inyo di lapau kopi, didapati urang sadang mangecek, iko banalah buah kato urang, "Apo katenggang Ali Amat, Gadih Basanai, nan lah mati. Kok tak tacapai Ali baliak pulang, kok tak katingga di korong kampuang, tacoreang malu di kaniang tak dapek nyo apuih lai."

Mandanga kato rang lapau, manangihlah Sutan Ali Amat, aia mato badarai-darai, bak maniak putuih talinyo, bak intan putuih pangarang, hati nan indak elok lai, indak jadi minum di sinan, barangkek Ali jo ayahnya. Karano hari lah badarok malam, bakato Ali ka ayahnya, "Pado kito babaliak siang, bialah kito bajalan malam, pado malu di dalam kampuang, ka tacoreang malu di kaniang, indak dapek dihapuih lai."

Mandanga kato rang lapau, manangihlah Sutan Ali Amat, aia mato badarai-darai, bak maniak putih talinyo, bak intan putuih pangarang, hati nan indak elok lai, indak jadi minum di sinan, barangkek Ali jo ayahnya. Karano hari lah badarok malam, bakato Ali ka ayahnya, "Pado kito babaliak siang, bialah kito bajalan malam, pado malu di dalam kampuang, ka tacoreang malu di kaniang, indak dapek dihapuih lai'."

Dek lamo lambek dek bajalan, tibolah kini di rumahnya, naiaklah inyo ka ateh janjang, mahimbau inyo wakatu itu, "Ndeh kanduang singkokkan pintu."

Manjawek mandeh dari rumah, "Siapo pulo tu nan mahimbau, iko ka cando malam hari, awak maratok nyo mahimbau."

Tadanga kato samacam itu, bamanuang Ali ateh janjang, aia mato iriang-gumiriang, nan bak maniak putih talinyo, bak intan putuih pangarang.

Cukuik ka duo inyo mahimbau, "Ndeh kanduang singkokkan pintu, badan di Pagai nan lah pulang, iko nan Sutan Ali Amat, duo jo ayah kanduang Ali."

Tadanga anak nan lah pulang, tasabuik Ali nan lah tibo, manyamba Mandeh manyingkok pintu, Pintu tasingkok Ali naiak, bapaguik-paguik Ali jo andeh kanduang. "Iolah malang Nak kanduang pulang, mandapati rumah lah langang, mandapati gaduh

Mangapo duduak di Tanjuang
ka manggali cingkariak bulan
Dek apo duduak bamanuang
mancari cewang jo pikiran

Asiang candonyo bakaluak
riak mamacah ateh karang
Asiang candonyo hati mabuak
kadok bamanuang kanan langang

Kadok manangih Sutan nan Baranam,

Residen dari Bangkahulu
sadang balaia tangah lauik
Dihantikan nan baranam dulu
nan di Pagai pulo kito sabuik.

Kok untuang si Ali Amat, sajak Gadih Basanai mati, darah inyo tasirok-sirok, inyo nan kurang makan lai, dari bamanuang ka bamanuang, lah rusuah ayah kanduang inyo, lah rusuah ayah mamandangi, sinan bakato ayah kanduang, "O, Nak kanduang si Ali Amat, bari luruih ayah batanyo, salaruik salamo iko, indak Ali duduak bamanuang, kiniko Ali duduak bamanuang, apo tak elok dalam hati, cubo kabakan bakeh ayah."

Bakato si Ali Amat, "Kalau itu yah nan ditanyokan, kalau co iko mamangnya hati, namuah awak babaliak pulang."

Sinan bakato ayah si Ali, "Balun sabulan kito di Pagai, kanaupo tasabuik ka babaliak."

Mandanga kato dari ayah, Ali nan indak babuni lai, pada hari nan barisuak hari basarang patang juo, patang bajawek dengan sanjo, sanjo bajawek dengan malam, hari basarang malam juo, takalok si Ali Amat. Kok untuang takadia Allah, sato takalok mimpi tibo, apo nan buah mimpi Ali, raso tapanggang rumah gadang, raso tahempa rangkiang padi, buruang pamenan nanlah tabang, iko bana mimpi si Ali Sato tasintak inyo duduak, sinan batanyo ayah kanduang, "O, Nak kanduang si Ali Amat, apo sabab duduak bamanuang, apo tak elok dalam hati, cubo kabakan bakeh ayah..."

Manjawek si Ali Amat, "Ayah kanduang dangakan malah, sababnyo Ali duduak bamanuang, Ali bamimpi malam tadi, raso

tapanggang rumah gadang, raso tahempa rangkiang padi, buruang pamenan nan lah tabang, malah kito yah babaliak pulang." Mandanga buah mimpi Ali, hati ayah tak elok lai, lah diambiak bungkusun ka dibao, nyo taruih ka tangah laman, inyo lansuang ka jalan gadang, ilialah inyo ka muaro, barangkek ka palabuhan biduak, duo jo ayah kanduang inyo.

Dek lamo lambek dek bajalan, lah samai ka palabuhanan biduak, kok uuntuang takadia Allah, sabuah biduak tak inyo ado, biduaklah pulang kasadonyo, mamakiak Ali mangaruang panjang, manangihlah Sutan Ali Amat, lauik nan mano ka diranang. Kok uuntuang si Ali kini, barangkek ka Pasia Pagai, duo jo ayah kandung inyo, sato tibo di Pasia Pagai ditukiakkan pandang nan ham-pia, dilayokkan pandang nan jauah, dibuang caliak kiri jo kanan, lah mamandang ilia jo mudiak, lah nyo caliak ka tangah lauik, tampak dek inyo sabuah pelang, takotak-kotak di tangah lauik, lalu inyo kipeh jo kain putiah.

O bubuak di mano gajai
itu di baliak Sungai Nyalo
O 'rang biduak dari Pagai
bari manompang badan hambo

Bari manompang badan kami, barapo seonyo kami baia, sinan manjawek jurumudi, "Biduak kami tak dapek singgah, biduak kami tagageh pulang, taruih sajo biduak ka ilia." Kok uuntuang takadia Allah, matilah angin bak dipiciak, tanang lauiktan bak kubagan, biduak tarapuang taknyo hanyuik, lah hilang aka jurumudi, angin dihimbau haram tibo, sinan bakato tukang masak, "Ampun baribu kali ampun, ampun di bawah tapak duli, di ateh selo kabasaran, namonyo hambo anak ketek, elok kito japuik urang tadi, itu di ranah Pasia Pagai."

Manjawek angku jurumudi, "Kini co itulah dek kito, japuik-lah urang di Ranah Pasia, ka mano tujuan mukasuiknyo."

Lah citurunkan sampan sabuah, lalu dikayuah pelang ka tapi, dituju Ranah Pasia Pagai, dijapuik si Ali Amat. Lah nyo kayuah sampan ka tapi, nyo turuik si Ali Amat, dek lamo lambek dek bajalan, kok jauah basarang dakek, kok hampia tibolah kini, bakato sagalo anak biduak, "Naiaklah Tuan ka ateh sampan, ka mano tujuan ka balaia, pelang nan indak ka baseo." Nyo sambah

kumayan putiah, asok mandulang ka udaro. Mintak nan sadang nan ka buliah, pinto nan sadang ka balaku, kaua sampai burak liau imbau, lah tibo burak tangah laman, naiaklah Ali ka ateh burak. Ali naiak burak lah tabang, tabang mambubuang ka udaro. Panek malayok ka malayang, kok jauah bana hampia tibolah kini, tibolah burak di ateh langik, tibo di rumah Putih Taruih Mato. Hinggok-lah burak tangah laman, agaklah mandeh Taruih Mato, mahimbau-lah liau dari rumah,

''Tatalah-tatah makan randang
lakek di daun bajilati
Sasalah-salah rang dunia datang
apo mukasuik datang ka mari.''

Manjawek si Ali Amat,

''Bukan to talah makan randang
lakek di daun rang jilati
Bukan salah, mandeh, waden datang
gadang mukasuik datang ka mari.

Danga dek Mandeh den katokan, aden batunangan dulu jo Gadih Basanai. Kini gadih tu nan lah mati, inyo bakubua di Gunuang Ledang. Itu sabab den datang ka mari, iyo ka Mandeh kanduang bana, mamintak aia hubungan nyao, patuik den mintak ka den mintak, patuik den salang ka den salang, patuik den bali ka den bali, pahubuang nyao Gadih Basanai. Kok tak dapek kandak den Mandeh, tacoreang malu di kaniang, tak dapaek den hapuih lai.''

Manjaweklah liau dari rumah, ''O, Nak kanduang dagang nan lalu, kalau itu Nak nan dicari, pintak nan lai ka buliah, kandak lai ka balaku. Tapi samantangpun baitu, pai anak ka rumah puti, iyolah Puti Taruih Mato.'' Lalu liau himbau si Kambang Manih, ka kawan Sutan Ali Amat.

Agaklah Kambang Manih Gino, nan capek kaki ringan tangan, balun disuruh inyolah pai, balun dihimbau inyolah datang. Barangkek Kambang Manih Gino, duo jo Sutan Ali Amat, ka rumah Puti Taruih Mato. Nyo tampusah labuah nan gadang, diayun letang samo lanjuik, diayun langkah samo jarang. Dek lamo lambek bajalan, kok jauah barang dakek, tibo di laman rumah puti tu, batanyo inyo di ateh rumah,

”Tatalah-talah makan randang
lakek di daun rang jilati
Tatalah-talah rang mudo datang
apo mukasuik dalam hati.”

Manjawek si Ali Amat,

”Bukan to talah makan randang
lakek di daun rang jilati
Bukan to salah kami datang
gadang mukasuik datang ka mari.

Kami tasuruah dek mandeh kanduang, mamintak aia hubungan nyao, pahubuang nyao Gadih Basanai. Aden batunangan jo Gadih tu. Kini gadih tu nan lah mati, inyo bakubua di Gunuang Ledang. Pado buck malu dalam kampuang, tacoreang malu di kaniang, tak dapek den hapuih lai.”

Manjawek Puti Taruih Mato, ”Kalau itu nan Tuan cari, itu bana nan Tuan jalang, jan berang Tuan ka awak,

Kanapo tambilang lai
tambilang lah sudah pacah balah
Kanapo juo nan hilang lai
nan hilang alah bakalang tanah.”

Manjawek Sutan Ali Amat,

”Bia sapuluah panggali
indak kasamo jo tambilang
tambilang elok pantonyo
Bia sapuluah ka pangganti
indak kasamo jo nan hilang
nan hilang elok basonyo

Kayu tumbuhan karangnya mandi
bakudo lalu ka Piaman
Patah tumbuhan buliah den ganti
asiang rupo balain roman

tak di rumah, mandapati tanah tasirah, mandapati gadih di Gunuang Ledang."

Manangihlah mandeh tangah malam, nyo lamun-lamun anak kanduang, bakato si Ali Amat, "Usah Mandeh maratok juo, kini co itu malah di mandeh, lapehlah jariah payah Mandeh, relakanlah nasi nan tamakan, jan dibari ambo badoso, dari duya sampai akhirat, Ali bajalan malam kini, Ali ka pai ka Gunuang Ledang. Kalau batanyo rang di kampuang, katokan ayah babaliak sorang, katokan Ali tingga di Pagai, pada buuk malu dalam kampuang, malu tacoreang pada kaniang, indak dapek den hapuih lai."

Kato sampai, bajalan Ali ka tangah laman, barangkek Sutan Ali Amat, hari nan sadang tangah malam, lah nyo iliakan labuah nan panjang, bajalan inyo samo sorang. Dek lamo lambek di jalan, karano hari badarok siang, lah siang candonyo hari lah tibo inyo di Gunuang Ledang, nyo daki bukik Gunuang Ledang, dek lamo lambek dek mandaki, tibo di puncak Gunuang Ledang.

Kok uuntuang malah si Ali Amat, sato tampak tanah tasirah, mamakiak manggaruang panjang.

Asam kandih asam galugua
sarampiang batang cubadak
Kok dikali gadih dalam kubua
tulang jo dagiang kok nyo rusak.

Asam kandih asam galugua
katigo asam si balimbiang
Manangih Ali di pintu kubua
mancaliak papan nan tabariang.

Ramanuang Ali di pintu kubua, manangih inyo samo sorang, aia mato bak hujan labek. Dek lamo inyo manangih, kok uuntuang si Ali Amat, indak tatahan lai di hatinyo, lah nyo kali kubua gadih rang Basanai. Lah sudah kubua nyo kali, lah nyo japuik gadih masuak kubua, nyo sandang maik kalua, nyo sandakan di kayu gadang, nyo bukak bungkusan ciek, nyo lakekkan kain jo baju, iyolah baju sasak badan, langkok jo galang jo subangnyo sarato jo unduang-unduang salai.

Kok uuntuang daganglah gadih, usah kan busuak, rangik indak, inyo sarupo lalok juo. Kok uuntuang si Ali Amat, lah paasiak

diri samo sorang, hatinyo indak elok lai. Sadang duduak si Ali Amat, datang suaro sakutiko, ikolah buah suaro tu, "Pasiak dek apo malah badan, gilo di apo Ali kini, kini co itu malah di Ali, kubuakan malah gadih ko baliak, kok lah sudah beko dikubukan, mudiakkan aia sungai nangko. Kok batamu aia basimpang duo, sasimpang aia karuah karak, sasimpang aia nan janiah. Kok ang iliakan aia karuah karak, taiduang bakubang di ulunyo. Kok ang mudiakkan aia nan janiah, rumah rang tuo di ulunyo. Liau manaruah buruang burak, salanglah buruang rang tuo tu, pailah Ali ka ateh langik, ka rumah Puti Taruih Mato, manjapuik aia hubungan nyao, pahubuang nyao Gadih Basanai."

Mandanga suaro nan co itu, lah nyo tukiakkan pandang nan hampia, nyo layokkan pandang nan jauah, nyo buang caliak kiri jo kanan, mamandang ilia jo mudiak, sorang urang pun indak tampak. Kok untuang Sutan Ali Amat, lah nyo bukak banak pakaian gadih, nyo kubuakan gadih babaliak, barangkek Sutan Ali Amat, nyo mudiakkan aia sungai nantun. Dek lamo lambek dek bajalan, alah sarantang pajalanan, cukuik katigo rantang panjang, basuo jo aia basimpang duo, sasimpang aia karuah karak, sasimpang aia nan janiah. Nyo mudiakkan aia nan janiah, dek lamo lambek dek bajalan, tibolah Ali di ulu aia, tibo di laman rumah rang tuo. Agak rang tuo di ulu aia, bajalan liau ka ruang tangah, liau taruih ka ruang tapi, bagageh tagak ka ruang tapi, tagak sakali di pintu jang-jang, nyo buang caliak ka tangah laman, sinan mahimbau rang gaek itu, "O Nak kanduang nan baru tibo, nan salaruik salamo iko, sarik urang ka mari. Apo bana nan Buyuang jalang, apo bana nan Buyuang cari, naiaklah dulu Nak ka ateh rumah. Kok untuang Sutan Ali Amat, naiaklah inyo ka ateh rumah, bakatolah Ali maso itu, "Sabab den datang ka mari, danga den kabakan bakeh gaek. Den batunangan dulu jo Gadih Basanai, kini gadih itu nan lah mati, inyo bakubua di Gunuang Ledang. Tolonglah awak sakali ko, nak manyalang buruang burak Gaek, aden ka pai ka ateh langik, ka rumah Puti Taruih Mato, mamintak aia hubungan nyao, ka pahubuangkan nyao Gadih Basanai."

Mandanga kato Ali Amat, hibolah gaek mandangkan, diambiak dek gaek parasapan, lah liau bao ka tangah laman, sinan liau saru buruang burak. Liau unjamkan lutuik nan duo, disusun jari nan sapuluah, ditakuakan kapalo nan satu, sujuiklah gaek ka kabiliaik. Bakaua si Ali Amat, nyo baka kumayan Baruih, karatan

Kə den baakan padi nangko
padi rawang balun tumbuah
Ka den baakan hati nangko
dagang hilang tadagak tumbuah

Cubadak manangah koto
ditanam sukun tapi banda
ayam kuriak si Maragelang
taji dipilih si Barumbun
lai rupokan dalam hati
tumbuah sariak di tapi koto
Kok den agiah Tuan sakaliko
kok Tuan turun ka duya
kok isuak takaba sanang
Bukik kok bisuak ka balinduang
lurah kok dalam panyuruakkan
ka lupo jo buruak gadih
guno baiak ka hilang sajo.”

Manjawek Sutan Ali Amat,

”Kalau didaki gunuang bakabuik
tuan-tuan pulang manembak
disakah rantiang limau lunggo
O Piak jan banyak sabuik
sadang lameh di lamun ombak
takabua niaik den baleh guno.”

Panek batangka jo bagigiah, bakatolah Puti Taruih Mato,
”Kok itu nan Tuan cari, kok itu nan dimukasuik, babaliaklah Tuan
ka balakang, mintak di mandeh kanduang gadih.”

Barangkek Ali ka balakang, hati nan indak elok lai, bajalan
babaliak pulang, duo jo Kambang Manih Gino. Dek lamo lambek
dek bajalan, lah tibo di laman rumah mandeh, mahimbaulah liau
dari rumah, ”Lai koh dapek nan dicari, lai tabao nan dijapuik, lai
koh buliah nan dikandakkan.”

Manjawek si Ali Amat, ”Kalau itu nan Mandeh tanyokan,
lai ’Ndeh kanduang nan manyimpan.” Mandanga kato si Ali Amat,
lah berang mandeh kontan gadih, marentak turun ka halaman,

bajalan mandeh kanduang inyo, iyo ka rumah Taruih Mato, duo jo Sutan Ali Amat.

Dek lamo lambek di jalan, lah tibo di tangah laman, naiak sakali ka ateh rumah, sato tibo liau di rumah, liau himbau anak kanduang liau, "Nak kanduang Puti Taruih Mato, dangakan malah dek nak kanduang, mintaklah aia hubungan nyao, agiahlah aia tigo titiak, pahubuang nyao Gadih Basanai. Kok tak dapek kandak sakali nangko, manantilah kau sorang di rumah, bia iah den ilia samo jo inyo."

Kok uuntuang Puti Taruih Mato, mandeh kanduang bana nan lah berang, mandeh kanduang bana nan lah bangih, kato nan indak ka bajawek, bajalan inyo ka ruang tangah, bagadabua ka biliak dalam, lalunyo ambiakkan aia hubungan nyao, nyo ambiak aia tigo titiak nyo bao kalua wakatu itu, nyo turuik Sutan Ali Amat, "Tirimolah Tuan aia iko, janlah aden dilupokan.

Kalau jadi bamban badarai
padi nan jan dipantokan
Kalau jadi kito bacarai
gadih nan jan dilupokan

Balaia biduak ka Pagai
mambao muatan lado mudo
Di laia kito nan bacarai
di batin batamu juo

Kudo putiah rajonyo putiah
Mangieh lalu ka halaman
Tuan kasiah gadihlah kasiah
kok carai raso kahilangan

Hilalang di pondok Gino
badaun tangah tigo halai
Sadang banang putih lai hibo
kunun kok kasiah ka bacarai."

Barangkeklah Sutan Ali Amat, babaliak inyo ka balakang.

Lah putiah panto limau kapeh
dilatak di simpang jalan
Putiah mato gadih malapeh
mintak pulang Ali nan bajalan.

Bajalanlah Sutan Ali Amat, duo jo mandeh kanduang Puti Taruih Mato, inyo tampuan labuah nan panjang, dek lamo lambek dek bajalan, sampai ka laman rumah mandeh, liau lah naiak ka ateh rumah, bakato Sutan Ali Amat, "Tarimo kasih, Mandeh banyak-banyak."

Kato sampai Ali lah naiak, naiak ka ateh buruang burak, Ali naiak buruang lah tabang, tabang mambubuang ka udaro. Sa-kali mambubuang tinggi, tigo kali manukiak turun, dek lamo lambek burak tabang, panek malayok jo malayang, kok jauah basarang dakek, kok hampiang tibolah kini, tibo di rumah rang tuo tadi, hinggoklah burak tangah laman. Burak hinggok Ali lah turun, batanyo gaek ka inyo, "O, Buyuang dangakan malah, lai koh dapek nan dicari, lai tabaok nan tajapuik, lai koh buliah nan bakandakan."

Manjawek Sutan Ali Amat, "Kok itu nan ditanyokan, kok tak dapek nan dicari, kok tak tabaok nan den japuik, bapantang babaliak pulang. Tarimo kasi gaek banyak-banyak." Kato sampai Ali barangkek.

Nyo iliakan aia sungai nantun, dek lamo lambek di jalan, alah sarantang pajalanan, cukuik katigo rantang panjang. Dek lamo labek inyo di jalan, kok untuang takadia Allah, talampaulah aia basimpang duo, barangkek Ali tu kini, manuju bukik Gunuang Ledang.

Dek lamo lambek Ali bajalan, kok jauah basarang hampiang, kok dakek tibolah kini, tibo di Puncak Gunuang Ledang. Sato tibo Ali di sinan, nyo ambiak gadih ka dalam kubua, nyo sandang maik kalua, nyo sandakan di kayu gadang, nyo ambiak bungkusun kain, nyo lakekkan pakaian gadih. Lakeklah baju sasak badan, langkok jo galang jo subangnyo, cukuik jo unduang-unduang salai.

Kok untuang Gadih Basanai, usah kabusuak rangik indak, inyo sarupo lalok juo. Kok untuang si Ali Amat, nyo ambiak aia hubungan nyao, aia satitiak bagi tigo, nyo titiakkan ka Gadih rang Basanai. Sato tatitiak aia ka gadih, taganyeck gadih Rang Basanai. "O, Piak Gadih Basanai, kok iduik kau iduik bak kini, nyao

satu den paduo." Cukuik kaduo nyo titiakkan, taganyek gadih Rang Basanai. "O, Piak Gadih Basanai, kok iduik kau iduik bak kini, nyao den paduo". Cukuik katigo nyo titiakkan, tasintak Gadih Basanai. Gadih tasintak Ali manyuruak, manyuruak ka baliak kayu gadang, berang lah Gadih Basanai, siapo nan kurang aja itu, anak mancacak simancacau, anak saridiang sarok balai, anak mingkatak itiak hutan, anak panguih batang lapuak, anak pamburu rusu aia, awak takalok nyo jagokan."

Kok untuang Gadih Basanai, mancaliak ka badan diri, lah lakek kain jo baju, bakato gadih samo sorang. "Daulu awak memanglah mati, kini awak babaliak hiduik, lah lakek kain jo baju, lah pulang koh Tuan dari Pagai".

Nyo tukiakkan pandang nan hampia, nyo layokkan pandang nan jauah, nyo buang caliak kiri jo kanan, nyo tinjau ka baliak kayu gadang, tampaklah Sutan Ali Amat, Gadih mancaliak Ali mancaliak, lah samo galak kaduonyo.

Tagaklah gadih Rang Basanai, nyo pai ka baliak kayu gadang, nyo turuik si Ali Amat. Sato tibo di baliak kayu, bakato Sutan Ali Amat, "O, Piak Gadih Basanai, apo tenggang bicaro kito, kito lah jauah dari kampuang, malah kito babaliak pulang."

Manjawek Gadih Basanai, "Pado kito babaliak pulang, bialah kito marantau panjang, kalau kito pulang ka kampuang, kok tahu Sutan nan Baranam, kasansai juo hiduik kito, awak sorang lawan baranam."

Manjawek si Ali Amat, "O, Piak Gadih Basanai, kok iyo tak amuah pulang, kok iyo kito ka marantau, dangakan dek gadih den katokan,

Kalau buliah karambia tumbuhan
den tanam di bawah janjang
Kok buliah kato nan sungguah
den ganggam den bao tabang."

Manjawek Gadih Basanai,

"Tabik bulan bintang mancayo
Kaliang bamain bungo api
Kok indak tuan picayo
halah dado lieklah hati

Karambia balah dek bulan
balah jo anak batu lado
Hiduik mati di tangah Tuan
indak gadih banyak bicara.”

Bakatolah Sutan Ali Amat, ”Kok iyo namuah gadih babaliak, kok kito ka marantau panjang, eloklah kawin kito di siko.” Daprek hetongan nan Sasuai, bakau si Ali Amat, nyo unjamkan lutuik nan duo, nyo takuakan kapalo nan satu. Lah sujuik si Ali Amat, nyo susun jari nan sapuluah, lah sujuik Ali ka kabiliaik. Barakaik Allah, waliullah, barakaik Makah Madinah, barakaik kira-maik Gunuang Ledang, tampek mamintak nan kabuliah, tampek bakau rang nan banyak, datangkan haji dari Makah, turunkan buya dari gunuang, tibokan labai dari lauik, tolong kawinkan kami di siko.”

Pintak nan sadang ka balaku, pinto sadang ka buliah, kaua sampai samaso itu, lah tibo haji dari Makah, lah datang labai dari lauik, turunlah buya dari gunuang. Nyo kawinkan Sutan Ali Amat, duo jo Gadih Rang Basanai. Ado sabanta antaronyo, ijab jatuah kabua nyo jawek, kawinlah gadih jo Ali Amat, kawin di puncak Gunuang Ledang. Lah sudah inyo dikawinkan, babaliak haji ka Makah, barangkek labai ka lauik, mangirab buya nan ka gunuang, indak namuah rang gadih pulang, maleh babaliak ka krong kampuang, ka dicubo marantau panjang.

Kok untuang Gadih Basanai, duo jo Sutan Ali Amat, sadang di puncak Gunuang Ledang, barangkek marantau panjang, lah nyo turuni bukit Gunuang Ledang. Dek lamo lambek bajalan, lah tibo inyo di lurah gunuang, tatapek ka anak sungai. Lah nyo mudiakan anak sungai nantun, bajalan inyo kaduonyo, tak jaleh nagari ka dituju, indak tantu kampuang nan dituruik, di mano litak lah baranti, di mano patang sinan bamalam. Dek lamo lambek dek bajalan, habih hari baganti hari, kok untuang takadia Allah, lah sampai ka hulu sungai, tatapek ka karang tinggi. Lah didaki karang nan tinggi, kok babaliak rantau lah jauah, sinan bakau si Ali Amat, ”Nyo baka kumayan putiah, karatan kumayan Baruikh, asok mandulang ka udaro, basaru si Ali Amat, ”Ya Allah Tuhanku, kok buliah jo pinto, tolong gadangkan aia sungai nangko, hujangkan hari labek-labek.”

Kandak nan sadang ka balaku, pinto nan sadang ka buliah,
kaua sampai samaso itu, dibuang caliak kiri jo kanan, lah mang-
gabak manyantuang pintu, basi tekek manganiang baruak, lah
tajuntai punco baliuang. Hujanlah hari labek-labek, hanyuiklah
alu dengan lasuang, indak tabado labek hujan, gadanglah aia su-
ngai nantun, hanyuilah batang binuang sati, lah naiak ka batang
binuang sati, lah bacodang ka hilia kaduonyo. Dek lamo lambek
mahilia aia, kok untuang takadia Allah, tatapek ka Pulau Kasiak,
bakato Sutan Ali Amat, "O Piak Gadih Basanai,

Cubadak di Bukik Sariak
rang tabang balah ka jalan
Bia tajajak kaki ka kasiak
Codang nan jan dilapehkan.

DAFTAR PUSTAKA

- Dananjaya, James. 1975. *Penuntun Cara Pengumpulan Folklore bagi Pengarsipan*. Jakarta: Jurusan Antropologi Fakultas Sastra, Universitas Indonesia.
- Esmara, Hendra dan Firdaus Rivai. 1973. *Metode Riset*. Padang: Universitas Andalas.
- Good, Carter V. dan Douglas E. Scates. 1973. *Methods of Research*. New York: Appleston, Century-Craft Inc.
- Hamka. 1965. *Adat Minangkabau Menghadapi Revolusi*. Jakarta: Firma Nekad.
- Lenggang, Zainuddin H.R. 1975. *Fonologi dan Ejaan Bahasa Minangkabau*. Prasaran dalam Seminar Ejaan Bahasa Minangkabau. Padang: FKSS IKIP Padang/HPBI Sumatra Barat.
- Nur, Agustiar Syah. 1975. *Ke Arah Pembakuan Ejaan Bahasa Minangkabau*. Prasaran dalam Seminar Ejaan Bahasa Minangkabau. Padang: FKSS IKIP Padang/HPBI Sumatra Barat.
- Panitia Seminar Ejaan Bahasa Minangkabau. 1975. *Usul Ejaan Bahasa Minangkabau*. Padang: FKSS IKIP Padang/HPBI Sumatra Barat.
- Panitia Seminar Sejarah dan Kebudayaan Minangkabau. 1970. *Seminar Sejarah dan Kebudayaan Minangkabau*. Jilid 1, 2, dan 3. Batu Sangkar.
- Penghulu, Rasjid Manggis Dt. Rajo. 1971. Minangkabau: *Sejarah Ringkas dan Adatnya*. Padang: Sridharma.
- Sango, Dt. Batuah. *Tambo Alam Minangkabau*. Cetakan keempat. Payakumbuh: Limbago.

Kandak nan sadang ka balaku, pinto nan sadang ka buliah,
kaua sampai samaso itu, dibuang caliak kiri jo kanan, lah mang-
gabak manyantuang pintu, basi tekek manganiang baruak, lah
tajuntai punco baliuang. Hujanlah hari labek-labek, hanyuiklah
alu dengan lasuang, indak tabado labek hujan, gadanglah aia su-
ngai nantun, hanyuilah batang binuang sati, lah naiak ka batang
binuang sati, lah bacodang ka hilia kaduonyo. Dek lamo lambek
mahilia aia, kok untuang takadia Allah, tatapek ka Pulau Kasiak,
bakato Sutan Ali Amat, "O Piak Gadih Basanai,

Cubadak di Bukik Sariak
rang tabang balah ka jalan
Bia tajajak kaki ka kasiak
Codang nan jan dilapehkan.

DAFTAR PUSTAKA

- Dananjaya, James. 1975. *Penuntun Cara Pengumpulan Folklore bagi Pengarsipan*. Jakarta: Jurusan Antropologi Fakultas Sastra, Universitas Indonesia.
- Esmara, Hendra dan Firdaus Rivai. 1973. *Metode Riset*. Padang: Universitas Andalas.
- Good, Carter V. dan Douglas E. Scates. 1973. *Methods of Research*. New York: Appleston, Century-Craft Inc.
- Hamka. 1965. *Adat Minangkabau Menghadapi Revolusi*. Jakarta: Firma Nekad.
- Lenggang, Zainuddin H.R. 1975. *Fonologi dan Ejaan Bahasa Minangkabau*. Prasaran dalam Seminar Ejaan Bahasa Minangkabau. Padang: FKSS IKIP Padang/HPBI Sumatra Barat.
- Nur, Agustiar Syah. 1975. *Ke Arah Pembakuan Ejaan Bahasa Minangkabau*. Prasaran dalam Seminar Ejaan Bahasa Minangkabau. Padang: FKSS IKIP Padang/HPBI Sumatra Barat.
- Panitia Seminar Ejaan Bahasa Minangkabau. 1975. *Usul Ejaan Bahasa Minangkabau*. Padang: FKSS IKIP Padang/HPBI Sumatra Barat.
- Panitia Seminar Sejarah dan Kebudayaan Minangkabau. 1970. *Seminar Sejarah dan Kebudayaan Minangkabau*. Jilid 1, 2, dan 3. Batu Sangkar.
- Penghulu, Rasjid Manggis Dt. Rajo. 1971. Minangkabau: *Sejarah Ringkas dan Adatnya*. Padang: Sridharma.
- Sango, Dt. Batuah. *Tambo Alam Minangkabau*. Cetakan keempat. Payakumbuh: Limbago.

Lampiran 1

KABA YANG TERCATAT

- | | |
|--------------------------|--------------------------|
| 1. Rambun Pamenan | 17. Datuak Palo Sitalang |
| 2. Umbuik Mudo | 18. Puti Bunian |
| 3. Malim Deman | 19. Si Jobang |
| 4. Simarantang | 20. Cindua Mato |
| 5. Ali Bocak | 21. Sabai Nan Aluih |
| 6. Hari Kiamat | 22. Anggun Nan Tungga |
| 7. Curito Kanak-kanak | 23. Maso Kanak-Kanak |
| 8. Zubaidah | 24. Bumi Kiamat |
| 9. Rohana | 25. Lareh Simawang |
| 10. Syafri Gindo | 26. Lancak Dilabuah |
| 11. Samsimar | 27. Malin Kundang |
| 12. Sutan Palembang | 28. Bujang Paman |
| 13. Bujang Tanah | 29. Sutan Bagindo |
| 14. Nan Gombang Pituanan | 30. Gadih Nurana |
| 15. Mara Dewa | 31. Siti Baharam |
| 16. Pabimbang Dunia | 32. Urang Pariaman |
| | 33. Urang Makasar |
| | 34. Urang Tanjung Karang |

Lampiran 2

ANGKET

A. **TUKANG KABA**

- | | |
|---|--|
| 1. Apakah kaba ini karangan saudara/
bapak sendiri atau tidak? | a. ya
b. tidak |
| 2. Jika tidak, dari siapakah kaba
ini diperoleh? | a. langsung dari
pengarang
b. dari mamak/
orang tua
c. dari suru |

- d. dan lain-lain
3. Bagaimakah caranya saudara/bapak menguasai kaba ini?
- a. melalui pendidikan khusus
 - b. belajar sendiri
4. Di mana sajakah kaba ini tersebar?
- a. hanya di kabupaten ini
 - b. hampir di seluruh Minangkabau
 - c. sampai ke luar Minangkabau
5. Bagaimanakah cara penyebarannya?
- a. melalui tukang kaba
 - b. perpindahan penduduk
 - c. dan lain-lain
6. Dalam kesempatan apa saja kaba ini disampaikan?
- a. helat kawin
 - b. khitanan
 - c. waktu panen
 - d. akan turun ke sawah
 - e. mendirikan rumah
 - f. mengangkat penghulu
 - g. perayaan nasional
 - h. Kepentingan Nasional
 - i. dan lain-lain

7. Bagaimanakah sifat penyampaiannya?
 - a. sukarela
 - b. melalui pesanan
 - c. dan lain-lain
8. Apakah fungsi kaba bagi masyarakat?
 - a. pendidikan
 - b. hiburan
 - c. berhubungan dengan kepercayaan
 - d. dan lain-lain
9. Dapatkah saudara/bapak menyebutkan nama-nama kaba lain yang dikuasai?
 - a.
 - b.
 - c.
 - d.
 - e.
10. Apakah untuk/dalam penyampaian
 - a. ada
 - b. tidak ada

.....,.....1975

Pengumpul Data Penanya.,

B. PENDENGAR

1. Pernahkah bapak/Sdr. mengetahui tentang kaba ini sebelumnya?
 - a. ya
 - b. tidak
2. Siapakah pengarangnya?
 - a. Tukang Kaba

- sendiri
- b. orang lain
3. Tertarikkah Bapak / Sdr. dengan kaba itu?
- a. ya
- b. Tidak
4. Jika tertarik, apakah sebabnya?
- a. Isinya yang penuh nasehat
- b. Isi mengharukan
- c. Gaya Bahasa yang menarik
- d. Dan lain-lain
5. Apakah kaba yang penuh berisi nasehat itu masih dianggap masyarakat sebagai suri tauladan yang patut ditiru dalam kehidupan?
- a. Ya
- b. Tidak
6. Bila saatnya kaba ini disampaikan?
- a. Pada waktu helat
- b. Khitanan
- c. pengangkatan penghulu
- d. perayaan Nasional
- e. waktu panen
7. Banyakkah orang yang mendengarkan?
- a. banyak (lebih 100 orang)
- b. sedikit (antara 25 – 100)
- c. sedikit sekali kurang dari 20)

8. Dari jenis kelamin manakah yang banyak hadir mendengarkan?
- a. Wanita
b. Pria
9. Dari golongan usia berapakah yang banyak mendengarkan?
- a. orang tua (41 th . . .)
b. anak muda (17 tahun—40 tahun)
c. remaja (0—16 tahun)
10. Di mana sajakah kaba ini tersebar?
- a. hanya di ini (Kecamatan ybs)
b. hanya di seluruh kabupaten
c. hampir di seluruh Minangkabau
11. Selain kaba ini, masih adakah kaba lain yang Bapak/Sdr. ketahui?
- a. Ada
b. Tidak
12. Apakah kaba-kaba tersebut banyak pendengarnya?
- a. Ya
b. Tidak
13. Menurut pendapat Bapak/Sdr. Apakah kaba ini pada suatu waktu nanti tidak akan digemari lagi?
- a. tetap digemari
b. tidak digemari lagi
c. tidak tahu

.....,..... 1975

Pengumpul Data / Penanya,

C. PEMUKA MASYARAKAT

1. Apakah saudara/bapak mengetahui tentang kaba ayng sedang diteliti ini?
 - a. ya
 - b. tidak
2. Siapakah pengarangnya?
 - a. tukang kaba itu sendiri
 - b. orang lain
 - c. tidak tahu
3. Dari siapakah kaba ini saudara/bapak dengar?
 - a. langsung dari pengarang sendiri
 - b. dari orang tua-tua
 - c. dari tukang kaba
 - d. dan lain-lain
4. Di mana sajakah kaba ini tersebar?
 - a. hanya di kabupaten ini
 - b. hampir di seluruh Minangkabau
 - c. sampai ke luar wilayah Minangkabau.
5. Bagaimanakah cara penyebarannya?
 - a. melalui tukang kaba
 - b. melalui perpindahan penduduk
 - c. melalui kaba-kaba yang sudah diterbitkan
6. Apakah fungsi kaba bagi masyarakat

- kat Minangkabau pada masa yang silam?
- a. pendidikan
b. hiburan
c. berhubungan dengan kepercayaan
7. Apakah fungsi tersebut masih berlanjut pada kehidupan masyarakat dewasa ini?
- a. Ya
b. Tidak
c. Tidak tahu
8. Jika tidak ada , apakah sebabnya?
- a. masyarakat kurang berminat terhadap kaba
b. Nilai-nilai yang terkandung dalam kaba telah usang
c. bertentangan dengan nilai-nilai yang dianut masyarakat sekarang
d. dan lain-lain
9. Jika demikian halnya, perlukah itu diolah secara ilmiah, sehingga masyarakat sekarang lebih mudah memahaminya?
- a. perlu
b. tidak perlu
c. dan lain-lain
10. Sebutkan kaba-kaba lain yang anda ketahui?
- a.
b.

- c.
- d.
- e.

.....,.....1975

Pengumpul Data / Penanya

D. PARA SASTRAWAN

1. Pernahkan anda mengenal "Kaba?"
 - a. ya
 - b. tidak
2. Jika anda mengenalnya, bagaimana pengenalan itu berlangsung?
 - a. Langsung dari tukang kaba
 - b. membacanya
 - c. melalui keduanya
3. Tertarikkah anda olehnya?
 - a. tertarik
 - b. kurang tertarik
 - c. tidak sama sekali
4. Jika anda tertarik, faktor apakah yang menyebabkannya?
 - a. nilai sastranya
 - b. cara penyampaiannya
 - c. kedua-duanya
 - d.
5. Unsur-unsur manakah yang lebih menarik?
 - a. Isinya (tema dan amanatnya)
 - b. Bentuk/strukturnya (jalan cerita, penokohan dan gaya bahasanya)
 - c.

6. Apakah kaba pernah mengilhami hasil ciptaan anda?
- a. pernah
b. rasa-rasanya pernah
c. tidak pernah
d.
7. Jika pernah dalam hal-hal apa saja?
- a. gaya bahasa
b. tema
c.
8. Menurut anda, mungkinkah bentuk kaba dapat dikembangkan menjadi sastra Minang Modern?
- a. mungkin
b. tidak mungkin
9. Jika mungkin, dapatkah bentuk tersebut berkembang menjadi kesusastraan Indonesia?
- a. dapat
b. tidak
10. Jika ada kesempatan, berminatkah anda?
- a. berminat
b. tidak berminat
11. Bagaimanakah saran anda terhadap proyek penelitian ini?
- a.
b.
c.

. , 1975

Pengumpul data/ Penanya,

4109

PERPUSTAKAAN BALAI BAHASA

Pengarang	: BAKAR, Jamil Dkk
Judul	: Kaba Minangkabau
Call	: 899,223.13
NIB	: 41.09/B./2001/X:1(3)

© 1998 by the Board of Regents
of the University of Wisconsin